

শীর্ষেন্দু মুখোপাধ্যায়

ময়নগড়ের বৃগু

BanglaBook.org



**মরনাগড়ের বৃত্তান্ত**

পত্রভারতী, ৩/১ কলেজ রো, কলকাতা ৭০০ ০০৯

প্রথম সংস্করণ: জানুয়ারি ২০১১, পৃ. ১৭৬, মূল্য ১২০.০০

প্রচ্ছদ ও অলংকরণ: শ্রী শিশু দত্ত

উৎসর্গ: “রা-স্বা”/বন্দে শ্রীশ্রীঠাকুর অনুকূলচন্দ্রম

শ্রীমতী সুদেষ্কা বসু/শ্রীশৈবাল মিত্র/ করকমলেবু

‘বৃত্তান্ত’-কথা শিরোনামে লেখকের ভূমিকাটি নিম্নরূপ—

“মরনাগড়ের বৃত্তান্ত” ভিন্ন নামে আনন্দমেলায় ধারাবাহিক প্রকাশিত হয়েছিল বেশ কয়েক বছর আগে। নানা কারণে উপন্যাসটি আমি প্রকাশ করতে অনুমতি দিইনি কাউকেই। মনে হয়েছিল, বেশ কিছু পরিবর্তন করা দরকার। এখন দেখছি, সংস্কার করতে হলে পুরো উপন্যাসটি নতুন করে লিখতে হয়। আর তাই যদি হয় তা হলে পুরনো উপন্যাসটি তার মূল রূপে প্রকাশ গেলে ক্ষতি কিছু নেই। মরনাগড়ের বৃত্তান্ত তাই দু’হাজার এগারোয় কলকাতা বইমেলায় প্রকাশিত হল। এর জটিল কাহিনি ও বিস্তার কার কেমন লাগবে, কে জানে!

শীর্ষেবু মুখোপাধ্যায়

৩০ ডিসেম্বর ২০১০

The Online Library of Bangla Books

**BANGLA BOOK**.ORG



ময়নাগড়ের বৃত্তান্ত

The Online Library of Bangla Books

**BANGLA BOOK**.ORG

পৌষ মাসের এই সকালবেলায় ময়নাগড়ে অখণ্ড শাস্তি বিরাজ করছে। রোদ এখনও ভাল করে ওঠেনি, চারদিকে বেশ জম্পেশ কুয়াশাও জমে আছে। রাঙা রোদ অবশ্য কুয়াশাকে ছেড়ে দিয়ে তাড়ানোর প্রাণপণ চেষ্টা করছে। তাই একটু একটু রাঙা আলো ফুটে উঠছে চারধারে। আর সেই আলোয় দেখা যাচ্ছে পশুপতিবাবু তাঁর বারান্দায় দাঁড়িয়ে দাঁতন করছেন। এই দাঁতন করার সময়টায় তাঁর মুখে একটা স্বর্গীয় আনন্দ ফুটে ওঠে। তিনি লোককে প্রায়ই বলেন, “দাঁতন করার সময় আমার ভারী একটা দিব্যভাব আসে। মনে হয় যেন বাতাসের উপর হাঁটছি, অনেক অলৌকিক দৃশ্য দেখতে পাচ্ছি, অনেক অলৌকিক শব্দ শুনতে পাচ্ছি।”

একটু পশ্চিমধারে নিজেদের বাড়ির উঠানে গদাধর এইমাত্র পাঁচশো ডন শেষ করে পাঁচশো বৈঠক দিতে শুরু করেছে। তার হুপহাপ শব্দে বাতাস কাঁপছে। গদাধরও বলে, ডন-বৈঠক-মুণ্ডর ভাঁজার সময় সে নাকি আর গদাধর থাকে না। তার শরীরে নাকি অন্য কিছু একটার ভর হয়। বাহ্য চৈতন্য থাকে না বলেই বোধহয় মাসখানেক আগে এক ভোরবেলায় চোর এসে তার সাইকেলখানা চোখের উপর দিয়েই চুরি করে নিয়ে গেল। গদাধর দেখেও দেখতে পায়নি।

ধানার সেপাই রামশরণ হনুমানজির মন্দিরে পূজো চড়িয়ে ভজন গাইছে। মন্দিরটা অবশ্য একেবারেই বেঁটে বক্লেশর। মাত্র হাততিনেক উঁচু, বড়জোর দু'হাত লম্বা আর আড়াই হাত চওড়া। ভিতরে অসুষ্ঠপ্রমাণ একটা মূর্তিও আছে। তবে তেল-সিঁদুর, শ্যাওলা আর ময়লায় মূর্তির মুখচোখ কিছু বোঝবার উপায় নেই। কিন্তু রামশরণ রোজ সকালে বিভোর হয়ে বেসুরো গলায় ভজন গেয়ে তার ভক্তি নিবেদন করে। হনুমানজির উপর তার ভক্তির কারণ আছে। সময়টা রামশরণের খারাপ যাচ্ছে। তার মোষটাকে নিধুবাবু খোঁয়াড়ে দিয়েছেন, তার ছেলে শিউশরণ একটা মর্সি দিয়ে তিনবার ক্লাস সিল্বে ফেল করেছে। হেড কনস্টেবল হরিপদ সামনের ক্লাসে রিটার্নার হওয়ার পর ওই পোস্টে রামশরণের যাওয়ার কথা, কিন্তু শোনা যাচ্ছে, যষ্ঠীচরণকেই নাকি ওই পোস্টে বড়বাবু রেকমেন্ড করেছেন।

জীবনের উপর ঘেরা ধরে যাওয়ায় পাঁচু কয়েকবারই অনামানুষ হয়ে যাওয়ার চেষ্টা করেছে। তাতে যে একটু-আধটু কাজ হয়নি তাও নয়। পুরনো পাঁচু কিছুতেই তার পাছু ছাড়ে না। সে হয়তো একদিন সকালে ঠিক করল, আজ থেকে সে নন্দগোপাল হয়ে যাবে। বাস, সেদিন সকাল থেকেই সে প্রাণপণে নন্দগোপাল হতে চেষ্টা করতে লাগল।

তবে নন্দগোপাল হওয়া খুব সোজা কাজ তো নয়। নন্দগোপাল হচ্ছে ভারী বিনয়ী লোক। এত বিনয়ী যে, যার সঙ্গেই দেখা হয় তাকেই হাত কচলে, গ্যালগালে হেসে বিনয়বচন আওড়াতে থাকে, "আমি আপনার পায়ের ধুলোরও যুগি নই, আপনার গোয়ালের গোত্রটার চেয়েও আমাকে তুচ্ছ জ্ঞান করবেন, আপনার বাড়ির পাপোশটার মর্যাদাও আমার চেয়ে বেশি, বড় হতভাগা আমি, বড়ই অকিঞ্চন, মাঝে মাঝে আমাকে জুতোপেটা করবেন তো ভাই!"

তা পাঁচুও ওইসব বলে বেড়াতে লাগল। একদিন নরহরি ঘোষ তার বিনয়বচন খুব মন দিয়ে শুনে বলল, "হ্যাঁ রে, পাঁচু, নন্দগোপাল কি মারা গেছে? কই, মারা গিয়ে থাকলে তার শ্রাধের নেমস্তম্ব পেলুম না তো!"

জিভ কেটে পাঁচু বলে, "না না, ছিঃ ছিঃ, তিনি মরবেন কেন?"

নরহরি তখন ভাবিত হয়ে বলে, "না মরলে তার ভূত তোর ঘাড়ে ভর করল কী করে? বিজ্ঞান তো শিখলি না। বিজ্ঞানে পরিষ্কার বলা আছে, কেউ না মরলে ভূত হওয়ার জো নেই। জ্যান্ত মানুষের ভূত বলে বিজ্ঞান কিছু স্বীকারও করে না কিনা! অথচ দেখছি নন্দগোপালের ভূত দিবি তোর ঘাড়ে চেপে বসে ঠ্যাং দোলাচ্ছে।"

পাঁচু মাথা চুলকে বলল, "ভূত-প্রেতের ব্যাপার নয় আজ্ঞে। নন্দগোপালবাবু বড় ভাল লোক তো, ভাই একটু সেরকম হওয়ার চেষ্টা করছিলাম আর কী।"

"রাম রাম! নন্দগোপাল হতে চায় আহাম্মকেরা। সবসময় গ্যালগালে ডাব নিয়ে থাকলে কেউ পৌছে না। দেখিস না, নন্দ রাস্তায় বেরোলে পাড়ার ছেলেরা ওর পিছনে লাগে, হাততালি দিয়ে ছড়া কেটে খ্যাপায়। যদি মানুষের মতো মানুষ হতে চাস, তবে আমার মতো হ। লোকে আমাকে বিশ্বনিদ্দুক বলে বলে, আসলে আমি মানুষের দোষ মোটে সইতে পারি না। লোকে আমাকে ভো বগুড়টেও বলে, আসলে কি আমি ভাই? তবে হ্যাঁ, আমি উচিত কথা বলতেও কাউকে ছাড়ি না। লোকে আমাকে হিংসে করে কিপটেও তো বলে। ভাই বলে কি আমি কিপটে হয়ে গেছি নাকি? এই তো আজ সকালেই ফুটকড়াই দিয়ে কলখাবার খেয়েছি। মিতব্যয়ী আর কৃপণ কি এক হল? সবদিক বিচার করে দেখেছি রে বাপু, আমার মতো লোক হয় না।"

“যে আজ্ঞে!”

মুখে যাই বলুক, পাঁচু নরহরি ঘোষ হওয়ার চেষ্টা করেনি। নরহরির নাম নিলে নাকি হাঁড়ি ফাটে। তবে কিছুদিন পাঁচু শ্রীপদ হওয়ার চেষ্টা করেছিল বটে। শ্রীপদ হল গাঁয়ের লিডার, সবাই তাকে ভারী খাতির করে। বক্তৃতায় তার খুব নামডাক। শ্রীপদের জ্বালাময়ী বক্তৃতা শুনে লোকের রক্ত গরম হয়ে ওঠে, মাথায় খুন চেপে যায়, আঙ্গিন গুটোতে থাকে। তার আবেগপূর্ণ ভাষণে লোকে ভেউ ভেউ করে কাঁদে। দেশের অধঃপতন নিয়ে তার বক্তৃতার সময় সভায় সমবেত ছিঃ ছিঃ শোনা যায়। শ্রীপদের মুখ সর্বদাই গভীর এবং চিন্তাকুল। এলেবেলে লোকের সঙ্গে সে কথাই কয় না। নিতান্ত মানাগণ্যদের সঙ্গেও সে বেশ তাচ্ছিল্যের সঙ্গে কথা কয়। সবাই বলে, শ্রীপদের নাকি খুব ব্যক্তিত্ব। পায়জামা আর গেরুয়া পাঞ্জাবি পরা শ্রীপদ কাঁধে একটা খোলা ব্যাগ নিয়ে যখন রাস্তায় বেরোয়, তখন সর্বদাই তার সঙ্গে পনেরো-বিশজন মোসাহেব হেঁ হেঁ করতে করতে পিছু নেয়। দৃশ্যটা দেখলেই বুক ভরে যায়।

তবে অসুবিধেও আছে। পাঁচুর পায়জামা আর পাঞ্জাবি নেই, মোসাহেবও নেই। বক্তৃতাও সে কস্মিনকালে করেনি। তবে শ্রীপদ হওয়ার জন্য সে নির্জন মাঠে-ঘাটে গিয়ে একা-একাই বক্তৃতা প্র্যাকটিস করতে লাগল। কাজ শস্ত নয়, কিছু কিছু কথা শোনাই ছিল।

তারপর পাশের গাঁ বন্দাবনঘাটিতে হাটবারে গিয়ে জনসমক্ষে তেলেভাজাওয়ালা বিরিক্সিপদের নড়বড়ে টুলটার উপর দাঁড়িয়ে ঠিক শ্রীপদের মতো গলা করে “বক্তৃগণ...” বলে বক্তৃতা শুরু করে দিল। বক্তৃতা হচ্ছে শুনে অনেকেই বিকিকিনি খামিয়ে ভিড়ও করে ফেলল বেশ। পাঁচু দেশের দুর্নীতি, দুর্গতি, অবনতি নিয়ে বেশ গড়গড় করে বলে যাচ্ছিল বটে। কিন্তু সভায় একটু হাসি আর হুল্লোড়ও শোনা যাচ্ছিল। তার কারণ, পাঁচুর পরনে নীল রঙের হাফপ্যান্ট আর গায়ে খাকি রঙের সেই পুরনো শাটখানা।

তা প্রথমবার আঘচটাটাক বলেছিল বটে পাঁচু। বক্তৃতার শেষটায় একটু গুণ্ডগোল হল। বিরিক্সিপদ তাকে হাত ধরে টেনে নামিয়ে নিজের টুলখানা নিয়ে যাওয়ায় ভারী অপ্রস্তুত হল পাঁচু। তবে লোকে যথারীতি হাততালি দিয়েছিল। আর আদর্শ বিদ্যাপীঠের বাংলার মাস্টারমশাই বলাইবাবু এসে বললেন, “ওরে, বক্তৃমে তো দিলি, কিন্তু তোর যে ব্যাকরণের জ্ঞানই নেই। একমুঠা মূল শব্দ বলেছিস, ক্রিয়াপদ আর উচ্চারণের দোষ ধরলে তো অগুনতি।”

তা দু’-চারটে এরকম ক্রটিবিচ্যুতি সত্ত্বেও তার প্রথম বক্তৃতাটা যে উত্তরে গেছে তা ভেবে পাঁচু বেশ খুশিই হল। এরকম কয়েকবার প্র্যাকটিস করলেই পাঁচুকে নিয়ে হুইচই পড়ে যাবে। তখন আর পাঁচুকে পায় কে?

কিন্তু কপালটাই তার খারাপ। পরদিনই দুপুরবেলায় শ্রীপদর দুই চেলা মাথব আর কেলো এসে তাকে ধরল, “আই, তুই নাকি বন্দাবনঘাঁটিতে হাটের মাঝখানে শ্রীপদদাকে ভেঙিয়ে বক্তৃতা দিয়েছিস? আঁ, শ্রীপদদাকে নিয়ে কারিকোচার! এত বড় সাহস!”

তারপর সে কী মার রে বাপ! সারা শরীরে যেন একেবারে তবলালহরা বাজিয়ে গেল। মায়ের চোটে দিনসাতকে বিছানায় পড়ে থাকতে হল তাকে, তার ঘাড় থেকে শ্রীপদর ভূতও নেমে গিয়েছিল।

ইদানীং সে মন্থধ ভট্টাচার্য হওয়ার চেষ্টায় আছে। মন্থধবাবু অবশ্য বিদ্বান মানুষ। বিপিনচন্দ্র মেমোরিয়াল স্কুলের হেডসার ছিলেন। সোজা সটান চেহারা, দিবি স্বাস্থ্য, গম্ভীর, কম কথাই মানুষ, সবাই তাঁকে খুব শ্রদ্ধাভক্তি করে। গায়ে কোনও সভাসমিতি হলে মন্থধবাবু বাধা সভাপতি। রবীন্দ্রজয়ন্তী, নজরুলজয়ন্তী, কিংবা রবীন্দ্র-নজরুলজয়ন্তী কিংবা রবীন্দ্র-নজরুল-কুদিরাম-নেতাজিসম্মা, রক্তদান শিবির, শারদীয়া দুর্গোৎসবের শুভ উদ্বোধন কিংবা হারোদঘাটনে মন্থধবাবুকে ছাড়া ভাবাই যায় না। তবে মন্থধবাবুর বক্তৃতাগুলো সাপটে ওঠা কঠিন। মরমী কবি রবীন্দ্রনাথ, বিদ্রোহী কবি নজরুল, কুদিরামের আত্মদান, নেতাজির অস্তর্ধান, এসব বিষয়ে পাঁচুর তেমন ভাবটাব আসে না। তাই ও চেষ্টা সে করেনি। আপাতত সে শুধু সকাল আর বিকেলে মন্থধবাবুর প্রাতঃভ্রমণ আর সন্ধ্যাভ্রমণটি নকল করার চেষ্টা করছে। মন্থধবাবুর ডান হাতে রুপোর বাধানো লাঠি, বাঁহাতে ধূতির কোঁচা, গায়ে গলাবন্ধ কোট, পায়ে মোজা আর পাম্পশু। ঘাড় উঁচু, পিঠ সোজা। হাঁটেন যেন গুলতি থেকে ছিটকে- যাওয়া শুড়ুলের মতো। এই এখন আছেন তো পরক্ষণেই ওই হোথা চলে গেছেন। ক’দিন ধরে মন্থধবাবুর পিছু নিয়ে হাঁটতে গিয়ে হেঁদিয়ে পড়েছে পাঁচু। তাও ভাগিস, হামপ্যান্টের কোঁচা হয় না, আর লাঠিও পাঁচু এখনও জোগাড় করে উঠতে পারেনি, পাম্পশুও তার নেই, তার পায়ে ছেঁড়া হাওয়াই চলল।

এই সাতসকালে মন্থধবাবুর পিছু নিয়ে একটু দূর থেকে পাঁচু প্রায় পৌঁড়পায়ে আসছিল। বজরুলজয়ন্তীর মন্দির অবধি এসে আর পারল না। হ্যা হ্যা করে হাঁফাতে লাগল। উদ্ধবাবু সেই অন্ধকার থাকতে সাতসকালে বাজার করতে বেরিয়েছেন। সাত সকালে না বেরোলে তাঁর বাজারে পৌঁছতে বড় দেরি হয়ে যায়। এই সকালে বেরিয়েও বেলা বারোটায় আগে প্রায় কোনওদিনই বাজারে পৌঁছতে পারেন না। বাজার যে তাঁর বাড়ি থেকে অনেক দূর তাও নয়। বিষ্ণুপুর কানুনগো মেপে দেখেছেন উদ্ধবাবুর বাড়ি থেকে বাজারের দূরত্ব মোট সাতশো সত্তর গজ। অর্থাৎ আধ মাইলের মতো। শুধু যে ভোর সাড়ে চারটায় বেরিয়ে তিনি বেলা বারোটা নাগাদ

বাজারে পৌঁছন, তার কারণ হল, রাস্তায় যত লোকের সঙ্গে দেখা হয়, দু'পাশে যত বাড়ি আছে সকলেরই কুশল সংবাদ নেওয়া, নানা বিষয়ে দু'-চারটে কথা কওয়া, কোন কোন গাছে কেমন ফুল বা ফল হচ্ছে তার খবর নেওয়া, নেড়ি কুকুর, হলো বেড়াল, পোষা পাখিদের সম্পর্কেও খোঁজখবর করা তো আছেই। তা ছাড়া, কখনও হয়তো বিদ্যাচরণের সঙ্গে একহাত দাবা খেলে নিলেন, হাই স্কুলের মাঠে ছেলেরা ক্রিকেট খেলছে দেখে মাঠে নেমে একটু খাটান দিলেন, মহেশগয়লা দুধ দুইছে দেখে দাঁড়িয়ে খানিক দুধের ফেনার শুভ্রতা দেখে মুগ্ধ হলেন, আর এইসব করতে গিয়েই দেরিটা হয়ে যায়। তাঁর বউ বলে বলে হয়রান হয়ে এখন অন্য বন্দোবস্ত করেছেন। বাজারের ব্যাপারীরা মাছ আর আনাজ তাঁদের বাড়িতে পৌঁছে দিয়ে পয়সা নিয়ে যায়। উদ্ধববাবু বাজার না করলেও বাড়ির চলে যায়। কিন্তু বাজার না করে উদ্ধববাবু মোটেই থাকতে পারেন না, তা হলে বড্ড আইটাই হয়।

আজও উদ্ধববাবু সাতসকালেই বেরিয়েছেন বটে। সাড়ে চারটেয় বেরিয়ে এই সকাল ছ'টা নাগাদ বাড়ি থেকে মোট একশো গজ আসতে পেরেছেন। সাতজনের সঙ্গে কুশল বিনিময় হয়েছে। পরেশবাবুর বাড়িতে চা আর বিস্কুট খেয়েছেন, নরেশবাবুর বাড়িতে চারখানা নারকেলের নাড়ু আর জল, খগেনবাবুর বাড়িতে মাখন-টোস্ট দিয়ে এক কাপ কফি আর রমেশবাবুর বাড়িতে দু'গেলাস খেজুরের রস। আরও হবে, পথ এখনও মেলা বাকি।

সাতুবাবুর লাল গাইটার কাল পেট খারাপ করেছিল। তারও একটু খোঁজখবর নিতে গিয়েছিলেন উদ্ধববাবু। দেখলেন, গাই ভাল আছে। সাতুবাবু সেই গোকুর এক গেলাস দুধও খাওয়ালেন তাঁকে। দুধ খেয়ে তেঁতুলতলার পথ ধরে বড় সড়কের দিকে এগোছিলেন উদ্ধববাবু। সকালবেলায় আজ খাওয়াদাওয়াটা বেশ হয়েছে। মনটা খুশি খুশি লাগছে। তেঁতুলতলার পথটা ভারী নির্জন আর জংলা, রাস্তা বলতে একটা সরু মেটে পথ, দু'ধারে আগাছা আর কাঁটাঝোপের জঙ্গল। দুটো কয়েকখেলার গাছ আছে বাঁ ধারটায়। ক'দিন আগেও দেখেছেন প্রচুর কচি কয়েতবেল ফলেছে। এখন একটাও নেই। গায়ের পাজি ছেলেগুলো ফলপাকুড় মোটে স্পর্কতেই দেয় না। ধীরেসুস্থে চারদিক দেখতে দেখতে, আর সকালবেলার দ্বিষ্টে-রাঙা রোদ আর চারদিককার দৃশ্যাবলী উপভোগ করতে করতে উদ্ধববাবু সড়কের দিকে মোড় ঘুরেই দেখতে পেলেন, বটতলার ছায়ায় একটা ভারী ঢাঙা গ্লিক দাঁড়িয়ে আছে। পরনে একটা তোলা পাতলুন গোছের জিনিস, গায়ের কাঁপাটাও বেজায় ঢলঢলে। দুটোর রংই নীল। মাথায় একটা গোলমতো টুপিও আছে, তবে গায়ে গরম জামা নেই। উদ্ধববাবু লোকটাকে চিনতে পারলেন না। এরকম ঢাঙা কোনও লোকের সঙ্গে তাঁর



পরিচয় নেই।

তবে লোকটাকে দেখে খুশিই হলেন উদ্ধববাবু। নতুন লোকের সঙ্গে কথা করে আরাম আছে। কত কী জানা যায়।

মুখোমুখি হতেই দেখতে পেলেন, লোকটা বেশ ফর্সা, মুখ-চোখ বেশ ভাল, চিনেদের মতো ঝোলা গৌফ আছে। আর ডান বগলে একটা বড়সড় পোঁটলা আর বাঁ-কাঁধ থেকে একটা ছোট ঢোলের মতো জিনিস দড়িতে ঝুলছে। বয়স পঁচিশ-ছাষিশের বেশি নয়।

উদ্ধববাবু একগাল হেসে বললেন, “এ গায়ের নতুন বুঝি?”

ছোকরা একটু ফচকে হাসি হেসে বলল, “তা একরকম নতুনই বলতে পারেন। তবে এককালে আমার ময়নাগড়ে যাতায়াত ছিল।”

“বটে! তা হলে তো তুমি এ গায়ের পুরনো লোকই বটে। বাবার নাম কী বলো তো? কোন পাড়ায় বাড়ি? কাদের ছেলে তুমি?”

ছোকরা তেমনই ফচকে হাসি হেসে বলল, “আন্দাজ করুন তো!”

উদ্ধববাবু বললেন, “দাঁড়াও বাবু, দাঁড়াও। মুখটা বড্ড চেনা-চেনা ঠেকছে! আচ্ছা, তুমি মদন পোন্ধারের ভাগনে নও তো? এইটুকু দেখেছি। ছেলেবেলায় বড্ড বাদর ছিলে বাবা। গাছ বাওয়া, ফল-পাকুড় চুরি করা, ঢিল মারা, মারপিট করা, পড়াশুনোয় ফাঁকি, কোন গুণটা না ছিল তোমার! তবে আমি কিন্তু বরাবর বলে এসেছি, ‘ওরে মদন, যারা ছেলেবেলায় দুষ্ট থাকে, তারা বড় হয়ে কেইবিষ্ট হয়ে দাঁড়ায়। দেখিস, এ ছেলে এলেবেলে নয়, জজ-ব্যারিস্টার না হয় ডাক্তার-ইঞ্জিনিয়ার হবেই।’ তা বাপু, এখন কী করা-টরা হয়?”

ছোকরা ভারী সপ্রশংস চোখে উদ্ধববাবুকে আপাদমস্তক একবার দেখে নিয়ে বলল, “আপনি তো সাংঘাতিক লোক মশাই! আমার সম্পর্কে আপনার অনুমান তো প্রায় মিলেই গেছে দেখছি! বাঃ!”

উদ্ধববাবু আশ্চর্যসাদের হাসি হেসে বললেন, “মিলবে না। লোকে তো পঞ্চমুখে বলে, ‘ই্যা উদ্ধবের চোখ আছে বটে, একবার যা দেখে তা বিশ-পঁচিশ বছরেও ভুল হওয়ার জো নেই।’”

“তাই দেখছি।”

“তা মদনের বাড়িতে উঠেছ তো!”

“আজ্ঞে না।”

“কেন বলো তো। আমার সঙ্গে কি বনিধন্য হচ্ছে না? নাকি মাঝি হুড়া দিচ্ছে! মদনের বউটা অবশ্য একটু কঁদুলে আছে।”

“মামার বাড়িতে যে উঠিনি তার কারণ আপনি ঠিকই ধরেছেন। বনিবনা নেই। আর মামির ব্যাপারে বোধহয় আপনি খুব একটা ভুল বলেননি। তবে তৃতীয় আর-একটা কারণ আছে।”

উদ্ধববাবু সাগ্রহে গলাটা খাটো করে বললেন, “কী কারণ বলো তো বাপু। ভয় নেই, আমি পাঁচকান করব না।”

“কথা দিলেন তো?”

“মা কালীর দিবিয়া।”

“তা হলে চুপিচুপি বলি। কারণটা হল, মদন তপাদার আমার মামা নন।”

“অ্যাঁ! তবে যে মদন তোমাকে ভাগনে বলে পরিচয় দিত! সেটা কি তবে মিথ্যে কথা? কাজটা তো মোটেই ঠিক করেনি মদন!”

ছোকরা ফের একটা ফিচকে হাসি হেসে বলল, “মদন তপাদারকে মোটেই বিশ্বাস করবেন না মশাই। যাকে-তাকে ভাগ্নে বলে চালিয়ে দেন।”

উদ্ধববাবু সাগ্রহে বললেন, “আর কাকে ভাগনে বলে চালিয়েছে বলো তো!”

ছেলেটা ভালমানুষের মতো বলল, “তা অবশ্য আমি জানি না। কারণ, আমি মদন তপাদারকে চিনি না, কখনিকালেও দেখিনি।”

উদ্ধববাবু চোখ বড় বড় করে বললেন, “দেখোনি! অ, তা হলে তুমি মদনের সেই ভাগনে নও বোধহয়।”

“আজ্ঞে না। তবে আপনার অনুমান খুব কাছাকাছি গেছে। মদন তপাদার না হলেও আমি কারও-না-কারও ভাগনে তো বটে।”

“তা, সেটা আগে বলতে হয়। তবে তোমার মুখখানা বড় চেনা-চেনা ঠেকছে হে। কোথায় যেন দেখেছি! আচ্ছা, তুমি নিমাইচাঁদের সেই নিকরদেশ নাতি শিবচাঁদ নও তো! আহা, শিবচাঁদ বড় ভাল ছেলে ছিল। সাত-পাঁচে নেই, সাত চড়ে রা জাড়ে না, সাত-সত্তেরায় থাকে না, সাতকাহন গল্প ফেঁদে বসে না, সপ্তগ্রামে কিনা কুলি চেষ্টায় না, আর তাকেই কিনা সাতঘাটের জল খাইয়ে ছাড়লে সাতকড়ি সরখেল। কী না সরখেলের বাবাকলে পকেটঘড়িটা চুরি গেছে। ওরে বাবা, ঘড়ি কার না চুরি যায়! দুনিয়ায় কি ঘড়িচোরের অভাব আছে! তা সাতকড়ির সন্দেহ গিয়ে পড়ল শিবচাঁদের উপর। কেন, না শিবচন্দ্র নাকি দুপুরে গোবর সাজাতে এসে সাতকড়িকে টাইম জিক্সেস করেছিল। সুতরাং সাতকড়ির মনে হইয়েছে, ও ঘড়ি শিবু ছাড়া আর কেউ সরায়নি। থানা-পুলিশ করে শিবুকে কী হেনস্থাটাই করল সাতকড়ি। সেই দুঃখেই ছেলেটা বিবাগী হয়ে গিয়েছিল। মার বাবা, এতদিন পর যে ঘরের ছেলে ঘরে ফিরেছে, দেখেই ভারী আনন্দ হচ্ছে হে শিবু। তা আর কোনও চুরির মাযলায়

কैसे যাওনি জো বাবা। দাদুর সঙ্গে দেখা করেছ তো! সেই নাক, সেই মুখ, সেই চোখ, ঠিক আগের মতোই আছ বাবা শিবু। তবে সেই শিবু ছিল বেঁটে, তুমি একটু লম্বা। শিবুর গায়ের রং ছিল কালো, তুমি অবশ্য ফর্সাই। শিবুর চুল ছিল সটান, তোমার টুপি'র ধার দিয়ে যা দেখছি তাতে চুল কৌকড়া বলেই মনে হচ্ছে। তা হোক, তা হোক, অত ধরতে নেই। দু'-চারটে জিনিস না মিললেও তুমিই যে আমাদের শিবু তাতে সন্দেহের অবকাশই নেই।”

ছোকরা চোখ-নাক কুঁচকে বলল, “এবারের অনুমানটাও বড্ড কাছাকাছি এসে গেছে মশাই। আপনার দেখার চোখ আছে বটে! দিবাদৃষ্টি কি একেই বলে।”

“হেঁ হেঁ, কী যে বলো শিবু। ওইটেই আমার দোষও বটে, গুণও বটে। মুখ দেখে পেটের কথা ধরে ফেলতে পারি বলেই অনেকে যেমন আমার সুখ্যাতি করে। তেমনই আবার কারও কারও আঁতেও লাগে। এই তো সেদিন রামগোপাল বটতলায় মুখখানা শুকনো করে বসে ভাবছিল। আমি সটান গিয়ে তাকে বললুম, ‘কী রে রেমো, তোর বউয়ের সঙ্গে আজ ঝগড়া হয়েছে তো!’ রেমো তো অবাক। বলল, ‘কী করে বুঝলেন দাদা! দিন, পায়ের ধুলো দিন।’ তা হলে সব ঠিকঠাকই বলেছি তো শিবু? ভুল করিনি তো?”

ছোকরা সবেগে মাথা নেড়ে বলে, “আজ্ঞে না, ভুল হওয়ার জো-ই নেই। শুনতে শুনতে এখন তো নিজেকে আমার শিবু বলেই মনে হচ্ছে। নিজের গা থেকে আমি একটা শিবু-শিবু গন্ধও পাচ্ছি।”

উল্লেখ্যবাবু হাঁ করে একটু চেয়ে থেকে বললেন, “তা হলে কি তুমি বলতে চাও যে, তুমি শিবু নও? আপত্তি থাকলে আমি চাপাচাপি করব না। ঘড়িচোরের বদনাম ঘাড়ে নিয়ে শিবু হতে কারই বা ইচ্ছে থাকে। বলি, পরাণ মণ্ডলের মেজোছেলে প্রাণকৃষ্ণ কি না জিজ্ঞেস করলেও তুমি হয়তো বলে বসবে, প্রাণকৃষ্ণকেও তুমি চেনো না। তা প্রাণকৃষ্ণ তো আর ঘড়ি চুরি করেনি। দোষের মধ্যে তার একটু থিয়েটার করার শখ ছিল। চেহারাখানাও বেশ নাদুসনুদুস। শেষে মুম্বই গিয়ে জুটেছিল সিনেমায় নামাবে বলে। ইদিকে আমরা গাঁসুন্ধু লোক সিনেমার পরদায় তার দেখা পারি বলে আশপাশের শহরে গিয়ে রাজ্জোর হিন্দি সিনেমা দেখতে লাগলাম। কোন এটিয়েই প্রাণকৃষ্ণ নেই। মুরগিহাটার কুশচন্দ্র অবশ্য বলেছিল, কোনও একটা সিনেমায় নাকি নারদের রোলে এক মিনিটের জন্য তাকে দেখিয়েছে। তবে নারদের যা বিচ্ছিরি দাড়িগোফ, তাতে কুশচন্দ্রের ভুলও হতে পারে। ফরসাগঞ্জের ফটিক খুব সজ্জার দিয়ে বলেছিল, সে নাকি প্রাণকৃষ্ণকে ‘পিয়াস লাগি’ ছবিতে একটা চরিত্রের পার্ট করতে দেখেছে। সিনেমায় প্রাণকৃষ্ণের নাম হয়েছে ‘প্রাণকুমার’। কিন্তু ফটিক দিনেদুপুরে মিথ্যে কথা বলে। তা

সে যাই হোক, প্রাণকৃষ্ণের কোনও খবর সেই থেকে আর পাওয়া যায়নি। তোমাকে দেখে আমার খুব সন্দেহ হচ্ছে, আমাদের সেই প্রাণকৃষ্ণই ফিরে এল কি না! কী হে বাপু, শুনে যে মুখখানা একেবারে শুকিয়ে গেল! ওরে বাপু, ঘাবড়ানোর কী আছে? সত্যি কথাটা যদি বলেই ফেলো, তা হলে তো আর আমি লোককে বলে বেড়াব না। আমরাও তো জানি ফিল্মস্টারদের কত হ্যাঁপা সামলাতে হয়। অটোগ্রাফ দাও রে, সঙ্গে দাঁড়িয়ে দাঁত কেলিয়ে ফোটো তোলো রে, এ পেরাম করে তো ও চুঁয়ে দেখে, রক্তমাংসের মানুষ কি না। তা বাপু, তোমার কোনও ভয় নেই, তুমি যে ফিল্মস্টার তা কাকপক্ষীতেও জানবে না। কথা দিচ্ছি। আমাদের সেই প্রাণকৃষ্ণ এত বড় কেউকেটা হয়েছে, এ তো তল্লাটের মস্ত গৌরব!”

ছেলেটা একটা দীর্ঘশ্বাস ফেলে বলল, “ধরে যখন ফেলেছেনই, তখন লুকিয়ে আর কী লাভ খুঁড়োমশাই। আপনার চোখকে ফাঁকি দেওয়ার এলোম আমার নেই। তবে কিনা আমাকে ফিল্মস্টার বলাটা একটু বাড়াকাড়ি হয়ে যাচ্ছে। প্রাণকৃষ্ণ বলুন, আপনি গুরুজন, মাথা পেতে মেনে নেব। কিন্তু ফিল্মস্টার বললে আসল ফিল্মস্টাররা ভারী অপমান বোধ করবেন!”

“বটে! তা হলে কি তুমি ফিল্মস্টার হতে পারোনি হে প্রাণকৃষ্ণ?”

“আজ্ঞে না।”

“কুলাঙ্গার! কুলাঙ্গার! আমরা হাপিতোশ করে এতকাল বসে রইলাম তোমাকে সিনেমায় দেখব বলে, তা সেটা পেরে উঠলে না? ছিঃ ছিঃ, লোকের কাছে মুখ দেখাবে কেমন করে?”

“আজ্ঞে, সেই জনাই তো আড়ালে আবড়ালে মুখ লুকিয়ে ঘুরে বেড়াচ্ছি।”

“অপদার্থ আর কাকে বলে! ওরে আহাম্মক, ফিল্মস্টার হতে কী এমন হাতিঘোড়া লাগে বল তো! ক্যামেরার সামনে একটু নাচগান, একটু ফাইট আর ডায়লগ হাঁকড়ে যাওয়া। এও পেরে উঠলে না?”

ছেলেটা ভারী কাঁচুমাচু হয়ে বলে, “সবার কি সব হয় খুঁড়োমশাই! ফিল্মস্টার হতে পারিনি, প্রাণকৃষ্ণও হতে পারব কি না জানি না। প্রাণকৃষ্ণ হতে চাইলেই তো হবে না, প্রাণকৃষ্ণ এবং তার বাবা-মা, তস্যা আত্মীয়স্বজন ও ধর্ম্মবাক্তিবাদি নানারকম আপত্তি তুলতেই পারে। থানা-পুলিশ হওয়াও সম্ভব। ভেবে দেখুন, এত সব ফাঁকড়ায় আপনিও জড়িয়ে পড়তে চান কি না।”

উদ্ধববাবু একটা দীর্ঘশ্বাস ছেড়ে বললেন, “প্রাণকৃষ্ণ না হয় নাই হলে, তা বলে তুমি লোকটা আসলে কে, তাও তো জানা দরকার হে! গায়ে একটা উটকো লোক হঠাৎ উদয় হলে চারদিকে একটা কানকানি, ফিসফাস শুরু হবে না? চাই কী,

দাঙ্গাহাঙ্গামাও বেধে যেতে পারে। এই তো বছর তিনেক আগে এক মস্ত জটাজুটধারী সাধু এসে খানা গেড়েছিল বটতলায়, সঙ্গে গুটিদুই চেলা। পরে শোনা গেল, সে নাকি স্পাই। দিনকাল তো ভাল নয় হে। তাই বলছি, ঝেড়ে কেশে ফেলো। তোমাকে আমার বড্ড চেনা-চেনা ঠেকছে কেন কে জানে।”

“জন্মান্তর মানেন বুড়োমশাই?”

“কেন বাবু, জন্মান্তর মানব না কেন? আমাদের রামহরি গুণ মস্ত তান্ত্রিক। ভৃগুর গণনায় একেবারে সিদ্ধবাক। কে আগের জন্মে কী ছিল, তা গড়গড় করে বলে দেয়। তোমাকে চুপিচুপি বলছি, কাউকে বোলো না, আমাদের মন্থধবাবু নাকি আগের জন্মে কুমির ছিলেন। আমার কেমন যেন আগে থাকতেই তা মনে হত। আমার সেজো ছেলে পশুটিকে যখন ক্লাস এইটে তিনবার ফেল করিয়ে দিয়েছিলেন, তখনই আমার মন বলছিল, উনি কুমির না হয়ে যান না। কুমির নাগালে পেলে তোমাকে কিছুতেই ডাঙায় উঠতে দেবে না, ঠ্যাং কামড়ে হিড়হিড় করে জলে নামাবেই কি নামাবে। দিল আমার পশুটিকে ডাঙায় উঠতে? এই যে পশুপতিবাবুর কাছ থেকে পঞ্চাশ টাকা হাওলাত নিয়েছিলাম, চণ্ডীমণ্ডপে মাতব্বরদের সামনে কী অপমানটাই করলেন আমাকে। তা তিনি আগের জন্মে কী ছিলেন জানো? চুষক লোহা। চুষক লোহা আশপাশের সব জিনিস টেনে রাখে, উনিও তাই, ওয়ান পাইস ফাদার মাদার। তা বাবু, জন্মান্তরের কথাটা উঠছে কেন?”

ছোকরা মিষ্টি হেসে বলল, “না, ভাবছিলাম, আপনার সঙ্গে হয়তো আমার আগের জন্মে পরিচয় ছিল, তাই আমাকে আপনার এত চেনা-চেনা ঠেকছে।”

“উহ, তুমি আমাকে যত বোকা ঠাউরেছে, আমি তত বোকা নই হে। আমার শ্রুতিশক্তি অতি চমৎকার। এই পঁয়ষট্টি বছর বয়সেও সত্তেরোর ঘরের নামতা বলে যেতে পারি।”

“ওরে বাবা, সে তো খুবই শক্ত কাজ বুড়োমশাই!”

“তাই তো বলছি হে, আমাকে ফাঁকি দেওয়া অত সোজা নয়।”

ছেলেটা আমতা আমতা করে বলল, “তাই তো। বড্ড মুশকিলে ফেললেন দেখছি!”

“কেন হে বাবু, নাম-ধাম-পরিচয় বলে ফেললেই তো হয়।”

“নামটা বড় গোলমালে। ভাবছি, আপনার যদি বিদ্যাস না হয়, পিতৃদত্ত নাম, ফেলেও দিতে পারি না।”

“আহা, নাম কি কেউ ফেলে? ও কি ফেলার জিনিস? বাপ-পিতেমোর দেওয়া নাম পরম শ্রদ্ধার সঙ্গে বলতে হয়। নাও, বলে ফেলো, ফেললেই দেখবে ল্যাঠা চুকে যাবে।”

“আজ্ঞে না খুড়োমশাই, নতুন লাঠাও উপস্থিত হতে পারে।”

“কেন হে বাপু, তোমার নামে কি হলিয়া আছে?”

“বিচিত্র নয়। শুভব শুনেছি, অনেকে নাকি আমাকে খুঁজে বেড়াচ্ছে।”

“ও বাবা! তা তুমি করেছটা কী?”

“সে বলতে গেলে মহাভারত। কাজ কী আপনার ওসব শুনে?”

“বলি চোর, ডাকাত বা খুনি নও তো?”

ছেলেটা একটা দীর্ঘশ্বাস ফেলে বলল, “সে হলেও তো ভাল ছিল খুড়োমশাই। আজকাল তো দেখতে পাই, চোর-ডাকাত-খুনিদের বেজায় নামডাক আর বোলবোলাও। তারাই সব মুরুব্বি-মাতব্বর কেঁটবিট্ট হয়ে বসে আছে।”

“যা বলেছ বাবা, একেবারে প্রাণের কথাটা। এই যে আমাদের ময়নাগড়ের মাতব্বর মহাদেব বিশ্বাস, দেখলে মনে হবে দেশের দরদে প্রাণ উথলে উঠছে। বললে পেতায় যাবে না, আঠারোখানা খুনের মামলা ছিল ওর নামে। ওই যে বিষ্ণু সীতরা, গায়ে উন্নতির নামে সরকারি যে টাকা আসে, তা ফাঁক করে তেতলা বাড়ি করে ফেলল চোখের সামনে। আরও শুনবে? রাত ভোর হয়ে যাবে কিন্তু!”

“আজ্ঞে, তবে থাক।”

“তা তোমার অপরাধটা কী?”

“আজ্ঞে, বললে বিশ্বাস যাবেন না, আমার অপরাধ হল, আমি ম্যাজিক দেখাই।”

“ম্যাজিক দেখাও, বটে? তা সে তো খুব ভাল জিনিস হে! তাতে দোষের কী?”

“সেইটেই তো বুঝতে পারছি না খুড়োমশাই। তবে অনেকেই আমাকে ভাল চোখে দেখে না।”

“না হে বাপু, এ বড় হেয়ালি ঠেকছে। ম্যাজিকের মধ্যে আবার শিশুসেপটা কীসের? ম্যাজিক মানে তো হাতসাফাই আর একটু হিপনোটিজম। এতো শ্রেফ মজা ছাড়া কিছু নয়।”

“ওখানেই তো মুশকিল। আমার ম্যাজিকে অনেকে মজাটা খুঁজে পাচ্ছে না। তারা আমার গর্দান নেওয়ার জন্য হনো হয়ে খুঁজে বেড়াচ্ছে।”

“এটা তো খুব অনায় কথো হে!”

“আজ্ঞে, কলিযুগে নায়টা আর দেখছেন কোথায় বলুন।”

“সেও ঠিক কথা। কিন্তু ম্যাজিশিয়ানের গর্দান কেন চাওয়া হচ্ছে সেটাই বুঝতে পারছি না। থাক গে, তোমার নামটা শুনি।”

“শুনে বিশ্বাস হবে তো আপনার?”

“খুব হবে, খুব হবে। আমার খুড়তুতো এক শ্যালক আছে, তার নাম পর্বত। আমার এক মাসতুতো দিদি আছে, তার নাম পেতনি।”

“বাঃ, তবে তো আপনার অভ্যাস আছেই। আমার নাম হিজিবিজি।”

উদ্ধববাবু একটু হাঁ করে চেয়ে রইলেন। তারপর বললেন, “ঠিক শুনেছি তো বাপু? আমার কানের কোনও দোষ হয়নি তো!”

ভারী লাজুক মুখে ছেলেটা বলল, “এতরূপ তো আপনার কান ঠিক মতোই কাঙ করেছে, তাই না?”

“তা বটে।”

“দোষ নেবেন না খুড়োমশাই, আমি তো আগেই আপনাকে সাবধান করেছিলাম।”

উদ্ধববাবু একটা দীর্ঘশ্বাস ফেলে বললেন, “তা নামটাকে খারাপও বলা বাঞ্ছ না, বেশ নতুন ধরনের নাম। তা বাপু হিজিবিজি, তুমি কি এই নামেই ম্যাজিক দেখাও? তোমার বাবা কি এই নামেই তোমাকে ডাকেন? যদি একদিন তোমার দেশজোড়া নাম হয় তখনও কি এই নামই বহাল থাকবে?”

“উপায় কী বলুন। এই নামেই যে সবাই আমাকে চেনে।”

“তা বাপু হিজিবিজি, তোমার বাবা এই মোক্ষম নামটা পেলেন কোথা থেকে?”

“শুনলে হাসবেন খুড়োমশাই, ছেলেবেলায় খুব দুট্ট ছিলাম তো। সর্বদাই অকাজ-কুকাজ করে বেড়াতুম। বাবা আমাকে দেখিয়ে লোককে বলত, ‘হি ইজ বিজি।’ সেই থেকেই লোকে হিজিবিজি বলে ডাকতে শুরু করে। শেষে এই নামটাই আমার সঙ্গে সের্টে গেল।”

উদ্ধববাবু ভারী খুশি হয়ে বললেন, “এইবার বুঝলুম, বাঃ এই তো হিজিবিজি একেবারে পরিষ্কার হয়ে গেল। তা বাবা হিজিবিজি, তুমি কি ম্যাজিক দেখানোর মতলবেই ময়নাগড়ে এসে জুটেছ?”

মাথা নেড়ে একটু হেসে হিজিবিজি বলে, “না খুড়োমশাই, ম্যাজিক আমার মাথায় উঠেছে। আমি এসেছি বিপদে পড়ে। গত সাতদিন ধরে এক জায়গায় দু’রাত্তির থাকতে পারিনি।”

“কেন বাপু, কেন?”

“চারদিকে আমার খোঁজ হচ্ছে যে!”

“কারা খুঁজছে তোমাকে? তারা কি খারাপ লোক?”

“সবাইকে খারাপ বলি কী করে বলুন! ধরুন পুলিশ, মিলিটারি, ইন্টারপোল,

আন্তর্জাতিক শুভা কে না খুঁজছে আমাকে। সবাই তো আর খারাপ লোক নয়।”

“তা হলে গা-ঢাকা দিতে এসেছ নাকি? সে শুড়ে বালি। এখানে কারও পেটের কথা গোপন থাকে না। মাঝরাতিরে হয়তো তোমার কান কটকট করেছিল, সকালে উঠে দেখবে সারা তল্লাটে তাই নিয়ে আলোচনা হচ্ছে। তোমাকে কী বলব বাবা, মা মরার সময় দশটা মোহর তার বাক্স থেকে বের করে আমাকে দিয়ে বলেছিল, “সাবধানে লুকিয়ে রাখিস।” তা আমি নিশ্চিন্তি রাতে সেই মোহর অঙ্ককারে বসে বালিশের সেলাই শুলে তার মধ্যে ঢুকিয়ে ফের সেলাই করে দিই। আগাগোড়া অঙ্ককারে কাজ করতে হয়েছিল, তাতে বারদশেক ছুঁচের খোঁচা খেতে হয়েছিল হাতে। এত সাবধান হওয়া সত্ত্বেও পরদিন সাতাকিবাবুর সঙ্গে দেখা হতেই গম্ভীর মুখে বললেন, “মাসিমার দেওয়া মোহরগুলো বালিশে ভরে রাখা কি নিরাপদ হল মশাই?”

“আশ্চর্য তো!”

“এ আর আশ্চর্যের কী। বাজারের মাছওলা নিতাই একগাল হেসে বলল, ‘উজ্জববাবু, চোর তো বালিশটাই হাপিশ করে দেবে মোহরসুদ্ধ! না না, ও আপনার বড্ড কাঁচা কাজ হয়েছে।’ সনাতন পাল বলল কী জানো? বলল, ‘আহা বালিশের বাঁ-কোণে যে মস্ত একটা ছেঁড়া জায়গা রয়েছে উজ্জববাবু, লক্ষ করেননি? চুরি যদি নাও যায়, ফুটো দিয়ে পড়েও তো যেতে পারে।’ তবেই বোঝো, ময়নাগড় কেমন জায়গা। এখানে লুকোছাপা ব্যাপারটাই নেই। সবাই সবাকার হাঁড়ির খবর জেনে যায়। আমার তো মনে হয় ময়নাগড়ের কুকুর, বেড়াল, পাখি-পক্ষী, পোকামাকড়, অবধি খবর ছড়িয়ে বেড়ায়।”

হিজিবিজি ভাবিত হয়ে বলল, “তা হলে তো মুশকিল হল খুঁড়োমশাই!”

“তুমি বরং বৃন্দাবনখাঁটি বা তালপুকুরে চেষ্টা করে দেখো, এখানে সুবিধে হবে না।”

“আচ্ছা, তা হলে আসি খুঁড়োমশাই।”

“এসো গিয়ে।” বলেই উজ্জববাবু হাঁ। গাছতলায় দাঁড়ানো হিজিবিজি একটুও নড়ল না, চড়ল না, দাঁড়িয়ে থেকেই যেন হঠাৎ বাতাসে উড়িয়ে গেল। ঘটনাটা এত তাড়াতাড়ি চোখের পলকে ঘটে গেল যে, উজ্জববাবু ব্যাপারটা বুঝতে না পেলে বেকুবের মতো কিছুক্ষণ চেয়ে রইলেন। তারপর হঠাৎ “ওরে বাবা রে! ভূত! ভূত! ভূত...” বলে চেষ্টাতে চেষ্টাতে দৌড় লাগালেন।



ময়নাগড় বাজারের লোকজন ভারী অবাধ হয়ে দেখল সকাল সোয়া সাতটায় উদ্ধববাবু হাঁফাতে হাঁফাতে এসে বাজারে ঢুকছেন। কয়েকজন হাততালি দিয়ে তাঁকে অভিনন্দন জানাল। স্কুলের ইংরেজির মাস্টারমশাই তাড়াতাড়ি কবজির ঘড়িটা কানে তুলে দেখলেন, সেটা বন্ধ হয়ে গেছে কি না। জগদীশ হালুইকর তার জামাই গোপালকে ডেকে বলল, “উদ্ধববাবুটা বোধহয় পাগলই হয়ে গেল রে!” গায়ের বিখ্যাত দৌড়বীর পটল বলল, “ওঃ, এই বয়সেও যা দৌড়টা দিলেন জেঠু, যৌবনে নিশ্চয়ই অলিম্পিকে গেলে মেডেল আনতেন।” উদ্ধববাবু রাজু দাসের দোকানের সামনে বেঞ্চে বসে হ্যা হ্যা করে হাঁফাতে লাগলেন, কথা কওয়ার মতো অবস্থা নেই। শুধু তার মধ্যোই বারকয়েক “হিজ্জিবিজ্জি... হিজ্জিবিজ্জি... ভূ... ভূত...” বলে হাল ছেড়ে দিলেন। রাজু তাড়াতাড়ি টিউবঅয়েল থেকে জল এনে এই শীতে তাঁর মাথায় ধাবড়াতে লাগল।

নয়নপুরের জমিদার সিদ্ধেশ্বরবাবু বললেন, “উদ্ধব কিছু একটা বলবার চেষ্টা করছে মনে হয়। কী বলছে বলো তো?”

রাজু বলল, “উনি বলতে চাইছেন যে, উনি ভূত দেখেছেন। হিজ্জিবিজ্জি ভূত।”

সিদ্ধেশ্বর চিন্তিত গলায় বললেন, “আহা, সকালবেলাটায় ভূত কোথা থেকে আসবে। এ সময়ে তাদেরও বিষয়কর্ম, প্রাতঃকৃত্যাদি থাকে।”

নরহরি ঘোষ মাথা নেড়ে বলে, “না মশাই, সায়েন্সে পরিষ্কার বলা আছে, ভূতেরা প্রাতঃকৃত্য, আচমন, স্নান, ভোজন এসব করে না। তবে সায়েন্সে বলা আছে, রোদ হচ্ছে ভূতের সবচেয়ে বড় শত্রু। গায়ে রোদ পড়লেই ভূত গায়েব। কাজেই বিজ্ঞানের নিয়মানুসারে উদ্ধববাবুর পক্ষে সকালবেলায় ভূত দেখা সম্ভব নয়।”

সিদ্ধেশ্বর বললেন, “আহা, ও তো নিজেই বলছে ভূত নয়, হিজ্জিবিজ্জি দেখেছে।”

“হিজ্জিবিজ্জি নয় সিদ্ধেশ্বরবাবু, উদ্ধববাবু বলতে চাইছেন, ইজ্জি, বি ইজ্জি, অর্থাৎ সব ঠিক আছে, তোমরা স্বাভাবিক হও।”

পশুপতিবাবু মাথা নেড়ে বললেন, “হল না হে, হল না। ইজ্জি (বি) ইজ্জি মানে হল গিয়ে... দাঁড়াও বলছি, পেটে আসছে মুখে আসছে না... সে ঠিক গে, তবে রোদ উঠলে ভূত উবে যায় ও কথাটিও ঠিক নয়। শীতকালে জামাট নারকেল ভেল যেমন রোদে রাখলে গলে যায়, তেমনই রোদে ভূতও গলতে থাকে।”

নরহরি ঘোষ ষিঁচিয়ে উঠে বলল, “বলি এ প্লাস বি হোল স্কোয়ারের ফরমুলা জানো?”

পশুপতিবাবু জানেন না, তাই তিনি শুকনো মুখে পিছিয়ে দাঁড়ালেন।

নরহরি বুক চিত্তিয়ে বলল, “তা হলে ফটফট করতে আসো কেন?”

ব্যায়ামবীর গদাধর মাসল দেখানোর জন্য শীতেও হাফপ্যান্ট আর স্যাভো গেঞ্জি গায়ে দিয়ে ঘুরে বেড়াচ্ছে। সে গভীর গলায় বলল, “উদ্ধববাবু যে ভৃত্ত দেখেছেন তাতে সন্দেহ নেই। তেঁতুলতলার বেঁটে ভৃত্তের কথা সবাই জানে। আর নরহরিবাবুকে বলি, রোদ লাগলে ভৃত্ত গায়েব, এ কথা যদি কেউ বলে থাকে, তাকে আমার কাছে নিয়ে আসবেন তো, দুই রক্ষায় তার ঘাড় ভেঙে দেব। রোদে যদি ভৃত্ত গায়েব হয়ে যায়, তা হলে শাস্ত্রে কি মিথ্যে কথা বলেছে যে, ঠিক দুককুরবেলা ভৃত্তে মারে ঢেলা!”

এ কথায় বেশ জনসমর্থন পাওয়া গেল। নরহরি ঘোষ আর উচ্চবাচ্য করলেন না। কারণ, তিনি ব্যায়ামবীর গদাধরকে একটু সমঝে চলেন।

নিধুবাবু বলে উঠলেন, “ও হো, তেঁতুলতলার বেঁটে ভৃত্তের কথা বলছ তো! ও তো বক্তেশ্বর। তা বাপু, সত্যি কথা বললে বলতে হয়, বক্তেশ্বর ভারী নিরীহ, ভিত্ত আর লাজুক ভৃত্ত। জনসমঝে কখনও বেরোয় না। কেউ দেখে ফেললে লজ্জা পেয়ে, জিভ কেটে ‘সরি’ বলে সরে যায়।”

এক কেজি করলা কিনে গামছায় বেঁধে রামশরণ এসে দাঁড়িয়ে মন দিয়ে সব কথা শুনছিল। সে বলল, “হাঁ হাঁ, উ বাত ঠিক আছে। বকাসুর পিরেতকে আমি ভি চিনি। উ তো উমদা ভৃত্ত আছে। আমি তো উসকো খইনি ভি খিলায়েছি।”

এমন সময় চারদিকে একটা ছড়োছড়ি পড়ে গেল। দারোগা নীলমাধব রায় রৌদে এসেছে। তাকে অবশ্য নিজের হাতে বাজার করতে হয় না। বাপারীরাই তার বাড়িতে মাছ, মাংস, সবজি, দুধ, ঘি, ডিম সব পৌঁছে দিয়ে আসে। তবে কর্তব্যবশে সে বাজারে এসে সব ঠিকঠাক আছে কি না দেখে যায়।

উদ্ধববাবুর খবর শুনে নীলমাধব দৃপ্ত পদক্ষেপে এগিয়ে এল। তার বিশাল চেহারা যেমন লম্বা, তেমনই চওড়া। তবে চেহারাটা বড় ধলধলে। বাজারখাই গল্লুর সে হাঁক দিল, “এখানে শোরগোল কীসের? কী হয়েছে?” নীলমাধবের সঙ্গে দশ-বারোজন সেপাই। তারা লাঠি আনসাতে-আনসাতে ভিড় হঠিয়ে দিতে মগল, “হঠো, হঠো, বড়বাবুর আসবার রাস্তা করো।”

নীলমাধব সামনে এসে দাঁড়িয়ে বলল, “কী হয়েছে উদ্ধববাবু?”

উদ্ধববাবুর হাঁফটা একটু কমেছে। কাহিল মুখে বললেন, “ওফ, খুব জোর প্রাণে বেঁচে গেছি বড়বাবু।”

নীলমাধব হাঁক মেরে বলল, “ওরে বটীচরণ, নোটবই বের কর, জবানবন্দি নে।

হ্যা, এবার বেশ শুছিয়ে বলুন তো, ঠিক কী ঘটেছে।”

উদ্ধববাবু বেশ শুছিয়েই বললেন। ভূত হলেও হিজিবিজি যে অন্যান্য ভূতের মতো এলোবেলে ভূত নয়, সেটাও বুঝিয়ে ছাড়লেন।

নীলমাধব ঙ্গ কুঁচকে সব শুনল।

তারপর বলল, “দেখুন, দিনের বেলায় আমি ভূতে বিশ্বাস করি না। তবে রাতের বেলায় অন্য কথা। যাই হোক, এখন আমি আপনার গল্পে বিশ্বাস করছি না। আমার মনে হচ্ছে আপনি একজন ডেনজারাস ক্রিমিনালের পাল্লায় পড়েছিলেন। সে মোটেই অদৃশ্য হয়ে যায়নি, গা ঢাকা দিয়েছে। হিজিবিজি তার আসল নাম হতে পারে না, ছদ্মনাম। এই ঘটনা থেকে মনে হচ্ছে, ময়নাগড় আর আগের মতো শাস্তিশিষ্ট জায়গাটি নেই। বিপদের কালো মেঘ ঘনীভূত হচ্ছে।”

নীলমাধব তার সেপাইদের অকুস্থল মার্চ করার হুকুম দিল। তারপর বেঞ্চের উপর দাঁড়িয়ে জনগণের উদ্দেশে জমদগন্ধীর গলায় বলল, “ভাইসব, বন্ধুগণ, প্রিয় দেশবাসী, মা, কোন, ভাইয়েরা, বয়োবৃদ্ধ, বয়োবৃদ্ধা, নাবালক, নাবালিকা, যুবক ও যুবতীবন্দ, কমরেডগণ, আমার সহযোগী এবং সহমর্মীগণ, সংগ্রামী শ্রমিক, কৃষক, মজদুর, আপায়র নগর ও তারতবাসী, প্রবাসী ও অনাবাসী, সবাইকেই জানাই আমার বিপ্লবী ও সংগ্রামী অভিনন্দন। আপনারা হয়তো জানেন না, ময়নাগড়ের শাস্ত প্রাকৃতিক পরিবেশ, এই স্বপ্নিল ছবির মতো গ্রামে, যেখানে বারো মাসে তেরো পার্বণ, যেখানে গান গেয়ে বাউল নেচে বেড়ায়, যেখানে গান গেয়ে ধান কাটে চাষা, যেখানে পায়ের নীচে দুর্বা কোমল, মাথার উপর নীল আকাশ, যেখানে গাছে গাছে ধরে বিধরে ফুল ফল ধরে আছে, যেখানে গাঙের জলে ঝিলিমিলি ঢেউ খেলে যায়, মাঝির গলায় শোনা যায় ভাটিয়ালি গান, যেখানে খেতভরা ফসল, মরাই ভরা ধান, গোয়ালভরা গোরু, যেখানে মানুষের মুখে হাসি আর ধরে না, সেই ময়নাগড়ে বিপদের সংকট এসে পৌঁছেছে। আপনারা চারদিকে ছড়িয়ে পড়ুন, চারদিকে সজর রাখুন, সন্দেহভাজন কাউকে দেখতে পেলেই ধানায় খবর দিন। এর জন্য আপনারাদের হয়তো পুরস্কারও দেওয়া হবে।”

নন্দমোপাল পশুপতিকে ঠেলা দিয়ে বললেন, “এ কোন জায়গার কথা বলছে বলো তো।”

“ঠিক খাঁচ করতে পারছি না। বিলেতেও বোধহয় ময়নাগড় বলে কোনও জায়গা আছে।”

“না, বিলেত নয়। তবে সুইজারল্যান্ডে হতে পারে।”

নীলমাধবের ভাষণ শেষ হওয়ার পর ফের বাজারের বিকিকিনি শুরু হল।

পাঁচুর মনটা ভাল নেই। এইসব গণ্ডগ্রাম থেকে অনেক দূরে হেলাবটতলার পাথরের উপর চুপচাপ বসে ভাবছিল সে। আজ হঠাৎ সে বুঝতে পারছে, পাঁচু হয়ে জন্মানোটাই তার ভুল হয়েছে। তাকে কেউ পোছে না, পাত্তা দেয় না, খাত্তির করে না, বসে তার সঙ্গে কেউ দুটো কথা অবধি কর না। এমনকী তার নিজের বাড়িতেও তাকে কেউ যেন দেখেও দেখতে পায় না। বরাবর তাকে লোকে বোকা, গাধা ইত্যাদি বলে এসেছে। স্কুলের মাস্টারমশাই একবাক্যে বলতেন, “তোর কিছু হবে না।”

মানুষের মতো মানুষ হয়ে উঠতে না পারলে বেঁচে থেকে লাভ কী? কিন্তু এই মানুষের মতো মানুষ হওয়ার কথাতেই সে মুশকিলে পড়ে যায়। দুনিয়ায় তো হরেক কিসিমের মানুষ। কোন মানুষটার মতো মানুষ হলে ভাল হয় সেটাও তো বোঝা দরকার। তাই আজ বসে গভীর হয়ে খুব ভাবছে পাঁচু।

কে একটা লোক এসে তার পাশটিতে বসে বলল, “এ জায়গাটাই তো ময়নাগড়, নাকি হে?”

পাঁচু আড়চোখে লক্ষ করল, লোকটা বেজায় ঢাঙা, খুব ফর্সা, গায়ে ঢোলা পোশাক আর পোঁটলাপুঁটলি আছে। ফিরিঙলাই হবে বোধহয়।

ছেলেটাকে পাঁচুর খারাপ লাগল না। তবে তার মনটা ভাল নেই বলে খুব উদাস গলায় বলল, “এ হল ময়নাগড়।”

ছেলেটা খুব মিষ্টি করে জিজ্ঞেস করল, “তুমি কে ভাই?”

পাঁচুর সঙ্গে এত মিষ্টি করে কেউ কখনও কথা বলে না। তাই তার ভিতর থেকে একটা দীর্ঘশ্বাস বেরিয়ে এল। সে একটু নড়েচড়ে বসে বলল, “আমি হলুম পাঁচু, এ গাঁয়ের সবচেয়ে বোকা লোক।”

ছেলেটা চোখ কপালে তুলে বলে, “আঁ! বলো কী? তুমি যে বোকা তা কখনো কী করে?”

“বোকা না হলে আমার আজ অবধি কিছু হল না কেন বলো তো! ক্লাস এইটে ফেস্টু মেরে লেখাপড়ায় ইস্তফা দিতে হল। বাপ, মা, দাদা, দিদি মাস্টারমশাইরা সবাই বলতেন, “তোর কিছু হবে না।” ভারী রাগ হল বন্ধু! লেখাপড়া হল না বলে খারাপ লোক হওয়ার জন্য খুঁজে খুঁজে পলাশপুবে গুলে গিয়ে হাবু ডাকাতের সাঙাত হওয়ার চেষ্টা করলাম। দু’চারদিন তালিম দেওয়ার পর হাবু বলল, “ওরে, তোর লাইন এটা নয়। যা বাপু, ঘরের ছেলে মেরে ফিরে যা।” কিছুদিন তাকে-তাকে থেকে একদিন টকাইচারকে গিয়ে ধরে পড়লুম। তা টকাই ফেলল না। যত্ন করে বিদ্যে শেখাতে লাগল। মাসখানেক পরে হাল ছেড়ে দিয়ে মাথা নেড়ে বলল, “না

রে পাঁচু, এ জিনিস তোর হবে না। ভাল চোর হতে গেলে একটু মাথা চাই রে। চালাক-চতুর-চটপটে না হলে চুরি-বিদ্যা কি শেখা যায়?" তারপর এর, ওর, তার মতো হওয়ার অনেক চেষ্টা করেছি। কিন্তু মেহনতই সার হল, যে পাঁচু সেই পাঁচুই রয়ে গেলাম। আজ সকাল থেকে নিজেকে বেজায় বোকা বোকা লাগছে। মনে হচ্ছে বুদ্ধিটা আরও একধাপ নেমে গেছে।"

"তা হলে তো তোমার সময়টা খারাপই যাচ্ছে।"

"খুব খারাপ, বেঁচে থাকতেই হচ্ছে করছে না। মরতেই হচ্ছে যাচ্ছে, বুঝলে। কিন্তু সনাতনদাদুর অবস্থা দেখে মরতেও ভয় ভয় করছে।"

"সনাতনদাদুটা আবার কে?"

"সে তুমি চিনবে না। আমি তো সারা গাঁয়ে টহল দিয়ে বেড়াই, আনাচ-কানাচ, কোনা-খামচি সব চিনি। ময়নাগড়ের বৃত্তান্ত আমার মতো কেউ জানে না। গাঁয়ের শেষে পেতনির জলা বলে একটা মস্ত মজা দিঘি আছে, জানো তো! ধারে ফলসা বন, সেটা পেরিয়ে গিয়ে মজা দিঘির উপরে গহিন জঙ্গলের মধ্যে কয়েকটা উঁচু উঁচু টিবি আছে। তা, সেইসব টিবির একটাতে গিয়ে আমি বসে থাকতাম দুপুরবেলায়। একদিন বসে আছি, চারদিকে ঝাঁ ঝাঁ করছে চোতমাসের দুপুর, হঠাৎ যেন কাছপিঠে একটা দরজার হড়কো খোলার শব্দ হল। ভারী অবাক হলাম। এই জঙ্গলে তো বাড়িঘরের চিহ্নমাত্র নেই, তবে দরজা খোলে কে? তখন নীচের দিকে তাকিয়ে দেখি, টিবির তলার দিকে একটা পুরনো কেলসে দরজার কানা একটু ফাঁক করে একজন অষ্টাবক্র কুকলাশের মতো রোগা লোক বেরিয়ে এল। পরনে একটা নেংটি গোছের, আদুড় শা। আমি যে-ই উপর থেকে "কে" বলে হাঁক মেরেছি, অমনি ভিতরে ঢুকে ঝপ করে দরজা সেঁটে দিল। আমি তাড়াতাড়ি নীচে গিয়ে দরজার জায়গাটা ভাল করে দেখলুম। দরজা বলে বোঝার উপায় নেই। উপরে পুরু মাটি জমে আছে, তাতে গাছপালা গজিয়েছে। মাটি বানিক খামচে সরিয়ে দরজার কড়া পেলাম বুটে। কিন্তু বিস্তর ডাকাডাকি আর টানটানিতেও দরজা খোলেনি। তারপর রোজ গিয়ে দুপুরে তরু-তরু টিবির উপর বসে মস্তর রাখি। দিন পনেরো বাদে লোকটা ফের বেরোল। এবার আর আমি হাঁক মারিনি। সোজা দুই লাফে নেমে গিয়ে লোকটাকে জাপটে ধরেছি। কিন্তু কী আশ্চর্য কাণ্ড, মরতেই পারলুম না, আমার হাত যেন হাওয়া কেটে ফিরে এল।"

"বটে?"

"হ্যাঁ গো। তবে এবার আর লোকটা পালানো না। আমাকে খুব মন দিয়ে দেখল। তারপর বলল, 'কেন হচ্ছে হয়রান হিন্দু বাবা? আমি চোর-ছাঁচোড় নই। তিনশো

বছর ধরে নিজের সম্পত্তি আগলে বসে আছি। মাঝে মাঝে একটু হাফ ছাড়তে বেরোই। তা তুই এখানে ছৌক ছৌক করছিস কেন? বলতে নেই, আমি একটু ঘেবেড়ে গিয়েছিলাম। তবে লোকটা তেমন খারাপ নয়। দুঃখ করে বলল, 'বিষয় হল বিবাহ। বুঝলি, ওই যে বিষয়-চিন্তা করতে করতে পটল তুলেছিলুম, সেই থেকে আর আত্মাটার সঙ্গতি হল না। টিবি'র মধ্যে সেরিয়েই এতগুলো বছর কেটে গেল।''

''বাঃ, তোমার তো খুব সাহস!''

ঠোট উলটে পাঁচু বলে, ''সাহসের কাজ তো কিছু নয়। এমনিতে তো গায়ের লোক কেউ আমাকে মানুষ বলেই মনে করে না, কথা-টথাও কয় না। হয়তো ভাবে, বোকা ছেলেটার সঙ্গে কথা কয়ে হবেটা কী? কিন্তু সনাতনদাদু সেদিক দিয়ে ভাল। অনেক কথা-টথা কইল। একদিন আমাকে বাড়ির মধ্যেও নিয়ে গেল।''

ছেলেটা মাথা নেড়ে বলল, ''না হে, তোমার সাহস আছে। তা কী দেখলে সেখানে?''

পাঁচু চুপ করে রইল কিছুক্ষণ। তারপর বলল, ''অঙ্ককারে কি কিছু দেখা যায়। কয়েকটা লোহার বাগ্ন আছে মনে হল, তাতে বড় বড় তালি ঝুলছে।''

''সে তো গুপ্তধন তোমার লোভ হল না?''

''নাঃ। সনাতনদাদুর দশা দেখে আমার লোভ উবে গেল। মরার ইচ্ছেও চলে গেল।''

''এখনও কি সনাতনদাদুর কাছে যাও?''

''যাই মাঝে মাঝে। সাতদিন ঘুমোয়, সপ্তাহে একদিন মোটে বেরোয়। গায়ে একটু রোদ-টোদ লাগিয়ে ফের ঢুকে যায়।''

''তুমি কি বুঝতে পেরেছ যে, তোমার সনাতনদাদু আসলে ভূত?''

পাঁচু ফের ঠোট উলটে বলল, ''তাতে কী? ভূত কি আর মানুষ নয়? অত দূরেই বা যেতে হবে কেন, এই তো হোথায় তেঁতুলতলার বটগাছে বক্শের (খাকর) শীতলামন্দিরের পিছনে থাকে কলসি-কানাই, স্বশানের কালীমন্দিরের পিছনে থাকে দেড়েল-রঘু।''

ছেলেটা অবাক হয়ে বলল, ''এদের সঙ্গেও তোমার ভাব আছে নাকি?''

''নাঃ। বক্শের খুব ভিত্তু আর লাজুক। কলসি-কানাইকে নাকি কোনও সাধুবাবা বলেছিল, তিন লক্ষ তিন হাজার তিনশো তিনটে সূচ সূতো পরাতে পারলেই নাকি সে যা চাইবে তাই পাবে। শুনেছি, কানাই নাকি মোটে তিন হাজার সূচ সূতো পরাতে পেরেছিল। তারপরেই একদিন বউয়ের সঙ্গে এই সূচ সূতো পরানো নিয়েই ঝগড়া লেগেছিল তার। ঝগড়া লাগারই কথা। কানাই যা রোজগার করত তার প্রায় সবটাই

চলে যেত সূচ আর সূতো কিনতে। সংসারের সব কাজ ফেলে দিন-রাত শুধু সূচে সূতো পরালে কার না বউ রাগ করবে বলা! তা বেগে গিয়েই বউ বলেছিল, 'তোমার কি দড়ি-কলসি জোটে না।' এ কথায় বেগে গিয়ে কানাই গলায় কলসি বেঁধে ঝিলে গিয়ে ডুব দিল। দিল তো দিলই। এখন সে বাকি সূচগুলোয় সূতো পরিয়ে যাচ্ছে। দম ফেলার ফুরসত নেই।"

"আর সেড়েল-রঘু?"

"ও বাবা! সে মস্ত তান্ত্রিক। সাধন-ভজন নিয়ে থাকে, কারও দিকে ক্রক্ষেপ নেই। তবে তারও শুনেছি একটা দুঃখ আছে। বেঁচে থাকতে তার দাড়ি মোট আড়াই হাত লম্বা হয়েছিল। তার খুব শখ ছিল চার হাত দাড়ির। দাড়ি মাটিতে ঘষাটে যাবে, লোকে চেয়ে দেখবে, তবে না দাড়ির মহিমা। দাড়ির এমনই নেশা হয়েছিল যে, রঘু যখন সাধনায় সিদ্ধিলাভ করে কালীর দেখা পেল, আর মাকালী যখন বর দিতে চাইল, তখন রঘু চার হাত দাড়ির বর চেয়েছিল।"

"এঃ হেঃ, মাত্র চার হাত?"

"আপনি তো বলেই খালাস, মাত্র চার হাত! কিন্তু চার হাত দাড়ি নিয়ে বেঁটেখাটো নাটা মানুষ রঘু যে কী মুশকিলে পড়ল তা বলার নয়। দাড়ি মাটিতে হেঁচড়ে যায়, আর তাতে মাটি ঝাঁটপাট হয় বটে, কিন্তু দাড়িতে উঠে আসে বিস্তার ময়লা, কাঠকুটো, ইঁদুরছানা, আরশোলা, ব্যাং, কাঁকড়াবিছে, কেরো, পিপড়ে। তা ছাড়া বে-খেয়ালে নিজের দাড়িতে পা বেঁধে কতবার আছাড় খেয়েছে তার হিসেব নেই। শেষে সেই দাড়ির জন্যেই তো প্রাণটাও গেল! ধানখেতের আলের রাস্তায় ওই দাড়িতে আটকেই একটা কেউটের বাচ্চা উঠে এসেছিল কিনা। তারপর আর দেখতে হল না।"

"বাঃ, ময়নাগড়ের সব ভূতের বৃত্তান্তই তো তোমার জানা দেখছি।"

"বোকা লোকদের তো ওইটেই সুবিধে। যা দেখে তাই বিশ্বাস করে। লেখাপড়া জানা চলাকচতুর লোকের তো তা নয়। ভূত দেখলেও নানা ফাঁকড়া তুলে, কুটকাচালি করে ওটা যে ভূত নয় সেটা প্রমাণ করেই ছাড়বে। কিন্তু মাপ্যন কে বলুন জো! আপনাকে আমি ঠিক চিনতে পারছি না।"

"চেনার কথাও নয় কিনা। আমার নাম হিজিবিজি।"

পাঁচু একটু ভেবে ঘাড় কাত করে বলল, "বাঃ, বেশ নীচ! ভুল হওয়ার জো নেই। তা এ গায়ে কাকে খুঁজছেন?"

"কাউকেই নয়। এ পথ দিয়েই যাচ্ছিলাম, একটু জিরিয়ে নিতে থেমেছি। তোমাদের সঙ্গে দেখা হয়ে ভারী ভাল লাগছে। ইচ্ছে হচ্ছে, দুটো দিন থেকে যাই।"

ভারী লজ্জা পেয়ে পাঁচু বলে, "বাঃ কী যে বলেন! আমার সঙ্গে দেখা হলে সবাই

তো বিরক্তই হয়। কেউ খুশি হয় না তো। অনেকে তো আমাকে দূর থেকে দেখে দরজা বন্ধ করে দেয়।”

“তা হলে আমিও বোধহয় তোমার মতোই বোকা লোক, তাই তোমাকে আমার বেশ ভাল লাগছে।”

পাঁচু চিন্তিত হয়ে বলে, “তা-ই বা হয় কী করে? আপনাকে দেখে যে বোকা বলে মনেই হয় না। বরং মনে হয়, আপনি ভীষণ চালাক।”

“তা হলে তোমাকে সত্যিই কথাটাই বলি। তুমি কি জানো যে, দুনিয়ার বোকা লোকের সংখ্যা ভীষণভাবে কমে যাচ্ছে? আমি সারা দেশ চষে বেড়াই, আজ অবধি একটা খাঁটি, নিরেট বোকা লোক দেখতে পেলাম না।”

পাঁচু মাথা নেড়ে বলে, “সে ঠিক কথা। এ গায়েও আমি ছাড়া আর বোকা লোক নেই।”

“আমি আসলে বোকা লোকই খুঁজে বেড়াচ্ছি।”

ভারী অবাক হয়ে পাঁচু বলে, “বোকা লোক খুঁজছেন কেন?”

“বোকা লোক না হলে আমার কাজ-কারবারের সুবিধে হয় না কিনা। কিন্তু বোকা লোক খুঁজে বের করা ভারী শক্ত। অনেকে বোকা-বোকা ভাব করে থাকে, আসলে খুব চালাক। অনেকে আবার এক বিষয়ে বোকা তো অন্য বিষয়ে চালাক। ধরো ইংরিজিতে বোকা, অঙ্কে চালাক। আবার অনেকে আছে এত বেশি চালাক যে, চালাক লোকেরা তাদের চালাকি ধরতে না পেরে বোকা বলে ভেবে নেয়। তা তুমি এদের মতো নও তো!”

মাথা নেড়ে পাঁচু বলে, “তা তো জানি না। অত জানলে তো চালাকই হতাম।”

হিজ্জিবিজ্জি একটা দীর্ঘশ্বাস ফেলে বলে, “কাজটা খুব শক্ত।”

পাঁচু বলে, “কোন কাজটা?”

“সত্যিকারের বোকা কি না তা বুঝতে পারা। তোমাকেও আরও ভাল করে পরীক্ষা করে দেখতে হবে।”

“ও বাবা, খাতা-কলম নিয়ে পরীক্ষায় বসতে হবে নাকি? সে কিন্তু আমি পারব না।” বলেই পাঁচু অবাক হয়ে দেখে, লোকটা আর তার পাশে নেই। চারদিকে চেয়ে কোথাও হিজ্জিবিজ্জিকে দেখতে পেল না পাঁচু। লোকটা গ্রেফ হাওয়া হয়ে গেছে।



দিন

লোকে বলে, “চোরকে চোর, চোর দু’গুণে টকাই।” তা কথটা মিথো নয়। টকাইকে শুধু চোর বললে গুণী মানুষের অমর্যাদা হয়। এই যেমন কেতুর্গায়ের হরমন ওস্তাগর। সে কি শুধু দরজি? তা হলে তার হাতের তৈরি পায়জামা পরে রাস্তায় বেরোলে চারদিকে ঠেলাঠেলি পড়ে যায় কেন? আর কেনই বা “কেয়াবাত কেয়াবাত” ধ্বনি শোনা যায়? মাঝের গায়ের নটবর অতি সুপুরুষ। বিয়ে করতে গেলে হরমনের তৈরি পাঞ্জাবি পরে। তা বিয়েবাড়িতে বরকে দেখে বরের পাঞ্জাবির প্রশংসায় লোকে এমন শোরগোল তুলে ফেলল যে, নটবর বিয়ে না করেই ফেরত এসেছিল। শুধু কি তাই? হরমনের তৈরি হাফ পেটুল পরে কালীপুরের বিখ্যাত কাপুরুষ অভয়পদ অবধি একদিন দিবি নিশিদারোগার চোখে চোখ রেখে বুক ফুলিয়ে কথা কয়ে এল। পরে অবশ্য ঠান্ডা মাথায় ব্যাপারটা মনে পড়ায় সে ভিরমি খায়। গুণী মানুষের অভাব নেই এ তল্লাটে। ওই যে খয়রাপোতার ফকির জোলা, রোগাভোগা বুড়ো মানুষ কয়াটে চেহারা, রুক দাড়ি আর পাকা চুলে তেমন আহামরি কেউ বলে মনেও হয় না। ঘরে কেঠো তাঁতে গামছা আর লুঙ্গি বানিয়ে বুড়ো হল। তার ওইসব লুঙ্গি আর গামছার জন্য বছরখানেক আগে থেকে আগাম দাম দিয়ে নাম লিখিয়ে রাখতে হয়। হাটের জিনিস তো নয় যে, পয়সা ফেললেই পাওয়া যাবে। ফকিরের লুঙ্গি আর গামছার সমঝদার সব নবাব-বাদশা গোছের লোক। হিল্লি-দিল্লি থেকে লোক এসে মাথার ঠিকিয়ে নিয়ে যায়। এ তল্লাটের লোক সে জিনিস চোখেও দেখতে পায় না। তবে বিক্রমগড়ের রানিমার জন্য একখানা বেনারসি বুন দিয়েছিল ফকির। মাঘী পূর্ণিমার স্নানের দিন বেনারসিখানা পরে হাতিতে চেপে চানে যাচ্ছিলেন রানিমা। তা বেনারসিটা দেখে হাতিও নাকি সেলাম দিয়েছিল। পরে লোকে বলেছিল, “রানি না রামধনু তা যেন ভাল করে বোঝাই গেল না, আহা কী রং! কী জেমা! চোখ সুখিক।” আর তায়েবগঞ্জের মানুষকে বাঘের গম্বো তো সবাই জানে। তায়েবগঞ্জের ধার ঘেঁষে খয়রাপোতার গভীর জঙ্গলের ধারে মতি পাড়ুই হারানো ছাগল দুখিয়াকে খুঁজতে গিয়ে পড়ে গেল বাঘের খম্বরে। মতি মনের দুঃখে দুখিয়াকে ডাকতে ডাকতে যান্ছিল, হঠাৎ কাঁধে এসে পড়ল বিশাল একখানা ধাবা। একটি ধাবায় তাকে মাটিতে ফেলে বাঘ বেশ করে দিনান্তে জলযোগ করে নিতে সাব্ব হাঁ করেছে, ঠিক সেই সময়েই সঙ্ঘের মুখে একটু দূরে নিজের একডেরে ঘরটিতে বসে তমিজ মিয়া পূরবীতে তান ধরলেন। ব্যস, বাঘ আর কামড় বসাতেই পারল না। খানিকক্ষণ উদাস নয়নে আকাশের দিকে চেয়ে রইল। হিংস্র বাঘ ছুয়ে গেল স্বপ্নাতুর, ধাবার নখ লুকিয়ে

ফেলে সেই থাবা দিয়েই চোখের জল মুছতে মুছতে ধীর পায়ে জঙ্গলে ফিরে গেল। একদিন গভীর রাতে তমিজ মিয়া দরবারি কানাড়ায় আলাপ ধরেছেন, সেইসময়ে তাঁর বাড়ির সামনে গালপাটাওয়ালা, জরির সাজ পরা একটা লোককে সন্দেহজনকভাবে ঘোরাফেরা করতে দেখে গাঁয়ের চৌকিদার রামলাখন চৌবে গিয়ে লোকটাকে চোখ রাঙিয়ে জিজ্ঞেস করেছিল, “ক্যা রে চোটা, কা মতলব?”

লোকটা বিরক্ত হয়ে বলেছিল, “চোপ, এখন গণ্ডগোল কোরো না, আমি মিন্ধা তানসেন, তমিজের গান শুনতে চলে এসেছি।” সেই কথা শুনে রামলাখনের দাঁতকপাটি লেগেছিল।

কথাটা হল, এইসব গুণী মানুষের পাশাপাশি টকাইকেও ধরতে হয়। ওরে বাপু, গাঁ-দেশে চোরের অভাব কী? তবে সেইসব নির্ধিয়ে চোরদের দলে তো আর টকাইকে ফেলা যায় না। ছা-পোষা গেরস্তদের ঘরে সে কখনও পায়ের ধুলো দেয়নি। নজর সর্বদা উঁচু। লাখপতি, কোটিপতি ছাড়া তার রোচে না। তার গুপের কথা না বললে অধর্ম হবে। কাউকে সে সর্বস্বান্ত করে আসে না। লাখ টাকার নাগাল পেলেও সে অর্ধেকটা নেয়। কারও বাড়িতে আবার পরদিনের বাজার-খরচ রেখে আসে।

গোবরদহের মহেন্দ্র সৎচাষির বিশটি হাজার টাকা সে লোপাট করেছিল বটে, কিন্তু তার খোকাখুকুর জন্য রঙিন পোশাক, খেলনা আর তার বউয়ের জন্য দামি শাড়ি রেখে এসেছিল।

লোকে তাই পক্ষমুখে বলে, “হ্যাঁ, টকাই সহবত জানে বটে!”

প্রতাপপুরের নকুল প্রতিহার সেদিন চণ্ডীমণ্ডপের আড্ডায় নিজের বাড়ির চুল্লির গল্প ফেঁদে বলল, “যাই বলো, এমন চোরের কাছে বোকা বনেও সুখ। কী বলব ভাই, দরজায় ভিতর থেকে লোহার বাটাম দেওয়া, তালা মারা, তার উপর আমার সজাগ ঘুম। শেষরাত্রে দেখি দরজা যেমনকে তেমনই বন্ধ আছে। পাশের দরজাটাও দেখলাম আঁট করে সাঁটা, বাথরুম ঘুরে এসে জল খেয়ে শুতে যেতেই হঠাৎ খটকাটা লাগল। আচ্ছা, আমার সদর দরজা তো একটা! তবে দুটো দরজা দেখলাম কেন? তাড়াতাড়ি উঠে বাতি জ্বলে দেখি, কী বলব ভাই, দেওয়াল কেটে কান্ডাখাটি কে যেন ভারী যত্ন করে দু'নম্বর দরজাটা বানিয়ে গেছে। তখন চৈতন্য হল, তাই তো, খালধারের জমি বেচে লাখদুই টাকা পেয়ে লোহার আলমারিতে রেখেছিলাম যে! তা দেখলাম, আলমারিটাই নেই। অবশ্য তার বদলে কাঁচকচকে একটা নতুন আলমারি কেউ দাঁড় করিয়ে দিয়ে গেছে। তাতে লাখখানেক টাকা খুঁজে করে রাখা আছে। আমার বউয়ের চল্লিশ ভরি গয়না নেই বটে, কিন্তু মেয়ের গিয়ের জন্য গড়ানো গয়নাগুলো সাজিয়ে

রেখে গেছে। রাগ করব কী মশাই, চোখে জল এল। কই হে পোন্ধার, তোমার সেই গল্পটা বলো না, সবাই শুনুক।”

বিরিকি পোন্ধার মুখ থেকে হাঁকোটা সরিয়ে বলল, “ওঃ, সে এক কাণ্ডই বটে। মাঝরাতিরে হঠাৎ সংস্কৃত মন্ত্র পাঠ হচ্ছে শুনে বড়মড় করে উঠে দেখি, পাশের ঘরে তিন-চারজন জটাভূটারী সাধু মাঝখানে ধূনি জ্বলে একমনে যজ্ঞ করছে। দেখে তো আমি আর গিন্নি ভাবাচ্যাকা। অশৈলী কাণ্ড যাকে বলে! কিছুই বুঝতে না পেরে আমি আর গিন্নি গুটি গুটি গিয়ে জোড়হাতে পিছনে বসে যজ্ঞ দেখতে লাগলাম। বলব কী ভাই, বিশুদ্ধ সংস্কৃত মন্ত্রে নিখুঁত যজ্ঞ। দেখলে পাষাণেরও ভক্তিভাব এসে পড়ে। তা ঘণ্টাখানেক মুগ্ধ হয়ে যজ্ঞ দেখলাম। তারপর বড় সাধু আমার দিকে ফিরে বলল, ‘অবাক হচ্ছি যে বাটা! এই সাড়ে তিনশো বছর বয়সে হিমালয় থেকে এতদূর ঠেঙিয়ে কি এমনি এসেছি রে আহাশুক! তোর রিষ্টি কাটাও বলেই আসা। নে, যজ্ঞের তিলক কপালে সেটে এবার নিশ্চিন্তে ঘুমো। রিষ্টি কেটে গেছে।’ আমি খুঁতখুঁত করে বললাম, ‘যজ্ঞ করলেন, সে তো খুব ভাল কথা! কিন্তু একটু ডাকলেও তো পারতেন, দরজা খুলে দিতুম।’ সাধু অটুহাসি হেসে বলে, ‘কোনও দরজা কি আমাদের আটকাতে পারে রে বোকা! সূক্ষ্ম দেহে সর্বত্র যাতায়াত। ডাকাডাকি করে পাড়াসুদ্ধ লোকের ঘুম ভাঙানো কি ভাল রে বন্ধ জীব? তা হলে যে সবাই টানাহ্যাঁচড়া করে তাদের বাড়িতে নেওয়াব চেষ্টা করত। এবারটায় শুধু তোর জন্মই আসা কিনা!’ তা সেই কথা শুনে কেমন যেন ভাবলা হয়ে গেলাম, মাথাটা কাজ করছিল না। গিন্নি তো কেঁদেকেঁটে একশা। ধাঁ করে একশো এক টাকা প্রণামী দিয়ে ফেলল। তা সাধুরা প্রণামী ছুলও না। বড়সাধু বলল, ‘টাকাপয়সা নোংরা জিনিস। ওসব আমরা ছুই না।’ গিন্নি তখন হাতের দু’গাছা বালা খুলে দিয়ে বলল, ‘না নিলে গলায় দড়ি দেব বাবা।’ সাধু নাকটাক কুঁচকে চেলাদের বলল, ‘নে, তুলে নে। গরিব-দুঃখীর কাজে লাগাস।’ তারপর তারা বিশ্রয় হল। পরদিন সকালে দেখি, আলমারি আর বাস-পাটের সব কাঁক। ও চোর শুধু চুরি করতেই আসে না রে ভাই, শিক্কেও দিতে আসে।

সবাই একমত হয়ে বলল, “তা বটে!”

তা টকাইয়ের নামডাক আছে বটে কিন্তু ইদানীং তার কেমন যেন একটু বৈরাগা এসেছে। সারাদিন ক্ষণে ক্ষণে তার দীর্ঘশ্বাস বড়ে আর মাঝে মাঝে হাহাকার করে ওঠে, “ওঃ, বড় পাপ হয়ে গেল রে।”

তার চেলাচামুণ্ডার অভাব নেই। চেলাদের মধ্যে নবা হল তার একেবারে ছায়া। সর্বদা সঙ্গে সঁটে আছে। সেবাটেবাও করে খুব। তাই টকাইয়ের এসব লক্ষণ তার মোটেই ভাল ঠেকছে না।

বেড়ে বিষ্ণুপুরের মহাজন হরমোহন পালের গদিতে হানা দিয়েছিল টকাই। গেল হস্তার রোববারের ঘটনা। চারখানা জাম্বুবান তালা চোখের পলকে খুলে ফেলল। ভিতরে ঢুকে মজবুত লোহার সিন্দুকের গায়ে মোলায়েম করে হাত বোলাল, আর তাইতেই সিন্দুকের ভারী পালাটাও যেন অবাক হয়ে হাঁ করে ফেলল। ভিতরে না হোক বন্ধকি গয়না আর মোহর আর ফ্রপোর জিনিস মিলিয়ে তিন-চার লাখ টাকার মাল। টকাই তবু শেষ মুহূর্তে হাত গুটিয়ে নিয়ে বলল, “এসব করা কি ঠিক হচ্ছে রে। লোকে কত খেটেপেটে রোজগার করে, কত কষ্টে এক পয়সা দু’পয়সা করে জমায়। আর আমি পাষাণ সেসব লেপেপুঁছে নিয়ে আসি। এ কি ভাল? এসব পাপের কি ক্ষয় আছে? সাত বছর গঙ্গায় ডুবে থাকলে বা সাত হাজার ব্রাহ্মণভোজন করালেও গা থেকে পাপের গন্ধ যাবে না। মরার পর যমরাজ হয়তো আমাকে দেখে আঁতকে উঠে বলবেন, “ওরে বাপ, এই ঘোর পাপীটাকে নরকে দিলে যে নরকও অপবিত্র হয়ে যাবে।”

নবা জানে, গুস্তাদের আজকাল বড় অনুতাপ যাচ্ছে। সাবধানে কথা কহিতে হয়। সে মোলায়েম গলায় ফিসফিস করে বলল, “আজ্ঞে, আপনি স্বামী মানুষ, আপনার কথার উপরে তো কথা চলে না। তবে কিনা গুস্তাদ, আমরা কি আর ইচ্ছে করে চুরি করি? আমাদের পেট আর অদৃষ্টই যে এ লাইনে টেনে আনল, আমাদের দোষ কী বলুন!”

টকাই তবু ঘনঘন মাথা নেড়ে বলল, “ওটা কোনও যুক্তি নয় রে নবা! অভাব, কষ্ট, পেটের দায় থাকলেই কি আর লোকে চুরি করে? ভিতরে ভিতরে আমি দন্ধ মরে যাচ্ছি। সোনাদানা, টাকাপয়সায় আমার বড় অকুচি হয়েছে। এখন আমার সাধুসঙ্গ করা দরকার। খোঁজ নে তো, ভাল সাধু কে আছেন কাছেপিঠে। ধর্মকথা কী শুনে আমার মনটা শান্ত হবে না রে।”

গুস্তাদের কথা অমানাই বা করে কী করে? তাই নবা পরদিন থেকে বৃজতে শুরু করে তেরাস্তিরের মাথায় খবর আনল, ময়নাগড়ের উত্তরের জঙ্গলে একজন সাধুগোছের লোক আছেন বটে, তাঁর নাম জটা বাবা। জনসম্মুখে বড় একটা বেয়োন না। জঙ্গলের মধ্যে কুটির বানিয়ে আপন মনে সাধনভঙ্গি নিয়ে থাকেন।

ওনে টকাইয়ের চোখ উজ্জ্বল হল। বলল, “বাবু, এককম সাধুই তো চাই।”

টকাইয়ের অগমা জায়গা নেই। পরদিন সকালেই সে ময়নাগড়ের উত্তরের জঙ্গলে গিয়ে হাজির হয়ে গেল। পেতনি জলার ধারে ফলসাবন, সেটা পেরিয়ে গহিন জঙ্গল।

তার মধ্যে একটা বটগাছের তলায় জটাবাবার কুটির খুঁজে বের করতে বিশেষ কষ্ট হল না টকাইয়ের।

কুটিরের চেহারা দেখে অবশ্য কুটির বলে বোঝবার উপায় নেই। রাজ্যের ডালপালা, পাতানাতা দিয়ে কোনওরকমে একটা জুপাকার জিনিস খাড়া করা হয়েছে। উপরে খেজুরপাতার ছাউনি, কুটিরে ঢোকের একটা ফোকর আছে বটে, তবে দরজা-জানলার বালাই নেই। বাইরে থেকে হঠাৎ দেখলে মনে হয়, রাজ্যের শুকনো গাছপালা কেউ জড়ো করে রেখেছে। লোকের বাড়িতে রাতবিরেতে ঢোকা টকাইয়ের কাছে জলভাত। কিন্তু সাধু-মহাত্মাদের ঠেকে তো আর ওরকমভাবে ঢোকা যায় না। তাই টকাই বাইরে থেকেই হাত জোড় করে জটাবাবার উদ্দেশে মোলায়েম গলায় বলল, “বাবা!”

ভিতর থেকে প্রথমটায় কোনও সাড়া এল না। গলাখাঁকারি দিয়ে টকাই ফের ডাকল, “বাবা!”

সাড়া নেই। বারপাঁচেক ডাকাডাকির পর ভিতর থেকে একটা বাজুখাঁই গলা বলল, “কে তুই?”

“আজ্ঞে, আমি এক পাপিষ্ঠ। আমার নাম টকাই।”

“কী চাস?”

টকাই গমগম গলায় বলল, “আপনার দয়া চাই বাবা।”

“ভিতরে আর।”

ফোকরটা দিয়ে সাবধানে বুক ঘষটে ঢুকে পড়ল টকাই, সঙ্গে নবাও।

ভিতরটা অন্ধকার বটে, কিন্তু অন্ধকারেই টকাইয়ের কাজ-কারবার বলে সে সবই স্পষ্ট দেখতে পেল। একটা কক্ষলে ঢাকা উঁচু বেদির মতো আসনে জটাজুটধারী লম্বাটে রোগা চেহারার বেশ তেজস্বী একজন মানুষ বসে আছেন। দাড়িগোফ কালোই বটে, তবুও বয়স হয়েছে বোঝা যায়। এই শীতেও খালি গা, তাতে ছাইমাখা। পাশে চিমটে, কমণ্ডলু, বেদির একপাশে বৌলওলা খড়ম। সামনে ধূনি জ্বলছিল, তবে এখন খুঁইয়ে গিয়ে ধিকিধিকি ছাইচাপা একটু আগুনের আভাস দেখা যাচ্ছে মাত্র। ধূনির বাঁ ধারে একটা লম্বাপনা ফর্সামতো ছোকরা বসে আছে। তবে তাকে সাধুর ঢোলা বলে মনে হয় না। তার গায়ে ঢোলা পোশাক, একটা বাদ্যযন্ত্র আর একটা পোঁটলা।

জটাবাবাকে সাষ্টাঙ্গে প্রণাম করে টকাই আর নবা দুজনে ভেজা-ভেজা মাটিতেই বসে পড়ল।

জটাবাবা মিটমিট করে তার দিকে কিছুক্ষণ চেয়ে থেকে বলল, “সঙ্গে ওট কে?”

জোড়হাতে টকাই বলল, “আর-এক পাপিষ্ঠ, আমার সাঙাত নবা।”

জটাবাবা মজবুত সাদা দাঁত দেখিয়ে একটু হাসলেন। তারপর বললেন, “কী পাপ করেছিস বল তো?”

“আজ্ঞে, আমি চোর।”

জটাবাবা যেন চিন্তিত হয়ে পড়লেন। একটু ভেবে বললেন, “তা চুরি করা কি পাপ?”

“পাপ নয়। বলেন কী মহারাজ? চুরি করা তো ভয়ংকর পাপ বলেই জানি।”

জটাবাবা যেন আরও চিন্তিত হয়ে বললেন, “সে তো শুনলাম, কিন্তু কোন আইনে পাপ হচ্ছে সেটাই তো বোঝা যাচ্ছে না। ওরে বাপু হিজিবিজি, তুই জানিস?”

যে ছেলেটা ধূনির পাশে বসে ছিল সে হাতে একটা চৌকোমতো ক্যালকুলেটর গোছের যন্ত্রে কী যেন দেখছিল। অখণ্ড মনোযোগ।

এ কথার জবাব দিল না। একটুক্ষণ হাতের যন্ত্রটার দিকে চেয়ে থেকে তারপর মাথা নেড়ে বলল, “না, জানি না।”

ফাঁপরে পড়ে টকাই বলল, “চুরি করা তো সবাই পাপ বলেই জানে।”

জটাবাবা ভাবিত মুখে বললেন, “তা জানলেই তো হবে না। দুনিয়ার সব জিনিসই ভগবানের সৃষ্টি নাকি রে?”

“আজ্ঞে, সে তো ঠিকই।”

“তুইও ভগবানেরই সৃষ্টি জীব।”

“যে আজ্ঞে, তাই তো হওয়ার কথা।”

“তা হলে ভগবানের যা কিছু সৃষ্টি, সব তাতেই তোর হক আছে। তা হলে অন্যের জিনিস বলে তো কিছু নেই। সবই তোর এবং সবার। তা হলে চুরিকে পাপ বলে কী করে?”

একটু ভাবাচাচাকা খেয়ে নড়েচড়ে বসে টকাই বলল, “তা হলে কি চুরি করা পাপ নয় বাবা? লোকে কি ভুল বলে?”

জটাবাবা গভীর চিন্তিত মুখে বলেন, “ওরে দাঁড়া, দাঁড়া! অত ছড়া দিলে কি হয়? ধর, গাছ থেকে একটা ফল পেড়ে নিলি, সেটাও কি গাছের সম্পত্তি নয়? তা হলে সেও তো চুরি! যদি হিসেব করে বিচার করে দেখিস, তা হলে মানুষের প্রায় সব কাজই তো চুরির খাতেই ধরতে হয়।”

“তা হলে কি আমার পাপ হয়নি বাবা?”

“উহু, তাও বলা যাচ্ছে না। আরও ভেবে দেখতে হবে। এই সন্ধ্যাবেলায় এসে বড় চিন্তায় ফেলে দিলি বাপ! ওরে বাপু হিজিবিজি, একটু ভেবে দেখ তো, চুরিটাকে পাপের খাতে ধরা যায় কি না।”

হিজিবিজি নামের ছেলেটা তার হাতের যন্ত্রটা ঝোলায় পুরে টকাইয়ের দিকে চেয়ে বেশ হাসি হাসি মুখ করে বলল, “আপনি চুরি করেন বুঝি?”

জটাবাবা যখন একে নেকনজরে দেখেন, তখন ইনিও একজন মহাখ্যাই হবেন ভেবে টকাই হাতজোড় করে বলল, “যে আজ্ঞে, নিজের উপর বড় ঘেমা আজকাল। তা আপনারা সাধু-মহাখ্যা লোক, আপনারা যদি ভেবেচিন্তে একটা নিদান দেন তো প্রাণটা ছুড়োয়।”

হিজিবিজি একটু গম্ভীর হয়ে বলল, “আমরা যে একজন ভাল চোরই খুঁজছি। কিন্তু মনের মতো চোরই কি আর পাওয়া যায়? এ পর্যন্ত অনেক বেছেগুছে সাতজনকে বের করেছি বটে। কিন্তু তাদেরও নানা খাঁকতি। কারও হাত চলে তো পা চলে না, কেউ দিনকানা, কেউ ভারী আনমনা, কারও বা ভুতের ভয়। তা আপনি কেমন চোর?”

নবা হঠাৎ ফুঁসে উঠে বলল, “তুমিই বা কেমন লোক হে ছোকরা, টকাই ওস্তাদের মুখের উপর জিজ্ঞেস করছ, কেমন চোর? এ তন্নটে যার কাছে টকাই ওস্তাদের নাম বলবে, সে-ই জোড়হাত কপালে ঠেকাবে। বলি, টকাই ওস্তাদের নাম শোনোনি, এতদিন কি বিলেতে ছিলে নাকি?”

টকাই বিরক্ত হয়ে নবাকে ধমক দিয়ে বলে, “আঃ, সাধুমানুষের সঙ্গে ওভাবে কথা কইতে আছে? ওঁরা সাধনভজন নিয়ে থাকেন, চুরি-চামারির খবর রাখবেন কী করে?”

ছেলেটা হঠাৎ চোখ বড় বড় করে বলল, “ও, আপনিই টকাই ওস্তাদ? তাই বলুন, আপনি তো প্রাতঃস্মরণীয় মানুষ।”

নবা বুক চিতিয়ে বলল, “তা হলেই বুঝে দেখো বাপু, কার সঙ্গে কথা কইছ! তিন-তিনবার নিখিল ভারত পরস্বাপহরক সমিতির বর্ষসেরা হয়ে সোনার মেডেল পেয়েছেন। রাজাস্তরে পাঁচবার চোর-চ্যাম্পিয়ন। দেশের সেরা সম্মান ‘কৃষ্ণরক্ত’ ও দেওয়ার তোড়জোড় চলাছে। টকাই ওস্তাদের মর্ম তুমি কী বুঝে হে সেদিনের ছোকরা?”

হিজিবিজি লাজুক একটু হেসে ভারী লজ্জিত ভঙ্গিতে বলল, “ছি ছি, এরকম একজন গুণী মানুষকে চিনতে না পারায় ভারী বেয়াদপি হয়ে গেছে। আমি ছোট ছেলে বলে মাপ করে দিন। মাত্র বারো বছর বয়স, কী শেখার বাকি।”

নবা চোখ পিটপিট করে বলল, “কার বারো বছর বয়স?”

“আমার কথাই বলছি।”

“শোনো বাপু, একসময় মালদহে দুশো আমকে একশো বলে ধরা হত। দেদার

আম ফলত বলে ওটাই ছিল রেওয়াজ। একশো আম কিনলে একশো আম ফাউ। তা তুমি কত বছরে এক বছর ধরছ?”

ছেলেটা মিষ্টি হেসে বলল, “হিসেব খুব সোজা। আমাদের দেশে আঠারো মাসে বছর কিনা!”

“কেন হে বাপু, তোমাদের আঠারো মাসে বছর কেন? বারো মাসে সুবিধে হচ্ছে না বুঝি!”

“আমাদের বছর বড় গড়িমসি করে ঘোরে যে! তার বড় আলিসা। তার উপর আপনাদের চেনা তিরিশটি দিন পেরোলেই মাস পূরে যায়। আমাদের কি তা হওয়ার জো আছে? মাস আর পুরোতেই চায় না। গড়াতে গড়াতে সেই একশো কুড়ি দিনে মাস পূর্ণ হয়।”

চোখ গোল গোল করে শুনছিল নবা। বলল, “ও বাবা! এ যে একেবারে বোম্বাই মাস হে বাপু! মাসমাইনে পেতে গেরস্তের যে হাপিতোশ করে বসে থাকতে হয়। একশো কুড়ি দিন মানে কত হপ্তায় গিয়ে দাঁড়াচ্ছে বলো তো?”

“হপ্তা? না মশাই, আমাদের হপ্তা নেই। আমাদের হল দশতা!”

“দশতা জন্মে শুনি নি বাপু, সে আবার কী বস্তু?”

ভারী লজ্জায় মরমে মরে গিয়ে হিজিবিজি বলে, “আপনাদের যেমন সাতদিনে হপ্তা, আমাদের তেমনই দশতা। আমাদের বড় চিলাঢালা ব্যাপার মশাই। সকালে সুঘিঠাকুর উদয় হলেন বটে, কিন্তু তারপর আর নড়তেই চান না। মধ্য গগনে উঠছেন, যেন বেতো রুগি। সকালে আমাদের বারতিনেক প্রাতঃরাশ করতে হয়। মধ্যাহ্নভোজনও কম করে বারতিনেক। নৈশভোজও ধরুন তিন থেকে চারবার।”

“বাপ রে! তবে তো খেয়েই তোমরা ফতুর!”

“তা তো বাটেই। কিন্তু কী করা যাবে বলুন! আমাদের যে বাহাস্তর ঘণ্টায় একটা দিন।”

“বলো কী হে?”

“তাও যদি আপনাদের ঘণ্টার মতো চটকলদি ঘণ্টা হত। তা ধরুন, আমাদের ঘণ্টার মাপটাও একটু বেচপ রকমের। মোট একশো আশি মিনিট।”

“বটে হে!”

“তার উপর আবার এক মিনিটও কি সহজে হয়? দুশো চল্লিশ সেকেন্ড পর মিনিটের কাঁটা নড়ে।”

“বাপ রে! না বাপু, তা হলে তোমরা নাখা বারো বছর বয়সই বাটে। বরং একটু বেশিই ধরা হচ্ছে। আট কি সাত হলেই যেন মানায়। তা তোমাদের দেশটা কোথায়



বলো তো! শুনেছি, বিলেতে নাকি গুরুত্ব সব অশৈলী কাণ্ড হয়। সেখানে কাকের রং সাদা, বিধবাদের একাদশী নেই, শীতকালে আকাশ থেকে কাঠি-বরফ পড়ে।”

হিজিবিজি ভাল মানুষের মতো মুখ করে বলে, “বিলেত নয়, আমার দেশটা একটু দূরে।”

নবা মাথা নেড়ে বলে, “তা হয় কী করে? বিলেতের পরই তো পৃথিবী শেষ। তারপর আর ডাঙা জমিই নেই।”

“আমার দেশটা ওদিকপানে নয় কিনা!”

“তবে কোন দিকটার বলো তো! সাতবেড়ে পেরিয়ে নাকি? সাতবেড়ের আমার খুড়খুড়ের বাড়ি কিনা! জ্বর জায়গা। তা শুনেছি বটে সাতবেড়ে পেরিয়ে ঘুরঘুটি নামে একটা জায়গা আছে, সেখানে হাটে ভূতের তেল বিক্রি হয়। সেখানে নমুণামালিনী নামে এক ধরনের গাছ আছে, লাল টকটকে ইয়া বড় বড় ফুল হয়, তারপর ফুলের ভিতর থেকে নরমুণের মতো ফল বেরোয়। সেই গাছে পাখি বাসা বাঁধে না, তলা দিয়ে মানুষ কেন, কুকুর-বিড়ালও যায় না। কাছে গেলেই কপাত করে গিলে ফেলে। তা কানাঘুষো যেন শুনেছিলাম যে, সেখানেও দিন-রাত্তির একটু অন্য নিয়মের।”

“আমার দেশের নাম ঘুরঘুটি নয়।”

“তা হলে?”

“সে আরও বেনিয়মের জায়গা মশাই! দেশটার নাম হল রূপকথা।”

“আঁ! রূপকথা! মনসাপোতা নয়, সাতবেড়ে নয়, গ্যাঁড়া শিবতলা নয়, একেবারে রূপকথা। এ আবার কেমন নাম হে! নামটা তেমন মজবুত নাম নয় তো! কেমন যেন এলিয়ে পড়া ভাব নামের মতো! উচ্চারণ করে জুত হচ্ছে না তো।”

“আমাদের ভাষায় অবশ্য জায়গাটার নাম ডোডো।”

নবা অবাক হয়ে বলে, “বাড়িতে কি তোমরা ইংরিজিতে কথা কও নাকি?”

“না মশাই, আমরা ডোডো ভাষাতেই কথা কই।”

নবা হাল ছেড়ে দিয়ে বলে, “না বাপু, তোমার কথাবার্তা আমি কিছুই বুঝতে পারছি না।”

এদিকে যে এত কথাবার্তা হয়ে যাচ্ছে, সেদিকে মোটেই খেয়াল নেই টকাইয়ের। সে জটাঝাড়ের মুখের দিকে চেয়ে হাতজোড় করে সেই দিকে তদগত হয়ে আছে, আর কোনওদিকে হাঁসই নেই। ওদিকে জটাঝাড়াও সেই যে ধ্যানস্থ হয়েছেন, আর চোখ খোলেননি।

নবা গলাটা কয়েক পরদা নামিয়ে ফিফিস করে বলল, “তুমি কি জটাঝাড়ের চেলা নাকি হে বাপু?”

হিজ্জিবিজ্জি বলল, “তা একরকম বলতে পারেন।”

নবা একটা হাই তুলে বলল, “তা ধর্মকর্ম হয়তো ভাল জিনিসই হবে। কিন্তু সত্যি কথা বলতে কী, ওতে তেমন গা গরম হয় না। চুরি-ছ্যাচড়ামির মধ্যে বেশ একটা গা গরম করা ব্যাপার আছে। ধর্মকর্মে তো কেবল ভাল ভাল কথা আর উপদেশ। আমাদের কি ওসব পোষায়? তবে কিনা টকাই ওস্তাদের হঠাৎ বাই চেপেছে বলে আসা। তা জটাবাবা তো পষ্টাপষ্ট বলেই দিলেন যে, চুরি করা তেমন খারাপ কিছু নয়। এখন ফিরে গিয়ে কাজকর্মে মন দিলেই বাঁচি। তা বাপু, তোমরা চোর খুঁজছ কেন? সুলুকসজ্জান কিছু আছে নাকি?”

হিজ্জিবিজ্জি ভারী মিষ্টি হেসে বলল, “আছে বই কী।”

নবা সাগ্রহে বলল, “আহা! একটু খোলসা করে বলেই ফেলো না। তেমন বড় দাঁও হলে ওস্তাদকে আমি ঠিক রাজি করিয়ে ফেলব।”

হিজ্জিবিজ্জি ভাল মানুষের মতো মুখ করে বলল, “আজ্ঞে, চোর খুঁজছি আমাদের দেশে নিয়ে যাব বলে।”

নবা অবাক হয়ে বলে, “যাঃ, চোর আবার কেউ নিয়ে যায় নাকি? কেন বাপু, তোমাদের গায়ে কি চোর নেই নাকি?”

“আজ্ঞে না। চোরের বড়ই অভাব।”

“তবে কি সেখানে সবাই ডাকাত?”

“ডাকাতই বা দেখলাম কোথায়? না মশাই, চোর-ডাকাত ওসব কিছুই আমাদের নেই। সেইজন্যই গোটাকয়েক চোর আর ডাকাত নিয়ে যেতে চাইছি লোককে দেখাব বলে।”

নবা চিন্তিত হয়ে বলে, “চোর-ডাকাত নেই? সে আবার কেমন জায়গা হে! এ তো মোটেই ভাল কথা নয়! ভগবানের দুনিয়ায় বাঘ-সিংহ, শেয়াল-কুকুর, বিড়াল-ইঁদুর, কাক-বক, কোনওটা বাদ দিলে কি চলে? তোমাদের বাপু সৃষ্টিছাড়া গা। কপকপায় গিয়ে আমাদের জুত হবে না হে!”

ঠিক এই সময়ে ধ্যানস্থ জটাবাবা হঠাৎ বাঁ চোখটা পট করে খুলে টকাইয়ের দিকে তাকালেন। তারপর বজ্জনিন্দোষে বললেন, “যা বাটা, ধ্যানমগ্ন গিয়ে চিত্তশুণ্ডের খাতায় তোর পাপপুণিার হিসেবটায় চোখ বুলিয়ে এলুম নো, চুরি বাবদ তোর পাপের খাতে কিছুই ধরা হয়নি। নিশ্চিন্তে বাড়ি গিয়ে নাকি তেল দিয়ে ঘুমো। সামনের অমাবস্যায় রাত এগারোটায় এইখানে চলে আসবি। পাপতাপ যা করেছিস, সব ঝেড়ে নামিয়ে দেব। তারপর মস্তুর পাঠ এখন বিদেয় হ।”

গদগদ হয়ে টকাই তাড়াতাড়ি সাষ্টাঙ্গে প্রণাম করে উঠে পড়ল, সঙ্গে নবাও।

জটাবার ঝুপড়ি থেকে বেরিয়ে বেশ খানিকটা তফাত হওয়ার পর হঠাৎ টকাইয়ের  
স্বস্তিভাবটা খসে গিয়ে কপালে ক্রকুটি দেখা দিল। গভীর গলায় ডাকল, “নবা।”

নবা শিছন থেকে বলল, “আজ্ঞে!”

“চুরি-ডাকাতি খুব খারাপ জিনিস, বুঝলি!”

“সে আজ্ঞে, তবে কিনা...”

টকাই হাত তুলে তাকে ধামিয়ে বলল, “এ কথাও ঠিক যে, চুরি-ডাকাতির উপর  
আমার ঘেন্না ধরে গেছে।”

“যে আজ্ঞে, সেই কথা ভেবে ডেবেই তো আমার রাতে ঘুম নেই। কাল রাতেই  
তো গিন্নি ফুলকপি দিয়ে কই মাছ রেখেছিল। এক কাঠা চালের ভাত উড়ে যাওয়ার  
কথা। কিন্তু কী বলব ওস্তাদ, দু’গরাসও গিলতে পারিনি।”

টকাই একটা দীর্ঘশ্বাস ফেলে বলল, “তুই কতকাল আমার শাগরেদি করছিস বল  
তো নবা?”

“তা ধরুন, সামনের অফ্রাশে দশ বছর পূরবে।”

“দশটি বছর আমার সঙ্গে থেকে শিখলি কী বল তো! এখনও তোর দেখার চোপ  
ফুটল না। কান তৈরি হল না, মগজু সজাগ হল না, হাত-পায়ের আড় ভাঙল না। সেই  
যে প্রথম দিন তোকে পরীক্ষা করার জন্য পটলার সাইকেলখানা চুরি করে আনতে  
পাঠিয়েছিলাম, সে কথা মনে আছে?”

ভারী লজ্জা পেয়ে নবা বলে, “তা আর নেই! খুব মনে আছে।”

“জলের মতো সোজা কাজটা যেভাবে ভঙল করেছিলি, তাতেই এলেম বোকা  
গিয়েছিল তোর।”

নবা কঁচুমাচু হয়ে বলল, “তা কী করব ওস্তাদ, হাদারাম পটল যে তার সাইকেলের  
শিছনের চাকার শেকল পরিয়ে তলা দিয়ে রেখেছে, তা কে জানত? সাইকেলটা টেনে  
নিয়েই চটপট উঠে পড়ে চালাতে গিয়েই দড়াম করে পড়লুম যে। প্রথম কেশ (কেশ?)”

“সে না হয় হল। প্রথমটায় লোকে ভুলচুক করতেই পারে। সেটা ধরছি না।  
কিন্তু এই গেল হুগায় শিবু সমাধারের বুড়ো পিসেমশাইয়ের হাতে ধরা পড়ে যে  
শঙ্করবাবু কান ধরে ওঠাবোস করলি, তাতে যে আমার কতখানি বেইজ্জত হল, তা  
খেয়াল করেছিস?”

নবা ভারী অপ্রস্তুত হয়ে মাথা চলাকে বলল, “আজ্ঞে ওস্তাদ, পাকা খবর ছিল যে,  
শিবু সেদিন মাদারপুরে শঙ্করবাড়িতে গেছে। তাই নিশ্চিন্তে তার ঘরে ঢুকে মনের  
আনন্দে জিনিসপত্র সরাতে লেগেছিলাম। তা মেলা খুচরো জিনিস হয়ে যাওয়ায়,  
জবলুম, বিছানার চাপরে বেঁধে একটা পোঁটলা করে নিলে সুবিধে হবে। তখন কি

আর টের পেয়েছিলাম যে, বিজ্ঞানায় শিবুর বুড়ো পিসেমশাই শুয়ে আছে। মাইরি, বিশ্বাস করুন, শিবুর যে কস্মিনকালে কোনও পিসেমশাই আছে, সেটাও আমার জানা ছিল না। কোন গোবিন্দপুর গাঁ থেকে সেদিন রাতেই এসে হাজির হয়েছে। তা পৌঁটলো বেঁধে তুলতে গিয়ে দেখি বেজায় ভারী। তখন কি আর জানতুম যে, জিনিসপত্রের সঙ্গে শিবুর পিসেমশাইও পৌঁটলসই হয়েছে! কেঁদে-ককিয়ে পৌঁটলো সবো ঘাড়ে তুলেছি, অমনই পৌঁটলার ভিতর থেকে দু'খানা হাত বেরিয়ে এসে গলটা পেঁচিয়ে ধরে বড্ড বেকায়দায় ফেলে দিয়েছিল। প্রথমে ভেবেছিলুম, ভূত। তাই একটু চেঁচামেচিও করে ফেলেছিলুম বটে! কপালটাই আমার খারাপ! নইলে পৌঁটলার হাত গজাবে কেন?”

একটা দীর্ঘশ্বাস ফেলে টকাই বলল, “শিবুর পিসেমশাইয়ের বয়স কত জানিস? একানব্বই বছর। হিসেব মতো ধুখুড়ে বুড়ো, আর তুই ত্রিশ বছরের জোয়ান মর্দ। ঘাড়ে-গর্দানে চেহারা নিয়ে কোন আক্কেলে তুই বুড়ো মানুষটার হাতে নাকাল হলি বলতে পারিস?”

“মুশকিল কী জানো ওস্তাদ, আচমকা কাণ্ডটা হওয়ায় ঘাবড়ে গিয়েছিলুম কিনা! আর ঘাবড়ে গেলে আমার শরীরটা ভারী দুর্বল হয়ে পড়ে। তার উপর শিবুর পিসেমশাই হল গে বুড়ো মানুষ! ব্যায়োজোষ্ঠ, গুরুজন! বয়সের মানুষকে তো একটু সম্মানও দেখাতে হয়! তাই তার অপমান হবে ভেবে পালাতে ইচ্ছে হল না।”

“তাই পায়ে ধরে কেঁদেকেটে ক্ষমা চেয়েছিলি?”

“না না, পায়ে ধরার লোক আমি নই। যতদূর মনে আছে, হাঁটুর নীচে নামিনি। আর কান্না বলে লোকে মনে করলেও, ও ঠিক কান্না নয়। বেজায় সর্দি লেগেছিল বলে একটু ফাঁচ ফাঁচ ভাব ছিল। কান্না হতে যাবে কেন?”

“আর কান ধরে যে তোকে লোকজনের সামনে ওঠবোস করাল, সেটা বুঝি অপমান নয়?”

নবা একটু গ্যালগ্যালো হাসি হেসে বলল, “তা ওঠ-বোস করেছি বই কী! সেদিন বিকেলে ডন-বৈঠক মারতে বেবাক ভুলে গিয়েছিলুম কিনা! তা পিসেমশাই যখন ওঠ-বোস করতে বলল, তখন ভাবলুম, ভালই হল! এই মওকদ্য মেরে নিই। হে হে, লোকে অবিশ্বাস্য বুঝতে পারেনি। সবাই ভেবে নিল, আমি বোধহয় সত্যিই ভয় পেয়ে কান ধরে ওঠ-বোস করছি। কিন্তু আমি যে কান্দুদ্য করে বৈঠকি মারছি, সেটা আহাম্মকেরা ধরতেই পারেনি। হেঃ হেঃ, দিবা বেঁকি বানিয়ে এসেছি সবাইকো।”

একটা দীর্ঘশ্বাস ফেলে টকাই বলল, “কে জেঞ্জারি যা করার তা তো করেইছিস, কিন্তু তা বলে কোন বুদ্ধিতে তুই শিবুর পিসেমশাইকে বলতে গিয়েছিলি যে, তুই আমার চেলা! নামটা ফাঁস করা কি তোার উচিত হল?”

ভারী অবাধ হয়ে নবা বলে, “নাম নেব না মানে? আমি কত বড় ওস্তাদের শাগরেদ, সেটা পাঁচজনকে বুক ঠুকে না বলে পারি? টকাই ওস্তাদের চেলা শুনলে যে লোকে হাতজোড় করে, পথ ছেড়ে দেয়।”

“বটে! তা হলে শিবুর পিসেমশাই সেটা করল না কেন?”

নবা একটু ভেবে বলল, “হ্যাঁ, সেটা একটা কথা বটে! তবে বুড়ো মানুষদের তো ভীমরতিতেও ধরে। তারপর ধরুন, কানেও হয়তো খাটো; তারপর ধরুন, ঝোঁকের মাধ্যমে অপমানটা করে ফেলেছে, পরে হয়তো ক্ষমা চাইবে।”

মাথা নেড়ে টকাই বলে, “ওসব নয় রে, শিবুর পিসেমশাই হরদেব সিংহ আমার কাছে দুঃখ করে বলেছে, ‘ওরে টকাই, তোর যে এমন দুরবস্থা হয়েছে, তা তো জানতুম না। তুই কত বড় ওস্তাদ ছিলি, লোকের পকেট মারলে পকেট নিজেও টের পেত না। আর সেই তুই কিনা এসব আনাড়ি লোককে দলে নিয়েছিস! এ তো চুরির অ-আ-ক-খ-ই শেখেনি!’”

নবা হুলস্থূল চোখে বলল, “আরে ওস্তাদ, আমিও তো সেই কথাটাই আপনাকে বোঝানোর চেষ্টা করছি। আপনি লাইন ছেড়ে দিলে আমার মতো অপদার্থ অপোগণ্ডের কী হবে! চুরি-সমুদ্রের তীরে আমি যে এখনও নুড়ি কুড়োচ্ছি! জটাবাবা কী বলল শুনলেন না! চুরি মোটেই পাপের মতোই পড়ে না। অত বড় সাধক, ত্রিকালজ্ঞ, টক করে চিত্রশূপুর খাতায় অবধি উঁকি মেরে এসে বললে, আপনার পাপের খাতায় কিছু জমা পড়েনি!”

টকাই ফ্রুটি করে বলল, “জটাবাবা যাই বলুক, চুরিটুরি যে খারাপ কাজ তাতে সন্দেহ নেই। তবে চোর যদি হাতই হয়, তা হলে চোরের মতো চোর হওয়াই ভাল। দিনকানা, অগ্রপশ্চাৎ বিবেচনাহীন, বোকা-হাঁদা, লোভী আর ছুকছুঁকে চোর হওয়া ঘোঁরার কাজ। হরদেববাবু কি আর সাথে দুঃখ করছিল, সে ছিল কদমপুরের ডাকসাইটে বড়দারোগা। জাঁহাবাজ লোক। সারা জীবনে মেলাই চোর-ডাকাত টিট করেছেন।”

নব বড় বড় চোখে চেয়ে বলে, “দারোগা! শিবুর পিসেমশাই তা হলে দারোগা ছিলেন! তাই বলুন। অঙ্কটা তা হলে মিলেই গেল!”

“কী অঙ্ক মেলাপি?”

“আজ্ঞে সে যখন আমাকে জাপটে ধরে পেড়ে ফেললে, তখনই আমি ওর গা থেকে পুলিশ-পুলিশ গন্ধ পেয়েছিলাম। চোর ধরার কায়দাকানুনও দেখলুম বেশ রপ্ত। তাই মনে হয়েছিল, এ লোক পুলিশ না হয়ে যায় না। কিন্তু একে বুড়ো মানুষ, তার উপর গায়ে পুলিশের উর্দিও নেই, ফলে একটা খটকা লেগেছিল।”

“হ্যাঁ রে, পুলিশের গায়ে কি আলাদা গন্ধ থাকে?”

নবা একগাল হেসে বলল, “তা আর থাকে না! পুলিশের গন্ধ আমার খুব চেনা। সেবার গ্যাঙ্গালপোতায় মুরগি চুরির দায়ে যখন ধরে নিয়ে গিয়েছিল, তখন দু’-চারটে চড়চাপড় মেরে বড়বাবু শিবেশ্বর পুরকায়েত বলল, ‘এটাকে আর ফাটকে পুরে কী হবে? বরং হাতে একটা হাতপাখা ধরিয়ে দে, সারারাত আমাকে বাতাস করুক, যা গরম পড়েছে।’ তা বড়বাবুকে সারারাত বাতাস করতে করতে গন্ধটা খুব চিনে রেখেছিলুম। ও ভুল হওয়ার জো নেই। অনেকটা মোষ মোষ গন্ধ।”

“তোর নাকের তো খুব এলেম দেখছি। তা ভাল, চোরের মতো চোর হতে গেলে নাক-মুখ-চোখ সব কিছুই সজাগ হওয়াই দরকার। তা জটাবাবার কুটিরের ঢুকে কোনও গন্ধ পেয়েছিস?”

“তা আর পাইনি ওস্তাদ! খুব পেয়েছি। ফুল, চন্দন, আতর, ধূপকাঠি, সব মিলিয়ে মিশিয়ে ভারী স্বর্গীয় গন্ধ। মনে ভক্তিভাব এসে পড়ে।”

“তোর মাথা! এসবের নামগন্ধও ছিল না।”

“তা হলে?”

“কীকা মাঠ, শুকনো পাতা আর মাটির সোঁদা গন্ধ ছাড়া আরও একটা সন্দেহজনক গন্ধ ছিল। সেটা হল স্পিরিট গামের গন্ধ।”

“সেটা কী জিনিস ওস্তাদ?”

“ওই আঠা দিয়ে যাত্রা-থিয়েটারের আঁকিরের নকল দাড়ি-গোঁফ লাগায়। মনে হচ্ছে জটাবাবার দাড়ি-গোঁফও আসল নয়।”

“বলেন কী ওস্তাদ। অমন তেজি দাড়ি দেখে আমি তো ভাবলাম, মস্ত বড় সাধক।”

“সাধক বটে, তবে অন্য জিনিসের। আর ওই হিজিবিজি ছোকরাও দু’নখরি জিনিস।”

নবা চোখ গোল গোল করে বলে, “বটে ওস্তাদ!”

একটা দীর্ঘশ্বাস ছেড়ে টকাই বলে, “এদের মতলব ভাল নয় যে মন্ত্রণা জটাবাবার বেদিটা ভাল করে লক্ষ করেছিস?”

“আজ্ঞে হ্যাঁ, চৌকোমতো, বেশ উঁচু।”

“হ্যাঁ, কিন্তু বেদি বানাতে মাটি বা ইটের দরকার হয়। এই জঙ্গলে তো ইটের জোগাড় নেই, আর আশপাশে কোথাও মাটি-কটোর দাগও ছিল না। মনে হচ্ছে গোটা দুই বাস্তুর উপর চট আর কম্বল দিয়ে ঢেকে বেদি করা হয়েছে। কিন্তু প্রবল হল, বাস্তবটা কীসের। আরও কথা আছে।”

নবা অবাক হয়ে বলে, “আরও কী কথা ওস্তাদ?”

“আমি তুই, জটা বাবা আর হিজিবিজি ছাড়া এই ঘরে আরও একটা কেউ ছিল।”

“কই ওস্তাদ, আর তো কাউকে দেখলুম না।”

“সব জিনিস কি চোখে দেখা যায় রে, তবে আন্দাজ পাওয়া যায়। আমি পাঁচজনের স্বাসের শব্দ পেয়েছি। রাতের অন্ধকারে যখন অচেনা বাড়িতে অন্ধকারে ঢুকতে হয়, তখন চোখ ততটা কাজ করে না, কিন্তু চোখের জায়গা নেয় কান। বুঝলি? তোর অবশ্য নাক, কান, চোখ, সবই সমান, সবক'টাই ভোঁতা।”

নবা লজ্জা পেয়ে বলে, “তা বটে ওস্তাদ, কিন্তু ওই পাঁচ নম্বর লোকটা কে?”

“লোক কি না তা জানি না! পাঁচ নম্বর যে মানুষই হবে এমন কোনও কথা নেই।”

নবা শশব্যস্তে বলে, “তার মানেটা কী দাঁড়াচ্ছে ওস্তাদ?”

“পাঁচ নম্বরের স্বাসের শব্দটা একটু অনারকম, অনেকটা খুব আন্তে শিস দেওয়ার শব্দের মতো। আর স্বাসটা অনেককণ বাদে বাদে ছাড়ে।”

“সাপখোপ নয়তো!”

“না! দেশের সব সাপের স্বাস আমার জানা। এ অন্য কিছু, মানুষ হলেও অনারকম মানুষ। শোন, জটা বাবার কাছে এসেছিলাম নিজের পাপ কবুল করে মস্তুর নেব বলে, কিন্তু এখন অন্য কথা ভাবছি। জটা বাবা বোধহয় আমার চেয়েও এককাঠি উপরের জিনিস, সুতরাং এখনও রিটার্ন করলে আমার চলবে না, ব্যাপারটা দেখতে হবে।”

চার

হাই বড় ছোঁয়াচে জিনিস। সামনে বসে যদি কেউ বড় বড় হাঁ করে প্রকাশ প্রকাশ হাই তুলতে থাকে, তা হলে তা দেখে সুমুখের মানুষটারও হাই উঠাবে কি উঠবে। নইলে এই সঙ্গে সাড়ে সাতটার সময় হাই তোলার মানুষ শিবেন নয়। কিন্তু উক্তবাবুর নাতি, সাক্ষুমোনি নাতি গোবিন্দকে সঙ্গেবেলা পড়াতে এলে শিবেনের এই ফ্যাসাদটা হয়। গোবিন্দ যখন পড়তে বসে, তখনই তার ঢুলুঢুলু অবস্থা। প্রথম অঙ্কটা হয়তো কোনওরকমে কবল, শিবেন সেটা যখন দেখছে, তখনই গোবিন্দ টেবিলে মাথা রেখে ঘুমে তলিয়ে গেছে। তাকে ডেকে-হেকে ঝাঁকিয়ে, কাতুকুতু দিয়ে দ্বিতীয় অঙ্কটা করাতে বসালে গোবিন্দ অঙ্কের মাঝখানেই হাই তুলতে তুলতে ব্যরকরেক ঢুলে পড়ে। আর তখন শিবেনেরও হাই ওঠে, ঢুলুনি আসে। তিন নম্বর

অঙ্কে পৌঁছতে ছাই অসেক সময় চলে যায়। গোবিন্দর ঘুম ভাড়ানোর জন্য বাড়ির লোকও কম চেষ্টা করেনি। প্রথমে একজন ঢাকিকে আনানো হয়েছিল। কিন্তু ঢাকের বিকট শব্দে পাড়াপ্রতিবেশীরা অতিষ্ঠ হয়ে থানা পুলিশ করবে বলে জানায়। তা ছাড়া গোবিন্দর ঘুম ঢাকেরও তোয়াক্কা করেনি বলে ঢাকের বদলে লঙ্কাপোড়া দিয়ে পড়ার ঘরে ধোয়া দেওয়া হল। তাতে গোবিন্দ যেমন নাকাল, তার চেয়েও বেশি নাকাল হল বাড়ির লোকেরা। সবাই হেঁচে কেশে অস্থির। তারপর চোখে সর্ষের তেল, ঠান্ডা জলের ঝাপটা ইত্যাদি অনেক কিছুই করা হয়েছে। কিন্তু গোবিন্দর ঘুম তাতে নড়ার নামটিও করেনি। ওই ঘুমের জন্যই গোবিন্দর জনাসাতেক প্রাইভেট টিউটর কাজে ইস্তফা দিয়ে চলে গেছে। তবে শিবেন ধৈর্যশীল মানুষ এবং ডাকাবুকো লোক। ময়নাগড়ে নতুন এসেছে স্কুলে মাস্টারির চাকরি নিয়ে। তিন মাসেই লোকে জেনে গেছে শিবেনের অঙ্কের মাথা খুব পাকা, তাই তাকে নিয়ে ছাত্ররমহলে কাড়াকাড়ি উদ্ধববাবু অনেক বেশি টাকা কবুল করে তাকে নিজের অপোগণ্ড নাতি গোবিন্দর জনা নিয়োগ করেছেন। বলেছেন, “বাপু হে, আশি-নব্বই নয়, অঙ্কে তিরিশটি নম্বর জোগাড় হলেই আমি খুশি।” দু’ মাস হল শিবেন লেগে আছে। গোবিন্দর তেমন কোনও উন্নতি হয়েছে বলে তার মনে হচ্ছে না। অঙ্কের উন্নতি না হলেও, দিন দিন যে গোবিন্দর ঘুমের উন্নতি হচ্ছে, তাতে সন্দেহ নেই।

আজ অবিশ্যি গোবিন্দ পড়তে এসেই হাই তুলে বলল, “জানেন মাস্টারমশাই, আজ দাদু ভূত দেখেছে।”

শিবেন ভূতে বিশ্বাসী নয়, কৌতূহলও নেই। অঙ্কের বইয়ের পাতা গুলটাতে গুলটাকে আনমনে শুধু বলল, “তাই নাকি?”

“হ্যাঁ মাস্টারমশাই, লম্বা, ফর্সা, ম্যাজিশিয়ান ভূত।”

“বটে! ভূত আবার ম্যাজিশিয়ানও হয়, কখনও শুনিনি তো!”

গোবিন্দ তিন মিনিটের একটা চুলুনি সামলে নিয়ে বলল, “তাকে পাঁচ মিনিট দেখেছে। তার নাম হিজিবিজি।”

এতক্ষণ এসব কথায় তেমন গা করেনি শিবেন। এবার হঠাৎ চমকে উঠে বলল, “কী নাম বললে?”

গোবিন্দ পাঁচ মিনিট অঘোরে ঘুমিয়ে নিয়ে তারপর চুলুচুলু চোখে চেয়ে বলল, “ওঃ হ্যাঁ, তার নাম হিজিবিজি।”

শিবেনের মুখটা একটু ফ্যাকাসে হয়ে গেল। কপালে দৃষ্টিস্তার ভাঁজ। খানিকক্ষণ গোবিন্দর টেবিলের উপর নোয়ানো অক্ষয়জির দিকে চেয়ে থেকে আপন মনেই বিড়বিড় করে বলল, “তা হলে কি সন্ধান পেয়েছে?”



ঠিক এই সময় উদ্ধববাবু ঘরে ঢুকে খুবই উদ্বেগের গলায় বলে উঠলেন, “সন্ধান পাবে কী করে হে! সে কি মনিষি, যে সন্ধান পাবে?”

শিবেন খতমত খেয়ে কী বলবে ভেবে না পেয়ে শুধু বলল, “যে আস্তে!”

উদ্ধববাবু চোখ গোল গোল করে বললেন, “বললে বিশ্বাস হবে না ভায়া, জলজ্যান্ত দিনেদুপুরে ভূত এসে হাজির হয়েছে। কী বিপজ্জনক পরিস্থিতি বলো তো! এরকম চলতে থাকলে তো ময়নাগড় একেবারে ভূতের বন্দাবন হয়ে উঠবে!”

শিবেন একটু উদ্বেগের গলায় বলল, “তাকে আপনি কোথায় দেখেছেন?”

“সকালবেলায় বাজারে যাওয়ার পথে, তেঁতুলতলায়। কী বলব ভায়া, তার সঙ্গে যে কিছুক্ষণ খোশগল্পও করেছি। ভূত বলে ঘৃণাকরেও বোঝা যায়নি। রঙ্গরসিকতাও করছিল। দিবা সুন্দরপানা লম্বা চওড়া চেহারা, তার ওপর দিনমানের আলোয় দেখা। ভূত বলে মনে হওয়ার কারণও ছিল না। কথা কইতে কইতে হঠাৎ গায়েব হয়ে যাওয়াতেই বুঝলাম যে, সে ভূত।”

শিবেন একটু গম্ভীর হয়ে বলে, “গোবিন্দ বলছিল, লোকটা নাকি ম্যাজিশিয়ান!”

“তা বলছিল বটে। কিন্তু তার কোন কথাটা সত্যি, আর কোন কথাটা মিথ্যে, তা কে বলবে!”

“ম্যাজিশিয়ানরা অনেক কৌশল জানে। ভ্যানিশ হয়ে যাওয়া তার একটা কৌশলও হতে পারে।”

“আহা, ওসব স্টেজে হয়। কিন্তু দিনেদুপুরে একটা লোকের হঠাৎ হাওয়ায় মিলিয়ে যাওয়া তো আর চাটখানি কথা নয়।”

“উন্নততর প্রযুক্তি আর কৌশলে সবই সম্ভব।”

উদ্ধববাবু একটা চেয়ার টেনে শিবেনের পাশে বসে গলা নামিয়ে বললেন, “বাপু হে, তুমি তো সায়েন্সের লোক, অনেক জানোটানো, তা হলে কি বলতে চাও, লোকটা আমার চোখে ধুলো দিয়েছে?”

শিবেন একটু হেসে বলল, “সেটাই সম্ভব। আমি বিজ্ঞানের ছাত্র। ভূতপ্রেত মানি না। আপনি যাকে দেখেছেন তাকে ভূত বলে মনে হচ্ছে না। তবে সে কোনওভাবে একটা অপটিক্যাল ইলিউশন তৈরি করেছিল। উন্নততর প্রযুক্তির সাহায্যে সেটা সম্ভব হতেও পারে।”

“তা হলে কি লোকটা আমাকে ম্যাজিক দেখিয়ে বোকা বানাল?”

“আমার অন্তত তাই মনে হচ্ছে।”

“দাঁড়াও বাপু, দাঁড়াও। ছোকরা আমাকে কিছু কথা বলেছিল।”

শিবেন হঠাৎ অত্যন্ত আগ্রহের সঙ্গে বলল, “কী কথা?”

“বলেছিল, তাকে নাকি কিছু লোক খুঁজে বেড়াচ্ছে। সে সেইজন্য গা-ঢাকা দিয়ে থাকার জায়গার সন্ধানে ময়নাগড়ে এসে হাজির হয়েছে। কারা খুঁজছে জিজ্ঞেস করায় সে পুলিশ, মিলিটারি আর ইস্টারপোলেরও নাম করেছিল। এখন ভাবছি, ভূত হলে পুলিশ-টুলিশের তো তাকে খোঁজার কথা নয়।”

শিবেন একটু নিভে গিয়ে বলে, “যে আছে!”

“তোমার কী মনে হয় বলে তো ভায়া, লোকটা ভূত না উঁচুদরের ধান্নাবাজ?”

শিবেন একটা দীর্ঘশ্বাস ছেড়ে বলে, “ভূত নয় বলেই জানি। তবে ধান্নাবাজ কি না তা জানি না!”

“আমি বুড়োমানুষ, চোখের ভুল হলেও হতে পারে। কিন্তু পাঁচু তো আর বুড়ো নয়। সেও তো দেখেছে।”

“পাঁচু কে বলুন তো?”

“সে তুমি চিনবে না। গায়ের ছেলে, নিষ্কর্মা।”

“বিশ্বাসবাড়ির বোকাসোকা ছেলেটা নাকি?”

“হ্যাঁ। সে-ই।”

“পাঁচু মাঝে মাঝে আমার কাছে আসে। তাকে চিনি। আপনারা দু'জন ছাড়া আর কেউ দেখেছে লোকটাকে?”

মাথা নেড়ে উদ্ধববাবু বললেন, “দেখলেও কেউ কবুল করেনি। তবে সে যখন এখানে থানা গেড়েছে তখন অনেকেই দেখবে।”

শিবেন খুব চিন্তিত হয়ে বলল, “হাঁ।”

“তা হলে ভয়ের কিছু নেই বলছি তো। সায়েন্সের লোকেরা ভরসা দিলে আমরা একটু জোর পাই। এই তো সেদিন নরহরি ঘোষ বলল, সায়েন্সে নাকি বলেছে, শনিপুঞ্জের সিমি খেলে নাকি ম্যালেরিয়া সেরে যায়। কারণ, তাহের শনির তেজস্ক্রিয়তা এসে ঢুকে এমন ভজঘট্ট পাকিয়ে তোলে যে, ম্যালেরিয়া পালানোর পথ পায় না।”

“বলেছে বুঝি?”

“নরহরি সায়েন্সের মেলা খবর-টবর রাখে। এই গায়ে কিসানের সলতেটা ও-ই জ্বালিয়ে রেখেছে কিনা! আটম বোমা জিনিসটা কী তা নরহরিই তো একদিন জলের মতো বুঝিয়ে দিল আমাদের।”

“বটে!”

“তবে আর বলছি কী। বলল, আটম নাকি পোস্তদানার চেয়েও ছোট জিনিস।

তবে ভারী ভেজি, লম্বা মতো একটা নলের মধ্যে ভবে খুব ঠেসে দিতে হয়, তারপর এরোপ্লেনে উঠে পলতেয় আগুন দিয়ে ফেলে দিতে হয়। যখন ফাটে তখন নাকি দেখবার মতো জিনিস। আমাদের কাশেমের চরে নাকি আটমের খনি আছে। বস্তা বস্তা আটম চালান হচ্ছে বিদেশে। আটম বেচেই তো কাশেম লাল হয়ে গেল।”

একটা দীর্ঘশ্বাস ফেলে শিবেন বলল, “নরহরিবাবু খুবই জ্ঞানী লোক দেখছি।”

“এমনিতে নরহরি লোক সুবিধের নয়, বুঝলে। ভারী ঝগড়ুটে, বিশ্বনিন্দুক, হাড়কেমন। কিছু বিজ্ঞানটা জানে ভাল। স্কুলের সায়েন্সের মাস্টারমশাই বিটুবাবু পর্যন্ত ওর সামনে দাঁড়াতে পারেন না। স্কুলে সেদিন মাধ্যাকর্ষণ বোঝাতে গিয়ে নিউটনের সেই গাছ থেকে আপেল পড়ার বৃত্তান্ত বলছিলেন বিটুবাবু। তা নরহরি সেদিন চণ্ডীমণ্ডপে বসে বলছিল, বিটুবাবু অর্ধেকটা জানেন, বাকি অর্ধেকটা জানেন না। আপেলটা পড়েছিল ঠিকই, তবে সেটা পড়েছিল নিউটনের মাথায়। বিলেতের আপেল, সাইকেল এক-একটা তালের মতো। মাথায় পড়াতে নিউটনের ঘিলু চলকে গিয়ে দ্বিবাড়ি ঝুলে যায়, আর তাইতেই মাধ্যাকর্ষণ আবিষ্কার করে ফেলেন। তবে নরহরি এ কথাও বলেছে, মাধ্যাকর্ষণের আসল ব্যাপারটা খুব গুহ্য কথা, এখনও বিজ্ঞানীরা সব চেপেচুপে রেখেছেন। কয়েক বছর পর তা প্রকাশ পাবে।”

শিবেন অবাক হয়ে বলে, “সে কথাটা কী?”

উদ্ধববাবু গলা খাটো করে বললেন, “আগে নাকি মাধ্যাকর্ষণ বলে কিছু ছিল না। তখন মানুষ, গোক, কুকুর ছাগল মায় গাছপালা অবাধি গ্যাসবেলুনের মতো ভেসে ভেসে বেড়াত, তারপর উঁচুতে উঁচুতে উঁচুতে স্বর্গে গিয়ে ঠেকত। তাইতে স্বর্গের লোকেরা ভারী জ্বালাতন হয়ে উঠল। স্বর্গে গাদাগুচ্ছের মানুষ। গোক, ছাগল ঢুকে পড়ায় বিশৃঙ্খল অবস্থা। ওদিকে পৃথিবী ফাঁকা পড়ে আছে। সৃষ্টি রসাতলে যাচ্ছে। তখন নাকি সৃষ্টি বাঁচাতে ব্রহ্মা একটা রাক্ষুসে চুম্বক মাটির নীচে পেতে দিলেন। বাস, সেই থেকে সব আমরা আটকে আছি।”

“এটাও কি সায়েন্সে বলেছে?”

“তবে? নরহরির কাছে পৃথিবানা আছে, খুব গুপ্ত পুঁথি। সাহেবদেরই বই, তবে বাংলায় লেখা। খালাসপুরের হাটে যুধিষ্ঠির দাস নামে এক লোকটা বইপত্র বেচতে আসে, তার কাছ থেকে মেলা ঝোলাঝুলি করে কেনা দু'টাকার বই দশ টাকায় রফা হয়েছে।”

শিবেনের ফের দীর্ঘশ্বাস পড়ল। সে মিনমিন করে বলল, “সাহেবরা বাংলা বই লিখতে যাবে কেন সেটাই বুঝতে পারছি না।”

উদ্ধববাবু গলাটা আরও খাটো করে বললেন, “আহা, এটা না বোঝার কী আছে

হে বাপু! ইংরিজিতে লিখলে অন্য সব সাহেবরা জেনে যাবে যে! বাংলায় লিখলে জিনিসটা লেখাও হয়ে রইল, গোপনও থাকল। বড় বড় দোকানে ও বই পাবে না, গাঁয়ে-গাঞ্জে খুব গোপনে দু'চারজন বিক্রি করে।”

একটু আগে গোবিন্দর হাই তোলা দেখে শিবেনেরও হাই উঠেছিল। ঘুম ঘুম ভাবটাও বেশ চেপে ধরেছিল তাকে। এখন এসব বৃত্তান্ত শুনে ঘুম পালিয়েছে বটে, কিন্তু দীর্ঘশ্বাসের পর দীর্ঘশ্বাস পেয়ে বসেছে শিবেনকে। দীর্ঘশ্বাসকে চেপেচুপে ছোট করাতে কিছুতেই পেরে উঠছে না সে। মাথাটাও একটু একটু ঘুরছে। সে শ্বাস কষ্টে বলল, “এবার তা হলে আসি উদ্ধববাবু?”

“আহা, আটটা দশ মিনিট বাজছে যে! এ সময়ে বেরোতে আছে?”

অবাক হয়ে শিবেন বলে, “আটটা দশ মিনিটে বেরোলে কী হয়?”

“তুমি যে জমিদার বাড়ির খাজাঙ্কিখানায় থাকো। ওর কাছেই তো পদ্মঝিল। এ সময়ে কলসি-কানাই ঝিল থেকে উঠে তার বউ বাচ্চাকে দেখতে যায় যে।”

শিবেন হাঁ করে চেয়ে থেকে বলল, “কলসি-কানাইটা আবার কে?”

উদ্ধববাবু খুব বিজ্ঞের মতো হেসে বললেন, “তাও জানো না তুমি! কলসি-কানাই সম্পর্কে বেশি না বলাই ভাল। নতুন এসেছ এই গাঁয়ে, ভয়টয় পাবে। তবে মোদ্দা কথা হল, রাত আটটা থেকে ন’টার মধ্যে পদ্মঝিলের দিকটায় না যাওয়াই ভাল, বলা তো যায় না।”

শিবেন একটু হেসে বলল, “ভূত নাকি? আপনাকে তো বলেইছি, আমি বিজ্ঞানের ছাত্র, ভূত-টুত মানি না।”

“ওরে বাপু, ভূতেরও বিজ্ঞান আছে, না কি? নইলে ভৌতবিজ্ঞান হল কী করে?”

“আজ্ঞে, ভৌতবিজ্ঞান অন্য জিনিস। সেটা ভৌতিক বিজ্ঞান নয়।”

“ওপর-ওপর বোঝা যায় না হে! তলিয়ে পড়লে দেখবে, ওর মধ্যেই ম্যাক্সটারে ভূতের বৃত্তান্ত গোঁজা আছে।”

“আজ্ঞে সেটাকেই বোধহয় গোঁজামিল বলে।”

“বিজ্ঞানেই তো বাপু পঞ্চভূতের কথা আছে।”

শিবেন বেশ বিনয়ের সঙ্গেই বলল, “তা বটে। তবে সেই ভূত কিন্তু প্রেতাত্মা নয়।”

“মিলেমিশে থাকে হে, টক করে বোঝা যায় না। একটোপ্লাজম কী জিনিস জানো?”

“আজ্ঞে না।”

“ভুক্ত হল ওই জিনিস দিয়ে তৈরি, যক্ষুর ওনেছি, এক চামচ ক্ষিতি, দেড় চামচ অণু, এক চিমটি তেজ, এক খাবলা মরুং, আর খানিকটা বোয়াম মিশিয়ে তার মধ্যে একটু ফসফরাস ঘষে দিলেই একটোপ্লাজম তৈরি।”

শিবেন উঠে হাতজোড় করে বলল, “বড্ড রাত হয়ে যাচ্ছে উদ্ধববাবু, আজ আসি। শরীরটা একটু কাহিল লাগছে।”

“যাবে! জা খিলের ধারের রাস্তায় না গিয়ে বাবুপাড়ার রাস্তা দিয়ে য়েয়ো।”

“যে আছে!” বলে শিবেন বেরিয়ে পড়ল।

সন্দের পর ময়নাগড় ভারী ভয়ের জায়গা, কারণ শীতকালের দিকটায় আশেপাশে চিতাবাঘের খুব উৎপাত। তা ছাড়া উত্তরের জঙ্গলে যেসব ভালুকের কথা শোনা যায়, তারাও বিশেষ ভালমানুষ নয়। বাগে পেলে লম্বা নখ আর দাঁতে ছিন্নভিন্ন করে দেয়। মাঝে মাঝে হাতির পালও বেবোয়। নেকড়ে বাঘ বা বুনো কুকুরের দৌরাছোর কথাও খুব শোনা যায়। কাজেই সন্দের পর ময়নাগড় ভারী শুনশান জায়গা। পথের লোকের চলাচল নেই বললেই হয়। সঙ্গে সওয়া আটটায় যেন নিশুতি রাত নেমে এসেছে।

প্রচণ্ড ঠাণ্ডাতেও শিবেনের মাথাটা আজ গরম। ভূতপ্রতে সে বিশ্বাসী নয় ঠিকই, কিন্তু যে কিনদের আঁচ সে পেয়েছে, তাতেই বুক ধকধক করছে, মনে উদ্বেগ, রাস্তায় পা দিয়ে সে অত্যন্ত চতুবেগে হাঁটছিল। গাঁয়ের হাতুড়ে ডাক্তার নগেন সরখেলের চেয়ারে গাঁয়ের প্রবীণদের একটা সাক্ষা জন্মায়ত হয়। বাঁদুরে টুপি, সোয়েটার, চাদরে জাম্বান হয়ে সব বসে আছে। আর ভিতর থেকে হরগোবিন্দ ঘোষাল মুখ বাড়িয়ে হেঁকে বলল, “কে হে, শিবেন নাকি?”

“যে আছে।”

“দাঁড়াও বাপু, দাঁড়াও। কখন থেকে বাড়ি যাব বলে একজন সঙ্গী বৃদ্ধি তা ওইখানে যাওয়ার কেউ নেই আজ। বড়োমানুষ, তার উপর পাঁচু খবর দিয়ে গেল বাঁশতলার কাছে, রামহরির বাড়ি থেকে তার বাছুরটাকে আজ সন্দেরেলায় চিতাবাঘে নিয়ে গেছে!”

বাধা হয়ে দাঁড়াতে হল শিবেনকে। যদিও মনটা উচাটন, কিন্তু গাঁয়ে থাকতে গেলে সন্দের সঙ্গে সমঝোতা থাকা ভাল।

হরগোবিন্দ ঘোষাল সঙ্গ ধরে বলল, “ওই উদ্ধবের নাতি গোবিন্দর পিছনে বাপু ভূমি বুধাই আবুক্ষয় করছ। গোবিন্দর ঘুম কেউ ভাঙাতে পারবে না। তার চেয়ে ভূমি বরং আমার নাতি বলাইকে পড়াও। গত বার্ষিক পরীক্ষাতেও অল্পের জন্য অন্দের লেটার মার্ক ফসকে গেছে। ভূমি হাতে নিলে একশোতে একশো পাবে।”

“বলাই অঙ্ক কত পেয়েছিল?”

“ওই তো বললুম, লেটার মার্কটা পেয়েও পেল না। সরল অঙ্কটা সব ঠিকঠাক করেও উত্তরের জায়গায় শূন্যের বদলে নাকি এক লিখেছিল। আসলে লিখেছিল শূন্যই, কিন্তু তাড়াহড়ায় কলমের খোঁচা লেগে শূন্যের মাথায় একটা টিকি বসে যায়। তাইতেই দশ-দশটা নম্বর পিছলে গেল। চৌবাচ্চার অঙ্কেও তাই, সব ঠিকঠাক করে শেষ লাইনে কী একটা গণ্ডগোল, গেল দশটা নম্বর। কপালের ফেরে আলজেবরাতেও এক লিখল, মাস্টারমশাই সেটা ওয়াই ভেবে দিলেন ঘাচাং করে নম্বর কেটে। কপালের ফের রে ভাই! জ্যামিতির কথা শুনবে? যতবার ত্রিভুজ আঁকতে যায়, পেনসিলের শিস যায় ভেঙে। ফের পেনসিল কেটে শিস বার করতে করতে ঘণ্টা পড়ে গেল। যাই হোক, লেটার মার্ক ফসকালেও নম্বর খুব একটা খারাপ নয়। আটত্রিশ, একটু খরিয়ে মকশো করে দিলে, ওই আটত্রিশ অষ্টাশি হতে লহমাও লাগবে না।”

“আমি যতদূর জানি, বলাই বার্ষিক পরীক্ষায় অঙ্ক তেইশ পেয়েছিল।”

“আহা, খাতায় কলমে তেইশ হলেও, যে অঙ্কগুলো ঘণ্টা পড়ে যাওয়ায় করতে পারেনি, সেগুলো ধরলে আটত্রিশ কেন, একটু বেশিই দাঁড়ায়। স্কুলের পরীক্ষায় আর ক’টা ছেলের ঠিকঠাক অ্যাসেসমেন্ট হয় বলো!”

“তা অবিশ্যি ঠিক।”

বলে শিবেন ফের দীর্ঘশ্বাস ফেলল।

হরগোবিন্দ ঘোষাল গলাটা একটু নামিয়ে বলল, “বাপু হে, তুমি যে কেন জমিদারবাড়ির খাজাঞ্চিখানায় পড়ে আছ তা বুঝি না। ও হল হানাবাড়ি, আজ বিশ-পঁচিশ বছর হল ও বাড়িতে কেউ থাকে না। শুধু বুড়ো শ্যামাচরণের তিন কুলে কেউ নেই বলে নাচার হয়ে পড়ে আছে। সে অবিশ্যি ওই বাড়িতেই সারাজীবন কাটিয়েছে বলে মায়ার টানও হয়তো একটু আছে। কিন্তু কাজ কি তোমার ওই বুদ্ধিতে বাড়িতে পড়ে থেকে? বরং আমার বাড়িতে চলে এসো। বাইরের বাগানের দিকটায় দুই নাতি কানাই আর বলাইয়ের জন্য পড়ার ঘর করেছি। দিবা বড়সড় ঘর। তার একধারে চৌকি পেতে দিবা থাকবে। দু’বেলা আমাদের সঙ্গেই দু’টি সোফা। কোনও অসুবিধে হবে না। ওই সঙ্গে কানাই, বলাইকে ঘষেমেজে একটু পিচুস করে দাও।”

শিবেন হেসে বলে, “আজ্ঞে, আপনার প্রস্তাব তো খুবই ভাল! তবে কিনা আমার খাজাঞ্চিখানায় থাকতে কোনও অসুবিধে হচ্ছে না। ভূতের ভয় আমার নেই। জায়গাটা নিরিবিলি বলে আমার লেখাপড়ারও একটা সুবিধে হয়।”

হরগোবিন্দ ভারী অবাক হয়ে বলল, “লেখাপড়া? মাস্টার হয়ে আবার লেখাপড়া

কীসের? বলি, লেখাপড়া শেষ করেই তো লোকে মাস্তার হয়! তারপরও কেউ লেখাপড়া করে নাকি? তা হলে আর জীবনে সুখ কী রইল বলো?”

“কেন, লেখাপড়ার মধ্যে কি সুখ নেই?”

“দূর দূর! কী যে বলো ভায়া! লেখাপড়ার মধ্যে আবার সুখের কী দেখলে? শুকনো বই খুলে বসে থাকার কোনও মানে হয়? সময় নষ্ট, আয়ু ক্ষয়, শিরঃপীড়া, চোখে ছানি আসবে, আমার বাড়িতে গেলে দেখবে নাতিউতিদের পড়ার বই ছাড়া বই বলতে আছে শুধু একখানা পঞ্জিকা, একখানা লক্ষ্মী আর একখানা সতানারায়ণের পাঁচালি আর একখানা কাশীদাসী মহাভারত। আর বইপত্রের নামগন্ধও নেই। বই পড়া মানে তো সুস্থ শরীরকে বাস্তব করা ছাড়া কিছু নয়। এই আমাকেই দেখো না কেন, স্কুলের গতিটা ডিঙিয়েই ও পাট চুকিয়ে দিয়েছি। সকালে উঠে একটু হরিনাম নিয়েই গো-সেবার লেগে পড়ি। তারপর চাট্টি মুড়িটুড়ি খেয়ে বাজারে যাই। দুপুরে চাট্টি খেয়েই লম্বা দিবানিদ্রা। বিকেলে একটু বাগানের কাজ, তারপর আড্ডা। এই এখন বাড়িতে ফিরে খেয়েদেয়ে লেপের তলায় ঢুকে যাব। একঘুমের ভোর, দিবা আছি।”

শিবেন মাথা নেড়ে বলে, “তাই বটে, তবে আমার একটু লেখাপড়ার বাই আছে।”

হরগোবিন্দ কৌতূহলী হয়ে বলল, “তা কী বই পড়ো তুমি? নাটক, নভেল, নাকি গুপ্তবিদ্যাটিন্যা কিছু?”

“জান্বে না, আমি হায়ার ম্যাথামেটিক্স আর বিজ্ঞানের বই পড়ি।”

“ওরে বাবা! শুনেছি অঙ্কের বই নিয়ে বেশি ঘাঁটাঘাঁটি করলে হাঁফানি আর প্লেয়ার দোষ হয় আর বিজ্ঞান নিয়ে বেশি ঘাঁটাঘাঁটি করাও নাকি ভাল কথা নয়। ওতে লোকে নাস্তিক হয়। আর তাতে ঠাকুর-দেবতারার ভারী কুপিত হয়ে ওঠেন।”

শিবেন শান্ত গলায় বলে, “বইটাই না পড়লে জ্ঞান হবে কী করে? জ্ঞানই তো মানুষের মস্ত সম্পদ।”

ঘোষাল একটু ভাবিত হয়ে বলল, “সেকথাও মিথ্যে নয়। জ্ঞান খুব দামি জিনিসই হবে। তবে কী জানো বাপু, বেশি জ্ঞানই কি ভাল? এই যে আমাদের মশখবাবু বিদ্যো একেবারে গুলে খেয়ে বসে আছেন। তা তাঁর কি তাতে ক্ষতি আছে? পেটে বিদ্যো আছে বলে রাজ্যের লোক তাঁর কাছে দরখাস্ত লেখাও আসে। নানা জটিল জিনিস সরল করে বুঝতে হাজির হয়। একদিন তো শুনলুম, কোথাকার একটা উটকো লোক এসে তেঁতুলখিচিকে কেন কাঁইবিচি বলা হয় তেঁতুলই নিয়ে সকাল থেকে দুপুর অবধি ভর্ক করে গেল।”

শিবেন হতাশ হয়ে বলল, “আপনি দেখছি লেখাপড়া বিশেষ পছন্দ করেন না! তা

হলে আর নাভিকে বিদ্বান করতে চাইছেন কেন?”

হরগোবিন্দ বলল, “আহা, বিদে কি আর খারাপ জিনিস? তা তো আর বলিনি হে বাপু। বলছি কোনও জিনিসের বাড়াবাড়ি কি ভাল? পড়ার ব্যয়সে না হয় একটু পড়লে-টড়লে, কিন্তু তারপর পাশটাস করে চাকরিতে ঢুকে গেলে আর ওসবের দরকারটা কী? তা, সে কথা থাক। তুমি তা হলে ওই খাজাঞ্চিখানাতেই থাকবে বলে মনস্থ করেছ তো!”

“আজ্ঞে হ্যাঁ, জায়গাটা ভারী ভাল। যেমন বড় ঘর, তেমনই ভারী নিরিবিলা।”

“তা বটে, তবে কিনা ওই খাজাঞ্চিখানাতেই নগেন পোন্দার গলায় ফাঁস দিয়ে মরেছিল।”

“নগেন পোন্দার কে বলুন তো?”

“সে অবশ্য চল্লিশ বছর আগেকার কথা। খাজাঞ্চিখানায় খাতা লিখত নগেন পোন্দার। জমিদার প্রসন্ন রায়ের আমল। নগেন পোন্দারের মতো অমন হাড়কেয়ল লোক আর ভূভারতে নেই। চেহারাখানাও হাড়গিলে শকুনের মতো। সর্বদা চারিদিকে শোনদৃষ্টি। এক পয়সা ফাদার-মাদার। কোথাও কাঙালিতোজন হচ্ছে খবর পেলেই সেখানে গিয়ে পেটপুরে খেয়ে আসত। খেয়ে না-খেয়ে এক কলসি টাকা জমিয়েছিল। একদিন সেই টাকা কলসি সমেত চুরি যায়। টাকার শোকে নগেন প্রথমে পাগল হয়ে গেল, তারপর পাথর। চূপচাপ বসে বিড়বিড় করত। তারপর এক রাতে ফাঁসিতে ঝুলে পড়ল। তার প্রেতাছা সেই টাকার কলসি খুঁজে বেড়াত, অনেকেই দেখেছে। তাই বলছিলাম, ভায়া, খাজাঞ্চিখানা জায়গাটা এমনিতে মন্দ নয় বটে, তবে কিনা—”

“আমি তো বলেইছি, আমার ভূতপ্রেতে বিশ্বাস নেই, ভয়ও নেই।”

“তারপর ধরো, শীতকালটা খারাপ কিছু নয়। কিন্তু গরম পড়লেই দেখবে, আনাচকানাচ থেকে বিষধর সব চক্করওয়াল লতানে জিনিস বেরিয়ে আসবে। গোস্বামী, চন্দ্রবোড়া, কালাচ, কেউটে, কী নেই সেখানে। চারধারে কিলবিল করে বেড়াবে।”

“কই, আমি তো তেমন সাপখোপ দেখতে পাইনি কখনও।”

“আহা, তার কি আর সময় গেছে! গতবার দেখোনি তো কী হল! এবারেই হয়তো দেখবে। তাই বলছিলাম, কাজ কী তোমার ওই বিপদের মুখো থেকে?”

শিবেন হেসে বলল, “বিপদ ঘটলে তখন দেখা যাবে।”

হরগোবিন্দ ঘোষাল নিজের বাড়ির মোড়টায় এসে বলল, “চলি হে ভায়া, যা বললুম একটু ভেবে দেখো, আখেরে তোমার লাভই হবে।”

শিবেন জবাব না দিয়ে হাঁটা ধরল।



জমিদার বাড়িটা বিশাল বাগান দিয়ে ঘেরা। বাগানের পাঁচিল অনেক জায়গায় ভেঙে পড়েছে। বাগানে আগাছাও বিস্তর।

ফটক থেকে অনেকটা ভিতর দিকে, অন্ধকারে পুরোনো বাড়িটা দাঁড়িয়ে আছে। প্রাসাদ না হলেও বাড়িখানা পেল্লার বড়। এখন আর কেউ এখানে থাকে না। বৃড়ো শ্যামাচরণই একমাত্র পড়ে আছে, যাওয়ার জায়গা নেই বলে।

ফটক দিয়ে ভিতরে ঢুকে বাঁ-ধারে পুকুরের পূর্ব ধারে বারাকের মতো একটা লম্বা দালানই হচ্ছে খাজাখিানা। শিবেন টর্চ ছেলে দেখল, তার ঘরের সামনে বারান্দায় শ্যামাচরণ একখানা চাদরে খুড়িসুড়ি দিয়ে বসে আছে।

“এ কী শ্যামাদা, তুমি এখানে বসে আছ যে!”

“আর বোলো না, ভোমার ঘরে যে আজ সন্ধ্যেরাতে চোর ঢুকেছিল!”

শিবেন চমকে উঠে বলল, “চোর! বোলো কী!”

“রোজ সন্ধ্যাবেলা আমি একটা হরিণাম স্তনতে বিক্রমশিরে যাই, সবাই জানে। আজ একটা শরীবটা রসস্ব হওয়ার যাওয়া হয়ে ওঠেনি। ঠাকুরদালানে পিদিম ছেলে দিয়ে ঘরে ফেরার সময় হঠাৎ দেখি দু’-দুটো লোক তোমার ঘরের দরজার তালা খোলার চেষ্টা করছে। হাঁক করতেই অবশ্য দুন্দাড় করে পালিয়ে গেল। কিন্তু লক্ষণটা ভাল ঠেকল না। ময়নাগড়ের সব চোর আমার চেনা। আবছা অন্ধকারে দেখা বটে, কিন্তু এরা এখানকার লোক নয়। এ তল্লাটের চোর এ বাড়িতে হানা দেবে না। বলি, দামি জিনিস-টিনিস কিছু রেখেছ নাকি ঘরে?”

শিবেন আমতা-আমতা করে বলে, “না, না, দামি জিনিস আর কী থাকবে আমার ঘরে! শুধু বইপত্র আর খাতা-কলম।”

“ভালটা চোরেরা খুলে ফেলেছে, তবে ঘরে ঢুকেছে বলে মনে হয় না। আমি সেই থেকে বসে তোমার ঘর পাহারা দিচ্ছি। আগে ঘরে ঢুকে হ্যারিকেনটা ছেলে দেখে তো কিছু খোঁজা গেছে কি না।”

শিবেন দরজার তালাটা পরীক্ষা করে দেখল, সেটা কেউ হ্যাক স’ দিয়ে কেটে ফেলেছে। মুখটা শুকিয়ে গেল তার। ঘরে ঢুকে কাঁপা হাতে হ্যারিকেনটা ছেলে দেখল, ঘরের জিনিস সব ঠিকঠাকই আছে।

শ্যামাচরণ পিছু-পিছু ঘরে ঢুকে বলল, “ভাল করে দেখেছ?”

“কিছু চুরি হয়নি বলেই মনে হচ্ছে।”

“বিপদ কী জানো, সন্ধ্যাবেলাটার তুমি পড়তে যাও, আমি যাই হরিকীর্তনে। বাড়িটা ফাঁকা থাকে। চোর যদি আবার আসে তবে ঠেকাবে কে?”

শিবেন বিপন্ন মনায় বলে, “তাই তো ভাবছি।”

“তুমি মাস্টার মানুষ, ছেলে পড়িয়ে খাও, শেঠিয়া লোক তো নও। তবে তোমার উপর চোরের নজর পড়ল কেন বলো তো! রাত-বিরেতে যদি দলবল জুটিয়ে আসে তখন তো আরও বিপদ। আমি বৃদ্ধো মানুষ, আর তুমি জোয়ান হলেও পালোয়ান তো নও। ঠেকাবে কী করে?”

শিবেন দুশ্চিন্তায় পড়ে বলল, “হঁ।”

শ্যামাচরণ দুঃখের গলায় বলল, “ময়নাগড় বড় শক্তির জায়গা ছিল হে। কিন্তু দিনগুলো পালটে যাচ্ছে।”

“লোক দুটো দেখতে কেমন বলতে পারো?”

“অন্ধকারে কী করে বুঝব? দুটো কালো কালো মানুষের আকার দেখেছি। তার বেশি কিছু বলতে পারব না।”

“আচ্ছা শ্যামাদা, রাজবাড়িতে গুপ্তকুঠির কিছু আছে?”

শ্যামাচরণ সন্দেহান হয়ে বলল, “কেন বলো তো!”

“ভাবছিলাম কিছু কাগজপত্র যদি লুকিয়ে রাখা যায়।”

শ্যামাচরণ অবাক হয়ে বলে, “শোনো কথা! বলি কাগজপত্র কি লুকোনোর জিনিস? চোর কি কাগজপত্র চুরি করতে আসবে? বলি, সোনাদানা কিছু আছে?”

শিবেন মিনমিন করে বলে, “না, সোনাদানা কোথা থেকে আসবে?”

“ভাল করে ভেবে দেখো দিকিনি। চোরে কি এমনি হানা দেয়? কিছু একটা গন্ধ পেয়েই এসেছিল। সমস্ত বছর আগে এ বাড়িতে একবার ডাকাত পড়েছিল, মনে আছে। তখন আমি ছোট। জমিদারের পাইকরা খুব লড়েছিল ডাকাতের সঙ্গে। তবে যে-সে ডাকাত তো নয়, কোনো ডাকাত বলে কথা! পাইকরা তাদের লাঠি সড়কির সামনে দাঁড়াতে পারল না। সব লুটেপুটে নিয়ে গেল। তারপর থেকে আজ অবধি আর এ বাড়িতে চোর-ডাকাত আসেনি। আর আসবেই বা কেন! বাবুদের অবস্থা পড়ে গেল। তারপর তো সব যে যার পাততাড়ি গুটিয়ে ফেলল। থাকার মধ্যে এই আমি পড়ে আছি। যে বাড়ির এত জাঁকজমক ছিল, তাতে এখন হাঁদুর, বাদুড়, চাষিকিকে ঘুরে বেড়াচ্ছে। পড়ে আছে শুধু কয়েকখানা ভাঙা খাট-পালঙ্ক। তা এত বছর বাদে ফের চোরের আনাগোনা কেন শুরু হল সেটা ভাববার কথা।”

শিবেন বিনয়ের সঙ্গেই বলল, “চোরের নেওয়ার মধ্যে তো কিছু নেই শ্যামাদা। তবে টাকাপয়সা বা সোনাদানা না থাকলেও আমার কিছু রিসার্চ-ওয়ার্ক আছে। সেগুলো বেহাত হলে আমার ক্ষতি।”

“দূর! দূর! তুমিও যেমন। কাগজপত্র নিয়ে আসবে কোন আহাম্মক? তুমি নিশ্চিতে থাকো।”

শ্যামাচরণ কথাটা উড়িয়ে দিলেও শিবেনের দৃষ্টিস্তা গেল না। আসল কথা হল, কলেজে পড়ার সময় থেকেই ভজ্জহরি নামে একটা ছেলের সঙ্গে তার রেখারেশি। ভজ্জহরি যেমন শিবেনকে দেখতে পারে না, শিবেনও তেমনি ভজ্জহরিকে। ভজ্জহরি আড়ালে সবাইকে বলে বেড়ায়, “শিবেন! ও তো টুকে পাশ করেছে।” অথচ শিবেন ভালই জানে, টুকে পাশ করেছে ভজ্জহরিই, এবং টুকোছে শিবেনেরই খাতা থেকে। যাই হোক, রেখারেশি করেই তারা এম এসসি অবধি পাশ করেছে। দু’জনেই ডক্টরেটের জন্য রিসার্চ করেছে। কে কার আগে থিসিস জমা দেবে তাই নিয়ে চলছে মর্মান্দার লড়াই এবং স্নায়ুযুদ্ধ। বাইরের লোক বুঝতেও পারবে না, এটা কী সাংঘাতিক প্রেসিডেন্সের ব্যাপার। শিবেনের ঘোর সন্দেহ, ভজ্জহরি যেনতেন প্রকারে তার রিসার্চ ভুল করার চেষ্টা করবে। শিবেন যে ভজ্জহরিকে ভয় পায় তার কারণ হল, ভজ্জহরি অনেক তুচ্ছতাক জানে। কলেজে পড়ার সময়ই সে বেশ নামকরা একজন ম্যাজিশিয়ান ছিল। তা ছাড়া কুংফু, কারাটে এসবও শিখেছিল। কাজেই ময়নাগড়ে যে রহস্যময় আগন্তকের কথা শোনা যাচ্ছে, তা যে ভজ্জহরিই, তাতে সন্দেহ নেই। ভজ্জহরি ছাড়া আর কে শিবেনের ঘরে হানা দেবে?

দৃষ্টিস্তায় শিবেনের গলা শুকিয়ে যাচ্ছে। তার রিসার্চের কাজ প্রায় শেষ। জমা দিলেই ডক্টরেট। কিন্তু তীরে এসে তরী না ডোবে! ভজ্জহরির ভয়েই সে ময়নাগড়ের মতো অজ্ঞাত পাড়ারগায়ে পালিয়ে এসেছিল। কিন্তু দুর্দম, ডাকাবুকো ভজ্জহরিকে ঠেকাতে পারল কি?

রাতে বারোখানা রুটি খায় শিবেন। আজ উন্নয়নে উৎকণ্ঠায় ছ’খানার বেশি পারল না। রোজ বালিশে মাথা রাখতে না-রাখতেই গভীর ঘুমে তলিয়ে যায়। আজ ঘুম তার ধারেকাছেই ঘেঁষল না। শেয়ালের ডাক, প্যাঁচার রহস্যময় কণ্ঠস্বর, গাছের ডালে বাতাসের খটখট শব্দ, কুকুরের চিংকার, যা শুনেছে তাইতেই বারবার চমকে চমকে উঠছে সে। কেবলই ধুকধুক করছে বুক, ওই বুকি ভজ্জহরি এল! আর এলেও কি তাকে চিনতে পারবে শিবেন? ভজ্জহরি বরাবর স্থূল আর কলেজের স্পোর্টসে গৌ আর্জ ইউ লাইক-এ ফার্স্ট প্রাইজ পেয়ে এসেছে। ছদ্মবেশ পরতে অমন সিদ্ধহস্ত মানুষ আর আছে কি না সন্দেহ। স্থূলে তাদের হেডমাস্টার ছিলেন উপেনবাবু, সাংঘাতিক রাশভারী আর রাগী লোক। তা সেবার হল কী, স্পোর্টসের শেষে যখন গৌ আর্জ ইউ লাইক হচ্ছে তখন ভারী একটা শোরগোল উঠল। দেখা গেল, আরও একজন উপেনবাবু আসরে টুকে পড়ে বেত হাতে ছদ্মবেশের সামলাচ্ছেন। সবাই হতভম্ব, ভাবাচ্যাকা, কিংকর্তব্যবিমূঢ়। সেক্রেটারি ভারী অধাক হয়ে বললেন, “উপেনবাবু, আপনার কি যমজ তাই আছে?”

উপেনবাবু হাঁ হয়ে গিয়েছিলেন। বললেন, “না তো!”

সেক্রেটারি অবিশ্বাসের গলায় বললেন, “তা কী করে হয়? একইরকম হাইট, এক মুখ, এক চোখ, এক মাঝখানে সিঁথি, এমনকী দুর্লভ চালের হাঁটা অবধি। ভাল করে ভেবে দেখুন, আপনার কোনও যমজ ভাই জন্মের পর মিসিং হয়েছিল কি না। এরকম তো কতই হয়।”

উপেনবাবু এতটাই ঘাবড়ে গিয়েছিলেন যে, কথাই বলতে পারছিলেন না। যাই হোক, শেষ অবধি পশুতমশাই দ্বিতীয় উপেনের বাঁ হাতের কবজির কাটা দাগটা দেখে চিনতে পেরে বলে উঠলেন, “এ যে বদমাশ ভক্তহরি!”

তখন হেডস্যার ভক্তহরির আশ্পন্দা দেখে তেড়ে গিয়ে এই মারেন কি সেই মারেন। তবে শেষ অবধি আশ্চর্য ছদ্মবেশের জন্য ভক্তহরি বিপুল প্রশংসা আর প্রাইজ পেয়েছিল। পরের বছর ভক্তহরি আরও সাংঘাতিক কাণ্ড করল। গো অ্যাজ ইউ লাইক যখন চলছে, তখন মাঠের মধ্যে একটি গোরু ঢুকে শাস্তভাবে ঘাস খেয়ে যাচ্ছিল, কোনওদিকে ফ্রেন্সেপ নেই। যখন হেডস্যার রেজাল্ট ঘোষণা করতে উঠেছেন, তখন গোরুটা ভিড় ঠেলে এগিয়ে এসে পরিষ্কার মানুষের গলায় বলল, “দাঁড়ান স্যার, দাঁড়ান। আরও একজন কম্পিটিটার আছে যে!” সবাই হতভম্ব। মানুষ যে নিখুঁত গোরু সাজতে পারে, এ যে সুদূর কল্পনাতেও আসে না। ফের প্রাইজ আর ভূয়সী প্রশংসা।

শিবেনর ভাই ঘুম আসছে না। কারণ ভক্তহরি যে কোন রূপে দেখা দেবে তা কে জানে! এই শেয়ালটা হয়তো শেয়াল নয়, ভক্তহরি। ওই প্যাঁচাও হয়তো প্যাঁচা নয়, ভক্তহরি। যে বালিশে সে মাথা রেখে শুয়ে আছে, সেটাই যে ভক্তহরি নয় তার ঠিক কী?

নাঃ, আর শুয়ে থাকতে পারল না শিবেন। উঠে পড়ল। বালিশের পাশেই ফাইলবন্দি আর থিসিস। এটা খুব গুপ্ত জায়গায় লুকিয়ে না রাখলে ভক্তহরি এসে গাপ করবে বলেই তার স্থির বিশ্বাস।

গায়ে একটা আলোয়ান জড়িয়ে থিসিস বগলে নিয়ে সম্ভূর্ণাঘে ঘর থেকে বেরোল শিবেন। রাজবাড়ি তার চেনা এলাকা। সঙ্গে টেঁচ থাকলেও সেটা জ্বালাল না। খুব নিঃশব্দে সে গাছপালার ভিতর দিয়ে আত্মগোপন করে রাজবাড়ির দিকে এগোতে লাগল।

আকাশে ক্ষয়্যাটে একটু ঠান্ডা আছে বটে কিন্তু কুয়াশার জন্য আলোটা বড়ই ঘোলাটে। তবে শিবেনের অসুবিধে নেই। রাজবাড়ির চৌহদ্দি তার চেনা জায়গা। সে গাছপালার ভিতর দিয়ে সাবধানে এগোচ্ছিল। বুকটা বড় ধুকধুক করছে। রাজবাড়ির

ভিতরে মেলা পুরনো আসবাবপত্র, আলমারি, দেয়াল, কুলুঙ্গি রয়েছে। গুপ্তকুঠরি যদি না-ও পাওয়া যায়, তা হলে অন্তত লুকিয়ে রাখার মতো একটা জায়গা বুজে পাওয়া যাবেই।

বেশ এগোচ্ছিল শিবেন, কোথাও সন্বেহজনক কিছু দেখাও যাচ্ছে না। কিন্তু হঠাৎ কে যেন তার আলোয়ান ধরে একটা হ্যাচকা টান মারল। শিবেন সঙ্গে সঙ্গে ফাইলখানা চেপে ধরে ককিয়ে উঠল, “না ভাই ভক্তহরি, এইরকম করাটা তোমার ঠিক হচ্ছে না। এ আমার অনেক পরিশ্রমের ফসল...!” বলে একটু বেকুব বনে গেল শিবেন। ভক্তহরি নয়, একটা গাছের ডালে তার চাদরটা আটকে গেছে। তবে গাছকেই বা বিশ্বাস কী? ওটাই যে ভক্তহরি নয় তাই বা কে জোর দিয়ে বলতে পারে?

চাদরটা ছাড়িয়ে নিয়ে শিবেন ফের এগোল। গাছপালার সারি যেখানে শেষ হয়েছে, সেখান থেকে রাজবাড়ি অবধি খানিকটা ফাঁকা জায়গা। শিবেন এদিক ওদিক দেখে নিয়ে আড়াল ছেড়ে বেরিয়ে দ্রুত পায়ে জায়গাটা পেরোতে যাচ্ছিল, ঠিক ওই সময় বাদিক থেকে কে যেন প্রায় নিঃশব্দে বিদ্যুতের গতিতে ছুটে এসে তার উপর লাঞ্ছিত পড়ল। শিবেন আশ্চর্যের কোনও সূযোগই পেল না। “বাপ রে!” বলে চিংপাত হয়ে পড়ে গেল মাটিতে। কী হয়েছে তা বিভ্রান্ত মাথায় বুঝতেই পারল না সে। কয়েক সেকেন্ড বাদে সম্বিং ফিরে গেয়ে সে দেখল তার বুকের উপর দুটো ভারী ধাৰা রেখে বিরাট একটা কেঁদোবাঘ তার মুখের উপর শ্বাস ফেলছে, আর জ্বলজ্বলে চোখে দেখছে তাকে।

শিবেন অত্যন্ত ব্যথিত গলায় বলল, “ভক্তহরি, এ তোমার কেমন ব্যবহার ভাই? এভাবে লোককে হেনস্থা করা কি তোমার ঠিক হচ্ছে? যতই শক্ততা থাক, আমরা তো ছেলেবেলায় বন্ধুই ছিলাম, সেকথা কি ভুলে গেলে? সম্মানে তোমার কোনও কৃতি করেছি, বলো! ঠ্যা, তোমার রবার লাগানো হলুদ পেনসিলটা চুরি করেছিলাম বটে, তবে সেটা করেছি তুমি আমার কাছ থেকে জোর করে ‘যথেষ্ট ধর্ম’ কইটা কেড়ে নিয়েছিলে বলে। ক্লাস সিন্ডে তোমাকে একটা চিমাটি দিয়েছিলাম, কারণ, ক্লাস কাইন্তে তুমি আমাকে খেলার মাঠে ঘুসি মেরেছিলে। যাই হোক ভাই, পুরোনো শক্ততা ভুলে যাও। বাঘের ছদ্মবেশে এসেছ বলে যে তোমাকে চিনতে পারব না, আমাকে তেমন বোকম পাওনি। খিসিসটা কেড়ে নিয়েছিলে ভাই, আমার রক্ত-জল করা কাজ...।”

বাঘটা বেশ মন দিয়েই তার কথা শুনছে বলে শিবেনের মনে হল। তার কাকুতি-মিনতিতে কাজও শুরু হল। বাঘ ওরফে ভক্তহরি লম্বা লকলকে জিভটা দিয়ে ঠোঁট দুটো একবার ডাল করে চেটে নিয়ে চারদিকে একবার অলস চোখে তাকাল। তারপর

প্রকাণ্ড একটা হাই তুলে ধীরেসুস্থে শিবেনের বুক থেকে পা দুটো নামিয়ে দুলাক চালে ডান ধারে চলে গেল।

শিবেনেরও হঠাৎ যেন সন্দেহ হচ্ছিল, বাঘটা নির্যস বাঘই, ভক্তহরি নয়। ভক্তহরি হলে বিপদ ছিল। শিবেন একটা স্বস্তির শ্বাস ফেলে উঠে পড়ল।

রাজবাড়ীটাকে শ্যামাচরণ বুকে আগলে রাখে। কুটোগাছিও নড়চড় হওয়ার উপায় নেই। প্রতি সপ্তাহে সে ঘরদোর পরিষ্কার করে, জিনিসপত্র যা আছে, সব যত্ন করে সাজিয়ে রাখে। সব জানলা-দরজার পাল্লা সেঁটে বন্ধ করে দিয়ে সদর দরজায় সেকেলে মজবুত বিরাট তালা কুলিয়ে দেয়। আপাতদৃষ্টিতে রাজবাড়ীকে দুর্ভেদ্য মনে হলেও, শিবেন জানে, পিছন দিকে কর্তাদের তামাক সাজবার জন্য হাঁকোবরদারের একখানা ঘর আছে। সেই ঘরে জানলার একটা পাল্লার কবজা ভাঙা। সেটা ঠেকনা দিয়ে লাগানো থাকে। যে খবর রাখে তার পক্ষে সেই জানলার পাল্লা সরিয়ে ভিতরে ঢোকা শক্ত ব্যাপার নয়।

কাজটা শিবেনের পক্ষেও শক্ত হল না। জানলার পাল্লা সরিয়ে সে চৌকাঠে ঘোড়ায় চাপার মতো করে উঠে পড়ল। তারপর পাল্লাটা ফের জায়গামতো বসিয়ে অঙ্ককার ঘরটা পেরিয়ে অপেক্ষাকৃত একটা বড় ঘরে ঢুকে পড়ল। এটা ছিল কর্তাদের খাসচাকরের ঘর। অঙ্ককারে শিবেনকে আন্দাজ করে এগোতে হচ্ছে। বাইরে যা-ও একটু আলো ছিল, ঘরে একেবারে যুরঘুটি অন্ধকার। তার পকেটে একটা খুদে টর্চ আছে বটে, কিন্তু তার ব্যাটারি ফুরিয়ে এসেছে। নিতান্ত বিশেষ প্রয়োজনেই সেটা জ্বালাতে হবে।

সামনে দরবারঘরের আগে রানি-দরবার। এ ঘর থেকে রানিমা এবং রাজবাড়ির অন্যান্য বউ-বি'রা দরবারের কাজকর্ম দেখত চিকের ঝাঁক দিয়ে। এখনও কিছু ছেঁড়া চিক ঝুলে আছে।

শিবেন দরবারঘরে পা দিতেই সামনের অঙ্ককার থেকে কে যেন বেশ আহ্বানের গলায় বলে উঠল, "শিবেন যে!"

শিবেনের হৃৎপিণ্ডটা একখানা বড় লাফ মেরেই বন্ধ হয়ে যাচ্ছিল। শিবেন শক্ত হয়ে, ঠান্ডা হয়ে, কাঠ হয়ে দাঁড়িয়ে রইল।

গলাটা ফের আহ্বানের সঙ্গে বলে উঠল, "আহা, ভয় পেয়ে গেলে নাকি হে শিবেন?"

শিবেন কাঁদো-কাঁদো হয়ে বলে উঠল, "এটা কি ভয় হচ্ছে ভক্তহরি?"

গলাটা একটু যেন বিস্মিত হয়ে বলল, "ভক্তহরি! আহা বেশ, তাই সই! না হয় ভক্তহরিই হল্যাম। কিন্তু তাতে ভয়ের কি আছে হে শিবেন? ভক্তহরি কি তোমাকে কামড়ে দেবে?"

“না ভক্তহরি, তুমি আঁচড়ে দাও, কামড়ে দাও, তাতে দুঃখ নেই। কিন্তু তুমি তো আর সেইজন্য আসেনি। তুমি এসেছ আমার চার বছরের হাড়ভাঙা খাটুনিটা নষ্ট করে দিতে। তোমার অনেক গুণ ভক্তহরি, তা বলে আমার সঙ্গে এই শক্রতা করাটা কি তোমার ঠিক হচ্ছে?”

“তাই তো হে শিবেন, এ কথাটা তো ভেবে দেখতে হবে।”

“তাই তো বলছি ভক্তহরি, একটু তপিয়ে ভেবে দেখো! তোমার ভয়ে আমি এই ধাধাধাড়া ময়নাগড়ে চাকরি নিয়ে পালিয়ে এসেছি, তবু তুমি আমার পিছু ছাড়োনি! পারে পড়ি ভাই, আমার আর যা ক্ষতি করো কিছু মনে করব না। কিন্তু আমার এই সাধনা, এই অধ্যবসায়কে নষ্ট করে দিয়ে না।”

“আহা তোমার কথা শুনে যে আমারই কান্না পাচ্ছে হে শিবেন! কিন্তু আমি তো তোমার উপকার করতেই এসেছি। তা তোমার বগলে গুটা কী বস্তু বলো তো!”

শিবেন তার খিসিসের ফাইলটা আরও শক্ত করে আঁকড়ে ধরে বলল, “না, না ভক্তহরি, এটার দিকে নজর দিচ্ছে না। আমি কিন্তু কিছুতেই এটা তোমাকে কেড়ে নিতে দেব না! দরকার হলে রক্তগঙ্গা বইয়ে দেব, চৌচিয়ে লোক জড়ো করব, চারদিকে আগুন জ্বালিয়ে দেব, গুলি চালাব, বিপ্লব করব...”

গলাটা খুবই সমবেদনার সঙ্গে বলল, “আহা, প্রথমেই অতটা করার দরকার কী শিবেন? সব কি একসঙ্গে পেরে উঠবে হে? বলি, রক্তগঙ্গা যে বওয়াবে তা অত রক্ত পাবে কোথায়? আমি নিতান্ত রোগাভোগা মানুষ! আমার শরীরে তিন-চার ছটাকের বেশি রক্তই নেই। চৌচিয়ে যে লোক জড়ো করবে, তা লোকই বা আসবে কোথেকে? ধারেকাছে তো একমাত্র বুড়ো, গুটিকো শ্যামাচরণ ছাড়া জনমনিষাই নেই। আর আগুন যে জ্বালাবে, তোমার পকেটে তো দেশলাইও নেই হে! গুলি চালানোর কথা ভাবছ, বেশ ভাল কথা! কিন্তু বন্দুক, পিস্তল কি আর ভাল জিনিস হে! বেমত্কা কেটেফুটে দিয়ে বিপত্তি বাঘিয়ে বসবে। জোগাড় করাও ভারী শক্ত। এই ফে...  
না, আমার পকেটে একখানা আছে! নেহাত মেহনত করে জোগাড় করতে হয়েছে তোমার, এক কাঁড়ি টাকা দণ্ড দিয়ে।”

কীপা গলায় শিবেন বলে, “তোমার পিস্তল আছে ভক্তহরি, ছিঃ ভাই, ছিঃ, বন্ধ হয়ে তুমি বন্ধুর কাছে পিস্তল নিয়ে এসেছ! শেষ অবধি তোমার হাতেই আমাকে গ্রাণ দিতে হবে নাকি? তা না হয় দিলুম, কিন্তু তোমার যে খুব পাপ হয়ে যাবে ভক্তহরি!”

একটা দীর্ঘশ্বাস ফেলে কণ্ঠস্বরটি বলল, “মোটাই তো চিন্তার কথা হে শিবেন। পাপ জিনিসটাকে আমি বড় ভয় পাই। পাপটাশ... করতে আমার মোটেই ইচ্ছে হয় না। ভাই

তো আমি লোককে বলি, যা করো তা করো ভাই, কিন্তু আমাকে দিয়ে কোনও পাপ কাজ করিয়ে না। তবে তুমি যেন বিপ্লবের কথাও বলছিলে।”

“হ্যাঁ ভাই ভজ্জহরি, আমি বিপ্লবের কথাও বলেছি। ঘাট হয়েছে ভাই, রাগের বশে বলে ফেলেছি, মাপ করে দাও।”

“তা নয় করছি। কিন্তু তা বলে বিপ্লব তেমন খারাপ জিনিস নয়। বিপ্লবটিপ্পব করলে বেশ গা গরম হয় শুনেছি। তবে বস্তুটা কী, তা আমি অবশ্য জানি না।”

“আমিও জানি না ভজ্জহরি। ওসব কথা মনে করে কষ্ট পেয়ে না। তুমি তো জানোই ভাই, তোমার মতো ক্ষমতা আমার নেই। তোমার গায়ের জোর বেশি, অনেক কায়দাকানুন জানো। ছদ্মবেশ ধরতে পারো। তার উপর তোমার পকেটে পিস্তল আছে। তোমার সঙ্গে কি আমি এঁটে উঠব ভাই! দোহাই তোমার, এই অবস্থায় বন্ধুর কাছ থেকে তার শেষ সম্বল এই থিসিসটা কেড়ে নিয়ো না।”

“আহা উদ্ভেজিত হচ্ছ কেন শিবেন? একটু তাবতে দাও, তোমার কথা শুনে তোমার জন্য আমার বেশ মায়া হচ্ছে। ওরে বাপু, আমি তো আর পাষও নই।”

“সেটা আমিও জানি ভজ্জহরি। তুমি বেশ ভাল লোক। তাই বলছি, এমন কাজ করো না। করলে তোমাকে লোকে খারাপ বলবে। আর লোকে তোমাকে খারাপ বললে, আমি যে মনে বড় ব্যথা পাব ভাই।”

“আহা, তোমার কথা শুনে প্রাণ জুড়িয়ে যায় হে শিবেন। তা হলে থিসিসটা তুমি হাতছাড়া করতে চাও না, এই তো?”

“হ্যাঁ ভজ্জহরি।”

“তা হলে যে আমার একটু উপকার করতে হবে শিবেন?”

“কী উপকার ভজ্জহরি? দরকার হলে আমি তোমার পা টিপে দিতে পারি, মাথার উকুন বেছে দিতে পারি, কুয়ো থেকে তোমার স্নানের জল তুলে দিতে পারি, তোমার এঁটো বাসন মাজতে পারি, পঞ্চাশ টাকা ধার দিতে পারি।”

“অতটা না করলেও চলবে শিবেন। আপাতত তুমি একটা সহজ কাজই বরং করো।”

“কী করতে হবে ভজ্জহরি?”

“এই রাজবাড়িতে পানিঘর বলে একটা ঘর আছে, জানো?”

“না তো!”

“আছে। মাটির নীচে একটা অন্ধকার ঠান্ডামতো ঘর। যেখানে মস্ত বড় বড় জালায় গরমকালে রাজবাড়ির লোকেদের জন্য খাবার জল রাখা হত। আমি অনেক খুঁজেও ঘরটার সন্ধান পাচ্ছি না। তোমাকে সেই ঘরটা খুঁজে বের করে দিতে হবে।”



“কেন ভক্তহরি, তোমার কি খুব তেঁটা পেয়েছে ভাই? যদি পেয়ে থাকে তো বলো, আমি তোমাকে জল এনে দিচ্ছি। টাটকা জল ছেড়ে পানিঘরের পুরনো পচা জল খাওয়ার দরকার কী তোমার? শেষে পেট-টেট খারাপ করবে! এই শীতে কি বেশি ঠান্ডা খাওয়া ভাল?”

“কথাটা মন্দ বলোনি শিবেন! খুব যুক্তিযুক্ত কথাই। তবে আমার তেঁটাটাও খুব বেয়াম্ব তেঁটা। সাধারণ জলে ও তেঁটা মেটার নয়। পানিঘরের পুরনো জলের সজ্জানেই আসা কিনা। ঘরটার সজ্জান যে আমার চাই।”

শিবেন মিইয়ে গিয়ে বলল, “রাজবাড়ির ভিতরকার সুলুকসজ্জান যে আমি জানি না ভক্তহরি, জানে শ্যামাল। কিন্তু সে বড় ভেরিয়া লোক। রাজবাড়ির ভিতরকার খবর তার কাছ থেকে বের করা খুব শক্ত। বাড়িখানা সে যমের মতো আগলে রাখে। আমাকে অবধি ঢুকতে দেখ না।”

“তা হলে তো বড় মুশকিল হল শিবেন। পানিঘরের সজ্জান না পেলে যে অনিশ্চয়ের সঙ্গেই তোমার খিসিসটা আমাকে কেড়ে নিতে হবে।”

ঊত্থকে উঠে শিবেন বলে, “না, ভাই না। কী করতে হবে বলো, করছি।”

“শোনো শিবেন, গোকুর বাঁটে যে দুধ থাকে তা কি সে এমনিতে দেয়? গোকুর বাঁটের নীচে বালতি পেতে রাখো, সাধাসাধনা করো, দুধ দেওয়ার পাত্রীই সে নয়। কিন্তু বাঁট ধরে চাপ দাও, দেখবে দুধের বন্যা বয়ে যাবে। এই যে সবাই জানে, ধানের ভিতরে চাল থাকে, কিন্তু ধান কি চালকে ছাড়তে চায় সহজে? টেকিতে ফেলে ধানের উপর চাপ সৃষ্টি করো, দেখবে, কেমন হাসতে হাসতে চাল বেরিয়ে পড়েছে। এই ধরো না কেন, টিউবের মধ্যে টুথপেস্ট থাকে, এমনিতে বেরোয় কি? টিউবের ঘাড় ধরে চেপে দাও, দেখবে, সড়াক করে পেস্ট বেরিয়ে পড়বে।”

শিবেন একমত হয়ে বলল, “সে তো ঠিক কথাই হে ভক্তহরি। চারদিকে তো চাপেরই জরাজয়কার দেখছি। গরম ইস্তিরি দিয়ে চেপে ধরলে কোঁচকানো কাপড় যেমন সটান হয়ে যায়, কোঁড়া টনটন করছে তো চেপে ধরো, পুচ করে পুঁজ বেরিয়ে বাথার আরাম হয়ে যাবে। এই তো সেদিন একটা কাঁকড়াবিছে চাট দিয়ে চেপে ধরলাম, বাটা চাপটা হয়ে গেল। না হে ভক্তহরি, যে যত চেপে ধরতে পারে তারই তত সুবিধে।”

“হ্যাঁ শিবেন, চাপ দিতে জানলে সব কাজ হয়। তাই বলছিলাম, তুমিও যদি শ্যামাচরণের উপর একটু চাপ সৃষ্টি করতে পারো, তা হলে পানিঘরের কথা সে মন্দীহেলের মতো বলে দেবে।”

“কিন্তু কীরকমভাবে চাপ সৃষ্টি করতে হবে ভক্তহরি? তার বুকের উপর হাঁটু গেড়ে বসতে হবে কি?”

“হঁ, সে প্রস্তাবও মন্দ নয় বটে। তবে কী জানো? শ্যামাচরণ বুড়ো মানুষ। তার উপর রোগাতোঙ্গা। তোমার মতো একটা দশাসই লোক বুকে চেপে বসলে হিতে বিপরীত হতে পারে তো! শ্যামাচরণ পটল তুললে পানিঘরের হদিশ দেবে কে?”

“তাই তো ভজ্জহরি, আমার ওজন যে দু’মন দশ সের, সেই কথাটা মনে ছিল না। তা হলে কি গাঁ থেকে একটু হালকা দেখে কাউকে ডেকে আনব ভজ্জহরি?”

“তুমি খুবই বুদ্ধিমান হে শিবেন। তবে কিনা অন্য কেউ শ্যামাচরণের উপর চাপ সৃষ্টি করতে না-ও চাইতে পারে। যাই হোক, এ ব্যাপারে অন্য কাউকে চাপাচাপি করার দরকার নেই। তুমি বরং একটা কাজ করো, আমার পিস্তলটা নিয়ে যাও। চাপ সৃষ্টি করার পক্ষে এটা খুবই ভাল জিনিস।”

“কিন্তু ভাই, পিস্তল দিয়ে আমি যে কোনওদিন চাপ সৃষ্টি করিনি। কী করে করতে হয় তাও জানি না।”

“তোমাকে কিছুই করতে হবে না শিবেন। পিস্তল নিজেই চাপ সৃষ্টি করবে। তুমি শুধু জুতমতো বাগিয়ে ধরে কঠিন গলায় বলবে, ‘পানিঘরের সন্ধান যদি না দাও, তা হলে মাথার খুলি উড়িয়ে দেব।’”

“বাঃ, এ তো সোজা কাজ! কিন্তু পিস্তলটা আবার ফুটে-টুটে যাবে না তো! একটু আগে তুমিই যেন বলছিলে, বন্দুক, পিস্তল অনেক সময় ফুটে যায়।”

“সব কাজেরই বিপদের দিক থাকে হে শিবেন। ভয় পেয়ো না। পিস্তলের উপর চাপ সৃষ্টি না করলে সে কিছু করবে না।”

“কথাটা যেন কী বলতে হবে?”

“‘পানিঘরের সন্ধান যদি না দাও তা হলে মাথার খুলি উড়িয়ে দেব।’ অবশ্য প্রথমই কথাটা বলার দরকার নেই। আগে একটু আদুরে গলায় আদর করার মতো পানিঘরের সন্ধান চাইবে। তারপর একটু অভিমান করে ঠোট ফোলাবে। তাতেও কাজ না হলে গৃহত্যাগ করার হুমকি দেবে। তারপর চোখ রাঙাবে। তারপর ভয় দেখাবে। শেষ অবধি কাজ না হলে পিস্তল বাগিয়ে ওই কথাটা বলবে। খাবেন না শিবেন? না পারলে তোমার খিসিস...”

“খুব পারব, খুব পারব।” বলে শিবেন রীতিমতো উদ্বেজিত হয়ে হাত বাড়িয়ে বলল, “দাও ভাই ভজ্জহরি, তোমার পিস্তলটা আমাকে দাও। একমি গিয়ে শ্যামাচরণের উপর চাপ সৃষ্টি করে পানিঘরের হদিশ জেনে আসছি। শুধু কথা দাও, পানিঘরের হদিশ দিলে তুমি আমার খিসিসটার দিকে হাত বাড়াবে না।”

“পাগল নাকি! শত হলেও আমি তোমার হেঁসেবেলার বন্ধু। কথার খেলাপ হবে না ভাই। পানিঘরের খবর দিতে পারলে তোমার কোনও ভয় নেই।”

ছারামূর্তি অঙ্ককারে হাত বাড়িয়ে শিবেনের হাতে যে জিনিসটা দিল, সেটা ছোট হলেও বেশ ভারী। পিস্তল সম্পর্কে শিবেনের কোনও অভিজ্ঞতা নেই। সে শঙ্কিত গলায় বলল, “তাই ভক্তহরি, এ তো তে-কোনা একটা বিচ্ছিরি চেহারার জিনিস। এটার কোন মুখ দিয়ে গুলি বেরোয় তা তো জানি না।”

একটা দীর্ঘশ্বাস ফেলে ছারামূর্তি বলল, “হাতলটা ধরে নলটা তাক করতে হয়। টলটোপালটা করে ফেললে কিছু তোমার পিস্তলের গুলি তোমাকেও ছেড়ে কথা বলবে না।”

“ওরে বাবা, এ তো খুব বিপদের জিনিস ভাই ভক্তহরি!”

ছারামূর্তি একটু দূরে সরে গিয়ে আড়াল থেকে বলল, “খুব বিপজ্জনক। প্রাণ হাতে ধরেই কাজ হাসিল করতে হবে। থিসিসটার জন্য এটুকু বিপদ কি খুব বেশি হল হে শিবেন?”

“কিছু না, কিছু না। থিসিসের জন্য আমি প্রাণ দিতেও প্রস্তুত।”

“বাবু, এই তো বীরের মতো কথা।”

শিবেন এক হাতে পিস্তল, অন্য হাতে থিসিসের ফাইলটা শক্ত করে ধরে অঙ্ককারে সাবখানে ঘর পেরিয়ে জানলা গলে বেরিয়ে এল। ভক্তহরির খবর থেকে থিসিসটাকে বাঁচাতে হলে তাকে কিছু বিপদের ঝুঁকি নিতেই হবে, অন্য উপায় নেই।

বাগান পার হয়ে খাজাঞ্চিখানায় পৌঁছে সে সোজা শ্যামাচরণের দরজায় ধাক্কা দিতে গিয়ে দেখল, শ্যামাচরণের দরজা হাট করে খোলা। ভিতরে কেউ নেই। নিবু-নিবু টর্চের আলোয় সে ঘরখানা ভাল করে দেখে নিয়ে বাইরে এসে চারদিকটা ঝুঁজল। লোকটা গেল কোথায়?

## পাঁচ

নিজের বাড়িতে পাঁচ যে ঘরটায় শোয় সেটাকে ঘর বললে বড় বড় বাড়ি হয়ে যাবে। ঘর হতে গেলে ঝা-ঝা লাগে তার অনেক কিছুই নেই। যেমন ঘরের জন্য চাই চারটে মেওয়াল বা বেড়া। তা পাঁচুর ঘরখানার বেড়া মোটে তিনটে। অন্য দিকটা হাঁ করে খোলা। বারান্দার এক কোণে দু'দিক কোনওরকমে বেড়া দিয়ে ঘিরে পাঁচুর বৈঠকখানা তৈরি হয়েছে। দরজা মোটে নেই, তার দরকারও হচ্ছে না। একটা দিক উদোম খোলা। তা তাতে পাঁচুর কোনও অসুবিধেও নেই। কাঁপিরেতে রাস্তার কুকুর-বেড়ালরা এসে তার নড়বড়ে তক্তপোশের তলায় কুণ্ডলী পাকিয়ে শুয়ে থাকে। বর্ষাবাদলায় আর

এই শীতকালটায় যা একটু অসুবিধে। তা সেসব পাঁচু গায়ে মাখে না। ওসব তার সাথে গেছে। উদ্যোগ ঘরে থাকে বলে মাঝে-মাঝে নানা ঘটনাও দেখতে পায়। এই যে গাঁয়ের নিশি চৌকিদার ঘুমোতে ঘুমোতে গাঁ চৌকি দিয়ে বেড়ায়, এই কি কেউ জানে? পাঁচু জানে।

তা একদিন সে নিশি চৌকিদারকে দিনের বেলায় বাজারে পাকড়াও করে বলল, “ও নিশিদাদা, রাতে যখন তুমি গাঁয়ে পাহারা দাও, তখন তোমার নাক ডাকে কেন গো?”

নিশি চোখ বড় বড় করে বলল, “ওরে চূপ-চূপ! কাউকে বলে ফেলিসনি যেন! অনেক সাধ্যসাধনা করে শেখা রে ভাই, লোকে টের পেলে পক্ষায়েতে নালিশ হবে, আমার চাকরি যাবে।”

“কিন্তু কেউ কি ঘুমিয়ে ঘুমিয়ে হাঁটতে পারে?”

“আহা, কাজটা এমনই শক্ত বা কী! পা দু’খানাকে জাগিয়ে রেখে আমার বাকিটা ঘুমোয়। অভ্যাস করলে তুইও পারবি।”

এই যেমন বিষ্ণু চোর। তার স্বভাব হল কারও বাড়ি থেকে সোনাদানা, টাকাপয়সা বা গয়নাগাটি সরাবে না। তার লোভ হল খাবার জিনিস। একদিন গ্রীষ্মকালে বিষ্ণুর পিছু নিয়েছিল পাঁচু। রাত বারোটা নাগাদ বিষ্ণু উজ্জববাবুর বাগানে বাসে আস্ত একখানা পাকা কাঁটাল, কুড়িখানা পাকা আম খেল। তারপর পশুপতিবাবুর বাড়ির রান্নাঘরে ঢুকে আধ হাঁড়ি পাস্তা আর তেঁতুল দিয়ে রান্না চুনো মাছের ঝোল খেল। নরহরিবাবুর বাড়িতে কিছু না পেয়ে খেল আধ ডজন কাঁচা ডিম। ব্যায়ামবীর গদাধরের বাড়িতে সারারাত ধরে নিচু আঁচে এক সের মাংসের আখনি রান্না হয়, সকালে গদাধর ব্যায়ামের পর সেটা খায়, তা বিষ্ণু সেই এক হাঁড়ি আখনি চেটেপুটে খেয়ে যখন শ্রীপদদের বাড়িতে ঢুকে তাদের মিষ্টির দোকানের জন্য রাতে তৈরি করা রসগোল্লার গামলা সাবড়ে ফেলল, তখন পাঁচু আর থাকতে না পেরে সামনে গিয়ে সটকে খলল, “বিষ্ণুদাদা, বলি এত খাবারদাবার যাচ্ছে কোথায় বলো ভো! ভগবান ভো তোমাকে একটার বেশি পেট দেয়নি।”

বিষ্ণু খুব অভিমান করে বলল, “আমার খাওয়াটাই বেশি দেখলি রে পাঁচু! বেহান থেকে শুরু করে সুফি পাটে নামা অবধি আমাকে কখনও কুটোগাছটি হাতে কাটতে দেখেছিস? সারাদিন উপোসি পেটে পড়ে পড়ে ঘুমোই, এই নিশুত রাতেই যা দু’টি পেটে যায়। খাওয়াটা দেখলি আর উপোসটা দেখলি না?”

তা আজ রাতেও পাঁচুর ঘুম আসছিল না। তার তক্তপোশের নীচে যে কেলো কুকুরটা থাকে, সেটা মাঝে মাঝে কেন খেস খাঁক-খাঁক করে উঠছিল। খানার পেটা

ঘড়িতে যখন চলে করে রাত দুটো বাজল, তখন হাই তুলে উঠে বসে রইল পাঁচু। আজ বসন্ত শীত পড়েছে, হেঁড়া কবলে শীত মানছে না। ঠান্ডায় হাত-পায়ে বাথাও হয়েছে খুব। চারদিকে ঘন কুয়াশা, অন্ধকার। তবে পাঁচু অন্ধকার আবহাওয়াতেও অনেক কিছু দেখতে পায়। তার চোখ খুব ভাল। কানও সজাগ। গাছের পাতা খসলেও সে টের পায়।

ঘণ্টার বেশ মিলিয়ে বাওয়ার পরই সে সামনের রাস্তায় যেন একজোড়া খুব হালকা পায়ে শব্দ শুনতে পেল। শব্দটা এতই কীল যে, অন্য কেউ টেরই পাবে না। রাস্তে বারা ঘোরাকেরা করে তাদের পায়ে শব্দ পাঁচু খুব চেনে। কিন্তু এটা চেনা শব্দ নয়। নক্ষত্র থেকে কেউ উত্তরমুখো যাচ্ছে। কিন্তু যাচ্ছে বেশ ধীরেসুস্থে, যেন বেড়াতে বেরিয়েছে।

পাঁচু বিছানা থেকে নেমে বারান্দা পেরিয়ে সামনের জমিটা ডিঙিয়ে রাস্তায় উঠে একটা গাছের আড়ালে দাঁড়াল। দেখল, খুব বেঁটেমতো গোলাকার চেহারার একটা কিছু কিছু দুলে দুলে আসছে। কাছে আসতেই ভারী অবাক হয়ে গেল পাঁচু। মানুষ নাকি? এ কীরকম ধারা মানুষ?

কাছাকাছি আসতেই বস্তুটাকে দেখতে পেল পাঁচু। চোখ কচলে ফের ভাল করে তাকিয়ে দেখল, বস্তুটা মানুষের মতো নয়, আবার মানুষ বললেও ভুল হয় না। বুক, পেট, সব যেন একটা গোলাকার বলের মতো। তার উপরে বেজায় বড় একটা মূর্ছ, দু'খানা বেঁটে পা, দু'খানা ছোট ছোট হাত, এরকম বেটপ মানুষ পাঁচু কখনও দেখেনি।

হাঁটতে হাঁটতে মানুষটা হঠাৎ দাঁড়িয়ে চারদিকটা চেয়ে দেখে নিল। আর সেই সময় মূর্ছটা দিবি ডাইনে-বাঁয়ে পাক খেল। ঘাড় না থাকলেও মূর্ছ যে এমন ঘুরতে পারে, তা না দেখলে বিশ্বাস হয় না। চারদিকটা দেখে মানুষটা হঠাৎ শিসের মতো একটা সক্র শব্দ করল। ভারী মিঠে সুরেলা শব্দ। অনেকটা বীশির মতো। সুরটা পাঁচুর চেনা সুর নয়। কিন্তু এতই সুন্দর যে, শুনলে প্রাণ-মন ভরে যায়। আর একটু শুনেই পাঁচুর যেন ঘুম পেয়ে যাচ্ছিল।

একটু দাঁড়িয়ে মানুষটা আবার হেলেদুলে হাঁটতে শুরু করল। আর শিস মিছে না। একটু দূর থেকে পাঁচু নিঃশব্দে লোকটার পিছু নিল। লোকটা মাঝে-মাঝে দাঁড়াচ্ছে, শিস মিছে, ফের হাঁটছে। ব্যাপারটা বুঝতে পারছে না পাঁচু। কিন্তু কে জানে কেন, লোকটাকে তার খারাপ বলেও মনে হচ্ছে না।

টকটকি ওস্তাদের বৈরাগ্য এসে গেল কি না তা বুঝতে পারছে না নবা। জটাবাবার মতাতেই কি এসব হয়েছে? আজকাল কাজকর্মের দিকে ওস্তাদের নজরই নেই। রাত্রি

দশটা বাজতে না বাজতেই খেয়েদেয়ে শুয়ে পড়ে। তারপর নাক ডাকিয়ে সে কী ঘুম রে বাবা! তা এরকম চললে নবার যে হাঁড়ির হাল হবে, তা কি ওস্তাদ বুঝতে পারছে না? মুশকিল হল যে, এতকাল টকাইয়ের শাগরেদগিরি করেও তেমন মানুষ হয়ে ওঠেনি। একা-একা কাজকর্ম করতে গলেই নানা ভুলভাট্টা বেধে যায়। এই তো পরশুদিন খগেনবাবুর বাড়িতে হানা দিয়ে ভারী অবাক হয়ে দেখল, দক্ষিণদিকের ঘরখানার জানলার পান্না খোলা আর ত্রিলটা ভারী নড়বড় করছে। একটু টানাটানিতেই সেই ত্রিলখানাও খুলে পড়ল। সুবর্ণ সুযোগ আর কাকে বলে! নবা টুক করে জানলা গলে ঘরে ঢুকে পড়ল।

ভগবান যে আছেন তা মাঝে মাঝে বহু বেশি টের পাওয়া যায়। কারণ, নবা অবাক হয়ে দেখল তাকে মেহনত থেকে বাঁচাবার জন্যই যেন ছিটকিনি নেমে গেল। নবা বাটামটাও খুলে ফেলল। একটুও শব্দ হয়নি। পরিষ্কার হাতে পরিপাটি কাজটি করে ফেলতে পেরে ভারী খুশি হল সে। হ্যাঁ, টকাই ওস্তাদের শাগরেদের যোগ্য কাজই বটে। দরজা ঠেলে সামান্য ফাঁক করে সরু হয়ে ঢুকেও পড়ল সে। ঢুকেও বেশ খুশিই হল সে। ঘরে দিবা হ্যারিকেনের আলো জ্বলছে, অন্ধকারে হাতড়ে মরার দরকার নেই। ঢুকে দরজাটা ভেজিয়ে কাজে হাত দিতে গিয়ে একটু চকুলজ্জায় পড়ে যেতে হল নবাকে। কারণ, দেখতে পেল, নন্দবাবু মশারির ভিতরে বিছানার বসে জ্বলজ্বল করে তার দিকেই চেয়ে আছেন।

নবা লজ্জা পেয়ে মাথা চুলকে নতমুখে বলল, “এই একটু এসে পড়েছিলাম আর কী এদিকে!”

নন্দবাবু শশব্যস্তে বলে উঠলেন, “আস্তাজে হোক, আস্তাজে হোক। আসবেন বই কী ভাই, এ আপনার নিজের বাড়ি বলে মনে করবেন, কী সৌভাগ্য আমার! তা ভাই আপনি কে বলুন তো, কোথা থেকে আসছেন? এই শীতের রাতে ঠান্ডায় কষ্ট হয়নি তো!”

ফাঁপরে পড়ে নবা আমতা আমতা করে বলল, “তা ঠান্ডাটা খুব পড়েছে বটে মশাই! তবে কিনা বিষয়কর্ম বলে কথা! ঠান্ডা গায়ে মাখলে কি আমিরে চলে?”

“বটেই তো! বটেই তো! তবে মাফলার বা বাঁদুরে টুপিতে মাথাটাখা একটু ঢেকেচুকে তো আসতে হয় ভাই। পট করে আবার ঠান্ডা না লোকে যায়! তার উপর বাইরে ওই শীতে দাঁড়িয়ে দাঁড়িয়ে কত কষ্ট করে শিক দিয়ে পরদা ফাঁক করতে হল, তার মধ্যে ছিটকিনি খুলতে হল, সুতো বেঁধে বাটাম ঠান্ডাতে হল, তা এত কষ্ট করার কী দরকার ছিল ভাই? আগে থেকে একটা খবর জিয়ে রাখলে আপনার জন্য কি আর ওটুকু কাজ আমিই করে রাখতুম না!”

নবা ভারী অপ্রস্তুত হয়ে বলল, “না, না, কষ্ট কীসের? আমরা হলুম গে মেহনতি মানুষ! খেটেই খেতে হয় কিনা।”

“না ভাই, ওটা কোনও কাজের কথা নয়। এই আমাদের মতো অধম লোকেরা থাকতে আপনার মতো শুণী মানুষেরা কষ্ট করবেন কেন? আপনি হলেন শিল্পী মানুষ। কী পাকা হাত আপনার! চোখ জুড়িয়ে যায়। একটুও শব্দ হল না, একটা ভুল হল না, নিখুঁতভাবে ছিটকিনি নেমে গেল, বাটাম খুলে গেল। আমি তো আগাগোড়া মুগ্ধ হয়ে দেখছিলাম। কী বলব ভাই, নিতান্ত বয়সে আপনি ছোট, নইলে আমার খুব পারের ধুলো নিতে ইচ্ছে করছে।”

কথাবার্তা বেশ উচ্চগ্রামেই হচ্ছিল। নিশুত রাতে কথাবার্তার শব্দ উঁচুতে উঠলে বাড়ির লোকের ঘুম ভেঙে যাওয়ার কথা। আর সেরকম লক্ষণ টেরও পাচ্ছিল নবা। ওপাশ-ওপাশের ঘর থেকে সাড়াশব্দ হতে লেগেছে। কে যেন বলে উঠল, “ও ঘরে কাদের কথাবার্তা হচ্ছে?”

একজন মহিলা কাকে যেন ঘুম থেকে ঠেলে তুলছেন, “ও পটল, ওঠ, ওঠ, তোর বাবার ঘরে কী হচ্ছে দেখ তো গিয়ে!”

নবা বেগতিক বুঝে তাড়াতাড়ি হাতজোড় করে বলল, “তা হলে নন্দবাবু, আজ বরং আসি। আজ আপনি ব্যস্ত আছেন তো, বরং আর-একদিন আসা যাবে...!”

নন্দবাবু আর্তনাদ করে উঠলেন, “সে কী ভাই, এখনই যাবেন কী? ভাল করে আপ্যায়ন করা হল না, অভ্যর্থনা হল না, পরিচয় অবধি হয়নি, এক কাপ চা খেলেন না, সঙ্গে দুটো মুচমুচে বিস্কুট, বাড়ির লোকজনের সঙ্গে ভাব-ভালবাসা হল না, এখনই কি ছাড়া যায় আপনাকে? দুঃখ দেবেন না ভাই, বরং জুত করে বসুন।”

নবা শশবাস্তে বলে উঠল, “বসার জো নেই নন্দবাবু, আমার পিসির এখন-তখন অবস্থা, আজ আর চাপাচাপি করবেন না, একটা ভাল দিন দেখে বেড়াতে যেতে চলে আসবন...!”

বলেই পট করে দরজাটা খুলে বেরিয়ে ছুট লাগাল নবা। পিছনে অরুণা নন্দবাবু চেঁচালেন, “ও ভাই, ও চোরভাই, আবার আসবেন কিন্তু ভাই, বড় দুঃখ দিয়ে যেয়েছি।”

তা নবার এখন বেশ দুঃসময়ই বাচ্ছে। টকাই ওস্তাদ গতির না নাড়লে এমনই চলবে।

সকালবেলাতে গিয়েই সে টকাইয়ের বাড়িতে পানা গেড়ে বসল। বলল, “ওস্তাদ, কাজকর্ম যে বড় ভুল হয়ে যাচ্ছে। আপনি গতির না নাড়লে যে রাজাপাট সব

আনাড়ি চোরছাঁচড়াসের হাতে চলে যাবে। কাঁচা হাতের মোটা দাগের কাজ দেখে লোকে যে ছ্যাঃ ছ্যাঃ করতে লেগেছে।”

টকাই সকালের দিকে একটি সাধনভজন করে। একটি ব্যায়াম-প্রাণায়ামও করতে হয়। সেসব সেরে সবে একটি বসে জিবোচ্ছিল। নবার দিকে চেয়ে ঝ কুচকে বলল, “কাল রাতে কারও বাড়িতে ঢুকেছিলি বুঝি?”

নবা লজ্জা পেয়ে মাথা নত করে ঘাড়টাড় চুলকে বলল, “ওই একটি ছোটখাটো কাজ, হাত মকশো করতেই গিয়েছিলাম ধরে নিন।”

“সুবিধে হল না বুঝি?”

“আজ্ঞে, ঠিক তা নয়, কাজের বেশ প্রশংসাই হয়েছে। নন্দগোপালবাবু তো খুব বাহুবাই দিলেন। ফের আর-একদিন যেতেও বলেছেন।”

টকাই বিস্মিত হয়ে বলে, “নন্দগোপাল! হাঁ! যে চোরের আক্কেল আছে, সে কখনও নন্দগোপালের ঘরে ঢোকে?”

“কেন ওস্তাদ?”

“বিগলিত ভাব দেখে ভুলেও ভাবিসনি যে, নন্দগোপাল সোজা পান্ডর। ও হল পুলিশের আড়কাঠি। সারা গাঁয়ের সব খবর গিয়ে থানায় জানিয়ে আসে। তোর নামধাম, নাড়িনকত্র সব তার খাতায় টোকা আছে। আজই যদি পুলিশ তোকে ধরে নিয়ে গিয়ে ফাটকে পোরে, তা হলে অবাক হোস না।”

“ও বাবা! তবে কী হবে ওস্তাদ?”

“চোরধর্ম বলে একটা কথা আছে জানিস? চোরদের অনেক বাহুবিচার করে কাজে নামতে হয়। যার-তার বাড়িতে গিয়ে হামলে পড়লেই তো হল না! কার চৌকাঠ ডিঙাতে নেই, কার কাছ থেকে শতহস্ত দূরে থাকতে হয়, কার ছায়া মাড়াতে নেই, সে সমস্ত শেখার জিনিস, বুঝলি?”

“যে আজ্ঞে। তবে আপনি এই কম বয়সেই রিটারার নিয়ে নেওয়ার আশি কয় বড় বিপদে পড়েছি ওস্তাদ। এখনও কত কী হাতেকলমে শেখা বাকি রয়ে গেছে। সিলেবাস তো এখনও অর্ধেকই শেষ হয়নি। কোচিং-এ বেজায় হাঁক পড়ে যাচ্ছে যে।”

“রিটারার করেছি তোকে কে বলল? এসব পাপকাজে একটি অনিচ্ছে এসেছে ঠিকই, তবে অনাদিকে কাজ বেজায় বেড়ে গেছে।”

নবার চোখ চকচক করে উঠল, “তা হলে কি চুরি ছেড়ে ডাকাতি ধরে ফেললেন ওস্তাদ? আহা, ডাকাতি বড় জব্বর জিনিস। আমার মনের মতো কাজ। চুরিতে বড় মগজ খেলাতে হয়, হাত মকশো করতে হয়, গেরস্তের হাতে হেনস্থা হওয়ারও ভয়



ধাকে। ডাকাতি একেবারে খোলামেলা জিনিস। বন্দুক-তলোয়ার নিয়ে জোকার দিয়ে পড়ো, চেষ্টেপুঁছে নিয়ে এসো। গেরস্ত ভয়ে ঘরের কোণে বসে ইটনাম জপ করবে আর হাতে-পায়ে ধরে প্রাণ ভিক্ষে চাইবে। সেই ভাল ওস্তাদ! পাকা চোর হওয়ার অনেক মেহনত, অনেক হ্যাপা। ডাকাতি একেবারে জলের মতো সোজা কাজ।”

“ওরে মুখ্য, ডাকাতির নামে নাল গড়াচ্ছে! বলি, আর্থ কাকে বলে জানিস?”

“আজ্ঞে না ওস্তাদ!”

“আর্থ মানে হল ঋষির দেওয়া নিদান। প্রত্যেক বংশেরই আদিতে একজন করে মুনি বা ঋষি থাকেন। আর্থ হল সেই ঋষির দেওয়া বিবিধ ব্যবস্থা। এই যে পাঁচকড়িবাবুর বাড়িতে কাসুন্দি তৈরি নিবেশ, ওই যে উল্লববাবুর বাড়িতে শোল বা বোয়াল মাছ ঢোকে না, এই যে ভক্তহরিবাবুদের বংশে দুর্গাপূজা হয় না, সে কেন জানিস? আর্থ নেই বলে। ওদের মুনি-ঋষিরা ওসব নিবেশ করে গেছেন।”

নবা একটু ভাবিত হয়ে বলল, “তাই বটে ওস্তাদ। আমার বাড়িতে কেউ কখনও পূর্বদিকে রওনা হত না। পূর্বদিকে যেতে হলে আগে পশ্চিমদিকে রওনা হয়ে তারপর ঘুরপথে পূর্বদিকে যেত। আমরা পূর্বদিকে গেলে নাকি ঘোর অমঙ্গল। তা আমি যেমন ভুলে মেরে দিয়েছি বলেই কি আমার কিছু হচ্ছে না ওস্তাদ?”

“ওই তো বললুম, ঋষিবাক্য লঙ্ঘন করা মহা পাপ। আমারও ডাকাতির আর্থ নেই, বুঝলি? চুরি পর্যন্ত অ্যালাউ, কিন্তু ডাকাতি কখনও নয়।”

“এইবার জলের মতো বুঝেছি। আর-একটু বুঝলেই অঙ্ককারটা কেটে যায়।”

“আর কী বুঝতে চাস?”

“ওই যে চুরি ছেড়ে আর-একটা কী যেন করার কথা ভাবছেন?”

টকাই একটা দীর্ঘশ্বাস ফেলে বলল, “বড়ই শুহ্য কথা রে। তোকে বলা কি ঠিক হবে?”

নবা করুণ গলায় বলল, “না বললে যে উদ্বেগ-উৎকর্ষায় ধড়ফড় করে মেরে-ধাব ওস্তাদ। শুহ্য কথা না শুনেলে যে বড় মুহ্যমান অবস্থা হয় আমার।”

“তা হলে বলছি শোন। ওই জটাবাবা লোকটা সাধুফাদু কিছু নয়। ওই হিজিবিজি ছেলেটাও জালি। প্রথম দিন দেখেই আমার মনে হয়েছিল, ওদের অন্য কোনও মতলব আছে। জটাবাবার বেদিটা তো দেখেছিলি। তোর স্বপ্ন দেখার চোখ নেই। কিন্তু আমার মনে হয়েছিল, চট আর কয়েক ডাকা বেদিটা আসলে একটা বড়সড় কঠোর বাস। তোর যেমন দেখার চোখ নেই, তেমনই শোনারও কান নেই। থাকলে টের পেতিস, ওই ঘরখানায় ওই দু'জন ছদ্ম তৃতীয় আর-একজন কেউ ছিল। আমি তোর স্বপ্নের শব্দ পেরেছি। তোকে বলেছিলাম সেই কথা। আমি তিন-চারদিন করে

নিশ্চিতি রাতে গিয়ে জটা বাবার আন্তানায় নজর রেখেছি। কী দেখেছি জানিস?”

নবা বড় বড় চোখ করে শুনছিল। বলল, “কী ওস্তাদ?”

“নিশ্চিতি রাতে ওরা ঢাকনা সরিয়ে কাঠের বাস্কাটা থেকে একটা অদ্ভুত জীবকে বের করে। মানুষ বলে মনে হয় না, কিন্তু দেখতে আবার খানিকটা মানুষের মতোই। খুব বেঁটে, পেট আর বুক মিলিয়ে অনেকটা বলের মতো গোলাকার, মাথাটাও গোলা। তবে নাক, মুখ, চোখ, সবই আছে। মনে হয় আঙ্গুর জীবটাকে ওরা সারাদিন কড়া ওষুধ দিয়ে ঘুম পাড়িয়ে রাখে, রাস্তিরবেলা জাগায়। কিন্তু ওষুধের জন্যে কিছু জীবটার ঘুম ভাঙতেই চায় না। তাই তাকে ওরা গরম লোহার শিক দিয়ে ছাঁকা দেয়, ধাপ্পড় মারে, নানা অত্যাচার করে।”

“এ তো খুব অন্যায় কথা ওস্তাদ! দেশটা যে অরাজকতায় ভরে গেল!”

“এখন মুখ বন্ধ রেখে শোন। ওই বেঁটে মানুষটা কথা-টখা কয় কি না আমি সেটা মন দিয়ে শুনবার চেষ্টা করেছি। মাঝে মাঝে একটুআধটু কথাও বলে বটে, তবে অস্পষ্ট সব শব্দ। অং, বং, ফুস গোছের কিছু আওয়াজ। সেসব কথা ওই জটা বাবা আর তার চেলাও বুঝতে পারে না। তবে বেঁটে লোকটা মাঝে-মাঝে শিস দেওয়ার মতো ভারী সুন্দর সুরেলা শব্দ করতে পারে। এত সুন্দর শব্দ আমি জীবনে শুনিনি। প্রাণটা যেন ভরে যায়। রাস্তিরে বেঁটে লোকটাকে ওরা খেতেও দেয়। শুধু ফল ছাড়া সে অবশ্য কিছুই খায় না। ফল বলতে শুধু আপেল, আঙ্গুর নয়, তার সঙ্গে বটফল, নাটফল, এসবও খায়। বেঁটে লোকটাকে ওরা কোথা থেকে ধরে এনেছে আর কী করতে চায়, সেটা রোজ হানা দিয়ে বুঝবার চেষ্টা করেছি। কিন্তু বুঝতে পারছি না। তবে লুকোছাপার বহর দেখে অনুমান করছি, ওদের মতলব ভাল নয়। তাই ভাবছি, আজ রাতে ওদের হাত থেকে ওই বেঁটে লোকটাকে উদ্ধার করব।”

নবা মহা উৎসাহে বলে উঠল, “তা হলে দলবল জোটা ই ওস্তাদ? লাঠিসোঁটাও বের করি!”

“দূর বোকা! জটা বাবা আর তার চেলার অস্তুর কিছু নেই? একদিন জটা বাবাকে দেখলাম, ঝোলা থেকে একটা ছোটখাটো বন্দুক গোছের জিনিস বের করে গুলির ফিতে পরাচ্ছে। হামলা করতে গেলে ঝাঁঝরা করে দেবে। সব ঝাপায়েই মোটা দাগের কাজে ঝোক কেন তোর? মাথা খাটাতে পারিস না? মনে রাখবি, সব সময়েই গা-জোয়ারির চেয়ে বুদ্ধি খাটিয়ে কৌশলে কাজ উদ্ধার করাই ভাল।”

“তা হলে কী করতে হবে ওস্তাদ?”

“লক্ষ করেছি, জটা বাবা আর তার চেলা দু'জনে সারাদিন পালা করে ঘুমোয়। একজন ঘুমোলে অন্যজন পাহারায় থাকে। দু'জনের কেউ ঘর ফাঁকা রেখে যায় না।

আর-একটা কথা হল, গেরস্তাদের ফাঁকি দিয়ে বোকা বানানো যত সোজা, শয়তান লোকদের ঠকানো তত সোজা নয়। তার উপর এরা হল পাবণ্ড, খুনখারাপি করতে পেছপা হবে না। ভাবছি, আজ রাতে এমন একটা কাণ্ড করতে হবে, যাতে দু'জনেই ভড়িভড়ি ঘর থেকে বেরিয়ে আসে। তারপর..."

নবা ডগমগ হয়ে বলে, "সে তো খুব সোজা। ঘরে আগুন লাগিয়ে দিলেই তো হয়।"

"দূর আহাম্মক! আগুন দিলে ওই জতুগুহ চোখের পলকে ছাই হয়ে যাবে। তিনজনের কেউ বাঁচবে না। মনে রাখিস, আমরা চোর হলেও খুনি নই কিন্তু! ওসব পাপচিন্তা করবি তো ঘাড়ধাক্কা দিয়ে তাড়িয়ে দেব।"

"আজ্ঞে, জুল হয়ে গেছে ওস্তাদ! আর এ কথা মনেও আনব না। তা মতলবটা কী জাজলেন?"

"ভাবছি, ইদানীং ময়নাগড়ে খুব বাঘের উৎপাত হয়েছে। আমাদের দুর্গাপদ চমৎকার বাঘের ডাক নকল করতে পারে। তাকে দিয়ে কাজ হাসিল হয় কি না।"

"আজ্ঞে, খুব হয়। আমি চললুম দুর্গাপদকে খবর দিতে।"

"ওরে, অত উত্তলা হোসনি। ওরা জঙ্গলে থাকে, বাঘের ডাক কিছু কম শোনেনি। তবে শুধু বাঘের গর্জন নয়, সেইসঙ্গে মানুষের আর্তনাদ মিশিয়ে দিলে কাজ হতে পারে। ভাবটা এমন হতে হবে, যাতে মনে হয়, কোনও লোককে বাঘে ধরেছে। তাতে ওরা একটু চমকাবে। নিশ্চয় রাতে উত্তরের জঙ্গলে মানুষের গতিবিধি তো স্বাভাবিক নয়। ওরা ধরে নেবে যে, নিশ্চয়ই ওদের উপর চড়াও হতে এসে বাঘের খপ্পরে পাড়ে গেছে। সরেজমিনে দেখার জন্য ওরা অন্তর নিয়ে বেরিয়ে আসতে পারে, বুঝেছিস?"

"হেঃ হেঃ, একেবারে জলের মতো। চোখের সামনে দৃশ্যটা দেখতেও পাচ্ছি ওস্তাদ। ওই তো জটাবাবা বেরিয়ে এল, হাতে মেশিনগান, চোখ দু'খালি ধকধক করছে, আর ওই যে পিছনে হিজিবিজি, তারও হাতে পিস্তল। জটাবাবা হাঁক মারল, 'কে রে? কার এত বুকের পাটা যে সিংহের গুহায় ঢুকেছিস...'"

টকাই হেসে বলল, "আর তোকে যাত্রার পাট করতে হবে না। মাথা ঠান্ডা কর। বরং বাঘে ধরলে প্রাণভয়ে চেঁচায়, সেটা একটু প্রদর্শন কর। আজ রাতে তোকে দিয়েই ওই পাটটা করাব বলে ভাবছি। পারবি না?"

"খুব পারব ওস্তাদ। ওই তো বোশেখ মাসে হাবু দাসের উঠোনে মাঝরাতিরে চুরি করতে ঢুকে আমার পায়ের উপর দিয়ে একটা হেলে সাপ বেয়ে গিয়েছিল।"

কী চেঁচানোটাই না চেঁচিয়েছিলাম বাপ। গা-সূদ্ধ লোক আঁতকে ঘুম থেকে উঠে পড়েছিল।”

“হ্যাঁ, ওইরকম চেঁচানো চাই। যা, দুর্গাপদকে খবর দিয়ে বাড়ি গিয়ে প্র্যাকটিস কর। সঙ্কের মুখে তৈরি হয়ে চলে আসিস।”

নবা এতদিন পর মনের মতো কাজ পেয়ে খুশিতে ডগমগ হয়ে মালোপাড়ায় গিয়ে দুর্গাপদকে খবর দিয়ে বাড়িতে ফিরে মা কালীকে বেজায় ভক্তিতরে পেল্লাম ঠুকল। ওস্তাদ টকাইকে যে ফের চাঙা করা গেছে, এটাই মস্ত লাভ।

সারাদিন নবা বাড়ির পাশের মাঠটায় বসে চেঁচানি প্র্যাকটিস করতে লাগল। কিন্তু ফল যা দাঁড়াল তা বেশ দুশ্চিন্তার বিষয়। তার “বাঁচাও-বাঁচাও, মেরে ফেললে, খেয়ে ফেললে” চিৎকার শুনে লোকজন সব লাঠিসোঁটা নিয়ে ছুটে আসতে লাগল। কিন্তু এসে কেউ কিছু বুঝতে পারল না।

উদ্ধববাবু বললেন, “বলি ওরে নবা, তোর চেঁচানি শুনে তো মনে হচ্ছে তোকে বাঘেই ধরেছে। কিন্তু বাঘটা গেল কোথায়? বাঘ তোকে খেল, না তুই-ই বাঘটাকে খেয়ে ফেললি বাপ?”

ভজ্জহরিবাবু বললেন, “রিখটার স্কেলে এই চেঁচানির মাপ হল সাড়ে ছয়। এরকম চেঁচালে বাঘ-সিংহের আশ্রা খাঁচাছাড়া হওয়ার কথা।”

শিবেন গম্ভীরভাবে বলল, “শঙ্কের মাপ রিখটার স্কেলে দিয়ে হয় না ভজ্জহরিবাবু। ওটা হল ডেসিবেল।”

গদাধর মাসুল ফুলিয়ে এগিয়ে এসে বলল, “আরে বাঘফাঘ নয়, নবা ভূত দেখেছে। আজকাল এ গাঁয়ে বেশ ভূতের উপদ্রব শুরু হয়েছে দেখছি।”

ভজ্জহরিবাবু প্রতিবাদ করে বললেন, “কক্ষনও নয়। নবা মেরে ফেললে, খেয়ে ফেললে বলে চেঁচাচ্ছে। সায়েসে স্পষ্ট করে বলা আছে, ভূত কখনও মানুষ খায় না। ভূতের খাদ্য হল অন্নিজেন, হাইড্রোজেন আর নাইট্রোজেন।”

গদাধর রোষকষায়িত লোচনে ভজ্জহরির দিকে চেয়ে বলল, “ভূতের মনু আপনি কিছুই জানেন না। প্রায় রাতেই আমার মাংসের আখনি আজকাল ভূতের চেঁচিপুটে খেয়ে যাচ্ছে। তবে হ্যাঁ, তারা হাড়টাড় চিবোতে পারে না বলে সেগুলো ফেলে যায়।”

নবার বুড়ি মা এসে তাড়াতাড়ি ছেলেকে দু’ হাতে আঁধালে ধরে বলল, “ওগো, তোমরা ওসব অলঙ্কনে কথা বোলো না তো। বাছা আমার এমনিতেই ভিতুর ডিম। বাঘটাঘ নয় বাবারা, আমি জানি, নবাকে নিশ্চয়ই উয়োর্পিপড়ে কামড়েছে। বরাবর পিপড়ের কামড় খেয়ে ওইরকম করে চেঁচায়। এরম শরীর তো ব্যথা-বেদনা মোটেই সহিতে পারে না।”

মাগের হাত ধরে নবা বাড়ি ফিরল বটে, কিন্তু সারা সকাল ঘন্টা দুয়েক টানা চাঁচানোর ফলে বিকেলের দিকটায় টের পেল, গলাটা ফেঁসে গিয়ে কেমন যেন ভাঙা আওয়াজ বেরোচ্ছে। সর্বনাশ আর কাকে বলে! টকাই ওস্তাদ এই গলা শুনে কি আর পাটটা তাকে দেবে? যথারীতি সন্ধ্যাবেলা কাশীকে পেল্লাম ঠুকে বেরিয়ে পড়ল নবা। টকাইয়ের বাড়িতে দুর্গাপদও এসে জুটে গেছে। তিনজনে মিলে ঠিক কী করতে হবে তা ভাল করে বুঝে নিলে বেরিয়ে পড়ল।

উত্তরের জঙ্গল-রাস্তা বড় কম নয়। ঠান্ডাটাও আজ যেন জোর পেয়েছে। উত্তরে হাওয়া দিচ্ছে জোর। রাত আটটার মধ্যেই গা একেবারে নিঝুম। শীতের চোটে আর বাঘের ভয়ে রাস্তাঘাট গুনশান। তিনজনে পা চালিয়ে হেঁটে রাত নটার মধ্যেই উত্তরের জঙ্গলে পৌঁছে গেল। জোৎস্না রাত নয়, তবে অন্ধকারেই তাদের চলাফেরার অভ্যাস বলে অসুবিধে হল না। জটাঝাড়ের কুটিরের কাছাকাছি একটা খুপসি বটগাছ। তার আড়াল থেকে তারা জটাঝাড়ের কুটিরের পিড়িমের মিটমিটে আলোর আভাস দেখতে পেল।

টকাই দুর্গাপদকে একটা খোঁচা দিয়ে বলল, “দুর্গা, এইবার।”

দুর্গাপদ মুখের কাছে দুই হাতের পাত ঠোঁট করে ধরে যে বাঘের ডাকটা ছাড়ল তা শুনে বাঘ পর্যন্ত অবাক হয়ে যায়। কী গভীর গর্জন রে বাবা। আকাশ বাতাস যেন প্রকম্পিত হয়ে গেল। টকাই নবাকে খোঁচা দিয়ে বলল, “এবার তুই।”

তা নবার পাটও কিছু খারাপ হল না। দিব্যি বাঘে-ধরা মানুষের মতো সে গলা সপ্তমে তুলে চাঁচাতে লাগল, “বাপ রে, মা রে, খেয়ে ফেলল, মেরে ফেলল...।” সেইসঙ্গে মুহূর্মুহ দুর্গার বাঘের ডাক।

বিস্তর বাঘ গর্জন আর মর্মমুদ আর্ডনাদ করার পরও জটাঝাড়ের কুটির থেকে কেউ উঁকি মারল না দেখে নবা মাথা চুলকে বলল, “কী হল বলো তো ওস্তাদ! পাট কি কোনও ভুল হল?”

দুর্গাপদ কাঁপা গলায় বলল, “না রে, ভুল হয়নি। ওই যে...”

দুর্গাপদ যেদিকে আঙুল তুলে দেখাল, সেদিকে চেয়ে নবা একবার পাট তুলে সত্যিকারের প্রাণভয়ে চাঁচাতে লাগল, “ওরে বাপ রে, মেরে ফেলল রে, খেয়ে ফেলল রে...”

বাঘটা অবশ্য মোটেই উত্তেজিত হল না, তেমন দাঁড়ালও না। জুলজুলে চোখে তাদের দিকে একটু চেয়ে থেকে, বোধ হয় দুর্গাপদকে মনে মনে শাবাল জানিয়ে একটা হাই তুলে অন্ধকারে মিলিয়ে গেল।

বাঘ চলে যাওয়ার পরও অবশ্য নবা চোঁচিয়েই যাচ্ছিল। টকাই একটা ধমক দিয়ে

বলল, “দেখ নবা, বাঘেরও ঘেমাপিঁপ্তি আছে। ওরা বেছেগুচ্ছেই খায়। তোর ঘাড় মটকালে কি ও ওর জাতভাইদের কাছে মুখ দেখাতে পারবে?”

নবা ধমক খেয়ে চুপ করল বটে, কিন্তু তার দাঁতে দাঁতে ঠকঠকানিটা ধামছিল না। সে কেঁপে কেঁপে বলল, “কিন্তু এ যে সত্যিকারের বাঘ ওস্তাদ!”

“তাতেই প্রমাণ হয় যে, তোরা দু’জনেই পাট খুব ভাল করেছিস। কিন্তু পাট তো আর বাঘের জন্য করা নয়, জটা বাবা আর তাঁর শাগরেদের জন্য করা। তা সেখানে এত চেঁচামেচিতেও কোনও হেলদোল নেই যে!”

নবা মিয়োনো গলায় বলল, “হয় বাঘের ডাক শুনে ভয়ে মূর্ছা গিয়েছেন, নয়তো বন্দুক বাগিয়ে আমাদের জন্য ওত পেতে আছেন।”

সরেজমিনে গিয়ে দেখা গেল, নবার কথাই সত্যি। জটা বাবা ঘরের একধারে অজ্ঞান হয়ে চিতপটাং পড়ে আছেন। তবে ভয়ে নয়, তাঁর মুখে-চোয়ালে-নাকে রক্ত আর কালশিটে। কে বা কারা বেধড়ক মেরে তাঁকে অজ্ঞান করে ফেলে গিয়েছে। কাঠের বাত্রটার ডালা খোলা, তার ভিতরে সেই বেঁটে লোকটাও নেই। আর হিজিবিজিও নেই।

নবা চাপা গলায় বলল, “ওস্তাদ, যারা এ লোকটাকে এরকম মেরেছে, তাদের গায়ে বোধ হয় খুব জোর, কী বলেন?”

“তাই তো মনে হচ্ছে।”

“তা হলে কি আমাদের এখানে থাকা ঠিক হচ্ছে? তারা যদি হঠাৎ করে ফিরে আসে, তা হলে আমাদের দেখে হয়তো খুব রাগ করবে।”

“তা তো করতেই পারে।”

“তা হলে আমাদের আর এখানে সময় নষ্ট করার দরকারটা কী? মা আজ কই মাছের পাতুরি করেছে। পইপই করে বলে দিয়েছে যেন তাড়াতাড়ি ফিরি।”

টকটকই অনামনস্বভাবে কী যেন ভাবতে ভাবতে বলল, “তা যাবি তো যানো। তবে কিনা তাদের সঙ্গে তো তোর পথেও দেখা হয়ে যেতে পারে! সেটা কি ভাল হবে কে নবা?”

নবা কাঁচুমাচু হয়ে বলল, “মা অবশ্য বলেছে, জরুরি কাজ থাকলে একটু দেরি হলেও ক্ষতি নেই।”

২২

বেঁটে, কিন্তু, গোলগাল চেহারার লোকটা হেলেদুলে একটা আছাদি দুলাকি চালে হাঁটছে। পিছনে একটা তফাতে পাঁচু। লোকটা যে সুরেলা, অঙ্কিত সূন্দের শিসের শব্দ করছে, তাতে পাঁচুর যেন ঘুম ঘুম ভাব হচ্ছে। যেন সে ঘুমিয়ে ঘুমিয়ে হাঁটছে। চারদিকে জ্যোৎস্নামাখা কুয়াশায় যেন নানা স্বপ্নের ছবি ফুটে উঠে মিলিয়ে যাচ্ছে। কী হচ্ছে তা বুঝতে পারছে না পাঁচু। কিন্তু কিছু একটা হচ্ছে, যা তার জীবনে আগে কখনও ঘটেনি। চারদিকে মায়াবী ওই শিসের শব্দের ঢেউ যেন ময়নাগড়কে এক অন্য রূপে করে তুলছে।

খুব আবছা, স্বপ্নালু, ঘুম-ঘুম চোখে পাঁচু দেখতে পেল, বটতলার জংলা ঝোপঝাড়ের ভিতর থেকে একটা ছোট ছায়ামূর্তি বেরিয়ে এসে যেন এই বেঁটে লোকটার হাত ধরে হাঁটতে লাগল। কে ও? যজ্ঞেশ্বর না? আরও একজন কে যেন পাশের পুকুর থেকে উঠে এসে পিছু নিল বেঁটে লোকটার। হ্যাঁ, পাঁচু একে চেনে। ও হল কলসি-কানাই।

কিন্তু এসব কী হচ্ছে? কেন হচ্ছে? পাঁচু একবার ভাবল, এসব স্বপ্ন। সে ফিরবার জন্য ঘুরে দাঁড়ানোর চেষ্টা করল। কিন্তু পারল না। এক আশ্চর্য চুষকের টানে সে ওর পিছু-পিছু মন্থর পায়ে হাঁটতে লাগল। ওই আশ্চর্য সুরে তার দু'চোখ বেয়ে টপটপ করে জল পড়ছে। গানবাজনার সে কিছুই জানে না, তবু কেন যে এমন হচ্ছে!

হঠাৎ রাস্তা ছেড়ে ডান দিকে ঝোপঝাড়ের মধ্যে নেমে যাচ্ছিল বেঁটে মানুষটা। পাঁচু জানে ওখানে একটা পচা ডোবা আছে। তাতে ধকধকে কাদা। পড়লে আর উঠতে পারে না কেউ। তাই সে চেষ্টা করে বারণ করার চেষ্টা করল। কিন্তু গলা দিয়ে স্বরই বেরোল না।

কিন্তু ডোবায় পড়লে যে লোকটার ঘোর বিপদ হবে। তাই পাঁচু প্রাণপণে ছুটেতে চেষ্টা করল। এমনিতে সে হরিণের মতো দৌড়তে পারে বটে, কিন্তু এখন পারল না। মাকড়সার জালের মতো সূক্ষ্ম সব তন্তু যেন আটকে ধরেছিল তাকে। তবু প্রাণপণে সব ছিঁড়েছুড়ে সে ছুটবার চেষ্টা করতে লাগল।

যখন গিয়ে ডোবার নাগালের ধারে পৌঁছল, তখন শিসটা থেকে গিয়েছে। সামনে কাউকে দেখা যাচ্ছে না। ভিতরটা হায়-হায় করে উঠল পাঁচুর। লোকটা কি তবে ডুবেই গেল কাদায়?

সে মনস্থির করে ডোবার ঝাঁপ দেবে বলে ঝোপঝাড়ের মধ্যে নামতেই কে যেন ফিসফিস করে বলে উঠল, "কাজটা ঠিক হচ্ছে না।"

পাঁচু বলল, "কে? কে তুমি?"

“ফিরে যাও।”

“লোকটা যে ডুবে গেল!”

“ফিরে যাও। নইলে বিপদ হবে।”

পাঁচু আর এগোল না। তবে মনটা বড় ভার হয়ে রইল। কথাটা কে বলল, তা অবশ্য সে বুঝতে পারল না। যজ্ঞেশ্বর কি? না কি কলসি কানাই?

একটা দীর্ঘশ্বাস ছেড়ে ফিরে আসছিল পাঁচু। নিজের বাড়ির কাছে আসতেই হঠাৎ একটা লম্বা লোক তার পথ আটকে দাঁড়াল।

“পাঁচু যে!”

পাঁচু খুব অভিমানের সঙ্গে বলল, “হিজ্জিবিজ্জিদাদ, তুমি যে বোকা লোক খুঁজে বেড়াচ্ছিলে! বোকা লোক পেলেই নাকি কাজ দেবে! তা সেই থেকে আমি হাঁ করে তোমার জন্য বসে আছি। তুমি কোথায় হাওয়া হয়ে গেলে বলো তো!”

হিজ্জিবিজ্জি একগাল হেসে বলল, “ওরে বাপু, হাওয়া হতে হয় কি আর সাথে। গা-ঢাকা না দিলে যে আমার বড় বিপদ হচ্ছে।”

“কী বিপদ হিজ্জিবিজ্জিদাদ?”

“বোকা লোক খুঁজছি শুনে আমার চারদিকে বোকা লোকের গাদাগাদি লেগে যাচ্ছিল যে। বুড়েশিবতলার হাটবারে তো একেবারে লাইন লেগে গেল। এ বলে, আমি সবচেয়ে বোকা, তো আর-একজন বলে, আমি ওর চেয়েও বোকা। আর-একজন বলল, ‘ওরা আর কী এমন বোকা! আমার মতো বোকা ভু-ভারতে নেই। আমি রোজ বাজার করতে যাই, কিন্তু রোজ আমাকে রাস্তার লোককে জিজ্ঞেস করে করে বাজারের পথের হদিস জানতে হয়। আর বাড়ি ফেরার সময়ও তাই।’ ফস করে পাশ থেকে একজন বলে উঠল, ‘ওটা বোকামির লক্ষণ নয় লক্ষণবাবু, ওটা ভুলোমনের লক্ষণ। এই আমাকে দেখুন, এমন নিরেট বোকা পাবেন না। তিনের সঙ্গে দুই যোগ করলে কত হয় জিজ্ঞেস করলে বরাবর বলে এসেছি সাত।’ পিছন থেকে আর-একজন বলল, ‘তাতে কী? কেউ অঙ্ক কাঁচা হলেই কি বোকা হতে পারে নাকি? বরং আমার কথাই ধরুন, মুগবেড়ের গোহাটায় গোরু কিনতে গিয়ে এক ঝড়বাজের সঙ্গে আলাপ হল। তা সে বলল, গোরুর দুধের আজকাল চাহিদা নেই, উপকারও নেই। আসল জিনিস হল ছাগলের দুধ। গোরু কিনে ঠকাত যাবে কেন, বরং আমার ছাগলটা নিয়ে যাও। দাম বরং ক’টাকা কমিয়ে দিচ্ছি। আমি এমন বোকা যে, তার কথাই শুনলে পড়ে গোরুর বদলে ছাগল কিনে ফেললুম।’ একজন তাকে কনুইয়ের গুঁড়োয় সরিয়ে দিয়ে বলল, ‘আমি হলে গোরুর দাম দিয়ে বেড়াল কিনে আনতুম। ওরে বাপু, আসল বোকা ওকে বলে না, এই আমাকে দেখো, আমার



বউ বলে আমি নাকি বিখ বোকা। নিখিল বল বোকা সম্বন্ধে আমি সেবার ফার্স্ট হয়েছিলাম।”

পাঁচু গভীর হয়ে বলল, “আমার তো এদের তেমন বোকা বলে মনেই হচ্ছে না।”

“খুব ঠিক কথা। আমারও মনে হচ্ছে না। যারা নিজেদের বোকা বলে বুঝতে পারে, তারা আবার বোকা কীসের? আসল বোকা হল সে-ই, যে নিজে বুঝতেই পারে না যে, সে বোকা।”

পাঁচু করুণ মুখ করে বলল, “তা হলে আমার কী হবে হিজিবিজিদাদা? আমি যে বোকা, সেটা যে আমিও বুঝতে পারি!”

“সেই জন্যই তো তোমাকে বলছিলাম, সত্যিকারের বোকা লোক খুঁজে বের করা খুব কঠিন। ভগবান বোকা লোক মোটেই সাপ্লাই দিচ্ছেন না। তাই তো বুড়োশিবতলার হাট থেকে পালিয়ে বাঁচতে হল। তারপর থেকে গা-ঢাকা দিয়েই থাকতে হয়েছে। বোকা লোকেরা কোমর বেঁধে খুঁজছে কিনা আমাকে!”

পাঁচু একটা দীর্ঘশ্বাস ফেলে বলে, “বোকা হয়েও সুখ নেই দেখছি।”

“তোমার দুঃখেরও কিছু নেই। তোমার মতো চালাকচতুর, চটপটে, চারচোখা ছেলের কাজের অভাব হবে না। তবে আমি এখন বোকা ছেড়ে মোটা লোক খুঁজে বেড়াচ্ছি।”

“সে আবার কীরকম।”

“এই ধরো, বেশ গোলগাল মোটাসোটা চেহারার লোক। বেঁটে মতো হলে খুবই ভাল হয়। যদি সন্ধান দিতে পারো, তবে হাতে-হাতে পঞ্চাশ টাকা নগদ পাবে।”

ট্রোট উলটে পাঁচু বলে, “এ গাঁয়ে মোটা লোকের অভাব কী? গদাধর মোটা, ভক্তহরিবাবু মোটা, বিষ্ণুবাবু মোটা...”

“আহা, ওদের কথা হচ্ছে না। যেমন-তেমন মোটা হলে চলবে না। মোটা মোটা বেঁটে, বিটকেলপানা হলে ভাল হয়। তা সন্ধান আছে নাকি?”

একটা দীর্ঘশ্বাস ফেলে পাঁচু বলল, “সন্ধান তো ছিল। কিন্তু সেই বোকাটা যে মজা পুকুরের কাদ্যর ডুবে গেছে।”

“অ্যা!” বলে একটা বুকফাটা চিৎকার দিয়ে উঠল হিজিবিজি। তারপর পাঁচুর কাঁধ ধরে একটা রাম-ঝাঁকুনি দিয়ে বলল, “সত্যি বলছ? কোথায় সেই মজা পুকুর?”

পাঁচু একটু ঘাবড়ে গিয়ে দু’পা পিছিয়ে বলল, “সত্যি কথাই বলছি। নিজের চোখেই দেখা বলতে পারো। একটু আগেই বিটকেল মানুষটা সটান গিয়ে পুকুরে ডুবেছে...”

তার হাতে একটা হ্যাচকা টান দিয়ে হিজিবিজি বলল, “চলো, চলো, শিগগির চলো। লোকটা বেহাত হলে সর্বনাশ হয়ে যাবে যে!”

পাঁচুর হাত ধরে হিড়হিড় করে টানতে টানতে প্রায় দৌড়তে দৌড়তে হিজিবিজি বলছিল, “সর্বনাশ হয়ে যাবে! কোথায় সেই মজা পুকুর?”

পাঁচু বিরক্ত হয়ে বলল, “আহা, কোথায় আন্দাজে ছুটছে? পুকুর তো জান ধারে।”

পুকুরের ধারে এসে তারা দেখল, চারদিকে গাছগাছালির ঘন ছায়ায় নিখর পুকুর। কোথাও কোনও ছটোপাটির লক্ষণ নেই।

হিজিবিজি ব্যস্তমনস্ক হয়ে বলল, “পুকুর থেকে ওকে তুলতেই হবে। জলে নামো। এর জন্য টাকা দেব।”

পাঁচু বলল, “শাগল নাকি? পুকুরে ধকধকে কাপা, একবার নামলে আর উঠতে হবে না। জন্ম থেকে দেখে আসছি, এই পুকুরে কেউ নামে না। কলসি কানাই তো এখানেই ডুবে মরেছিল।”

হিজিবিজির হাসিখুশি ভাবটা উবে গেছে। সে কঠিন গলায় বলে, “ওসব গুনতে চাই না। লোকটাকে পুকুর থেকে তুলতেই হবে। আমার কাছে ভাল নাইলনের দড়ি আছে। তোমার কোমরে বেঁধে দিচ্ছি। পুকুরে নামো, বিপদ বুঝলে আমি টেনে তুলব।”

পাঁচু পিছিয়ে গিয়ে বলে, “এই ঠান্ডায় আমি পুকুরে নামতে পারব না হিজিবিজিদাদা। নামতে হলে তুমি নামো।”

হিজিবিজি হঠাৎ লোহার মতো শক্ত হাতে তার ঘাড়টা চেপে ধরে মাথায় একটা রামগাটী বসিয়ে দিয়ে বলল, “ভাল কথাই কাজ না হলে তোর বিপদ আছে। ছুড়ে পুকুরে ফেলে দেব।”

পাঁচু বুঝতে পারল, হিজিবিজিকে সে যত ভালমানুষ মনে করেছিল, তত ভালমানুষ ও নয়। গাটার চোটে মাথা ঝিমঝিম করে চোখে অঙ্ককার দেখে বসে পড়ল মাটিতে।

হিজিবিজি কাঁধের ব্যাগ থেকে একটা লম্বা নাইলনের দড়ি বের করে পাঁচুর কোমরে এক প্রান্ত বেঁধে দিয়ে বলল, “যাও আর সময় নষ্ট কোরো না। কথা না-গুনলে কিন্তু বিপদ হবে।”

পাঁচু তবু ইতস্তত করতে লাগল। হিজিবিজি যেটা তার ঘাড় ধরে দাঁড় করিয়ে পুকুরের ধারে গিয়ে প্রচণ্ড একটা ধাক্কা জলে ফেলে দিল।

বরফের মতো ঠান্ডা জলে পড়ে গিয়ে পাঁচু “মা গো” বলে চৈচিয়ে উঠল প্রথমে।

স্তরপর পাগলের মতো হাত-পা ছুড়তে লাগল। উপরে খানিকটা জল থাকলেও জলের দু'-তিন ফুট নীচে ভসভসে কাদায় গোঁথে গেলে আর কিছু করার থাকে না। হিজিবিজি পুকুরের ধার থেকে কঠিন গলায় আদেশ দিল, “ডুব দাও। ডুব দিয়ে দিয়ে খোঁজো লোকটাকে। দেরি কোরো না, তা হলে মরবে।”

কিন্তু জলে-কাদায় ডুবন্ত মানুষ খুঁজবে কী, পাঁচুর নিজের প্রাণই রক্ষা করা দায়। সঁতার সে খুবই ভাল জানে বটে, কিন্তু এই হাজারেক কাদার পুকুরে সঁতার জেনে হবে কোন অষ্টরজ্ঞা? পাঁচু ভেসে থাকার প্রাণপণ চেষ্টা করছিল বটে, কিন্তু উপর থেকে একটা গাছের শুকনো ডাল দিয়ে তার মাথায় একটা ঘা মেরে হিজিবিজি বলল, “ডুব দাও। ডুব না দিলে তুলবে কী করে লোকটাকে?”

অগত্যা ডুব দিতে হল পাঁচুকে। আর ডুব দিতেই হল বিপত্তি। আর এই সাংঘাতিক ঠান্ডায় হাত-পা অসাড় হয়ে আসছিলই। ডুব দেওয়ার পর নীচেকার কাদামাটি ঘুলিয়ে উঠে নাকে-মুখে ঢুকে যাচ্ছিল। নীচের কাদায় বসে যাচ্ছিল কোমরসুঁদ্ধ পা। চেষ্টা করেও পাঁচু আর উপর দিকে উঠতে পারছিল না। তার উপর দমও ফুরিয়ে আসছে।

মরতে আজ খুব একটা দুঃখ হচ্ছে না পাঁচুর। এতদিনে সে বুঝতে পেরেছে এই অনাদরে, অপমানে বেঁচে থাকার মানেই হয় না। মরে বরং ভূত হয়ে দিব্যি গাছে গাছে ঘুরে বেড়ানো যাবে। সেও একরকম ভাল। তাই আঁকুপাঁকু করলেও ভিতরে ভেতম হার-হার করছিল না।

ঠিক এই সময় তার কানের কাছে কে যেন বলে উঠল, “দূর বোকা, আহাম্মক কোথাকার! ডান দিকে কোনাকুনি এগোতে থাক।”

কে বলল কে জানে। তবে বিকার অবস্থায় লোকে অনেক ভুল দেখে, ভুল শোনে। সেরকম কিছু হবে বোধ হয়। তবে সে ডানদিকে ফেরার একটা চেষ্টা করল। হাত-পা প্রবলভাবে নাড়ানাড়ি করায় একটু এগিয়েও গেল সে।

কে যেন বলল, “এবার মাথা তোলা দে।”

তাই দিল পাঁচু। মাথাটা ভুস করে জলের উপর ভেসে উঠল। সে দেখতে পেল, জলের মধ্যে হোগলার জঙ্গলের আড়ালে পড়েছে সে। হিজিবিজি তাকে দেখতে পাচ্ছে না। আর আশ্চর্যের ব্যাপার, তার পায়ের নীচে শক্ত মাটি হচ্ছে। সে কোমরের দড়িটা খুলে ফেলে সত্ত্বর্ণণে জল থেকে উঠে জঙ্গলের আড়ালে গা-ঢাকা দিয়ে ঠাহর করে দেখল, হিজিবিজি দড়িটা টেনে দেখছে। তারপর চাপা গলায় একটা হংকার দিয়ে তার ব্যাগ থেকে একটা কিছু বের করে এদিক-ওদিক ঘাড় ঘুরিয়ে দেখতে লাগল। তাকেই খুঁজছে বোধহয়।

কানে কানে কে যেন ফের চাপা গলায় বলে উঠল, “জল ছেড়ে উঠো না, মরবে।

জান দিকে এগিয়ে যাও।”

তাই এগোল পাঁচু। আশ্চর্যের বিষয়, পুকুরে জলের নীচে একটা সৰু কার্নিসমতো রয়েছে। সেই কার্নিস ধরেই জল ভেঙে এগোতে এগোতে সে জলে গজিয়ে ওঠা নানা আগাছার গভীর জঙ্গলে ঢুকে গেল। তারপর পা বাড়িয়ে অনুভব করল, কার্নিসটা বাক নিয়েছে। আর বাকের মুখটায় একটা বড় নালায় বাঁধানো মুখ।

ভাবনাচিন্তার সময় নেই। পাঁচু একটু হামাগুড়ি দিয়ে নালায় মুখে ঢুকে পড়ল। নালায় মধ্যে হাঁটুজলের বেশি নয়। তবে কাদাটান নেই। দিবা হামাগুড়ি দিয়ে এগিয়ে গেল সে। একটু পরেই নালাটা যেখানে শেষ, সেটা একটা বেশ বড়সড় চৌবাচ্চার মতো জায়গা। মাথা তুলে দাঁড়াতেও কোনও অসুবিধে নেই। হাতড়ে-হাতড়ে অঙ্ককারে পাঁচু আন্দাজ করল, এটা একটা বড় চৌবাচ্চাই বাটে। বেশ উঁচু কানা। তবে একধারে উপরে ওঠার সৰু সিঁড়ি আছে। পাঁচু সেই সিঁড়ি বেয়ে উপরে উঠে এল।

আশ্চর্যের বিষয়, যেখানে উঠে এল সেটা একটা বেশ বড়সড় ঘর। ঘরের ভিতরে একটা সৌদা গন্ধ। কত বড় ঘর বা ঘরে কী আছে তা অঙ্ককারে দেখা গেল না। পাঁচুর বেশ শীত করছিল। গায়ের জামাটা খুলে নিংড়ে নিল সে। তারপর সেটা দিয়ে মাথা আর গা মুছে নিল। অঙ্ককারে চারদিকটা ঠাহর করার চেষ্টা করছিল সে। কিন্তু অঙ্ককারে চারদিককার আন্দাজ পাওয়া মুশকিল।

হঠাৎ বাঁ-দিক থেকে একটা ভারী চাপা কাতর ধ্বনি শুনতে পেল সে। যেন কেউ খুব বাথা বা বেদনায় ককিয়ে উঠছে। পাঁচু ভয় পেল না। সহজে ভয় পায়ও না সে। চাপা গলায় বলল, “কে, কে গো তুমি?”

কিছুক্ষণ সব চুপচাপ। তারপর হঠাৎ চারদিকে একটা ঢেউ তুলে একটা ভারী সুবেলা শিসের শব্দ ভেসে এল। সেই বেঁটে, মোটা, গোলা চেহারার লোকটাই তো শিস দিয়েছিল কিছুক্ষণ আগে! তবে কি লোকটা বেঁচে আছে? পুকুরে ডুবে মরেমি?

শিসের শব্দ লক্ষ করে মাঝখানে এগিয়ে গেল পাঁচু। একবারে কাছে গিয়ে হাত বাড়াতেই মানুষের শরীরের স্পর্শ পেল সে। শিসটা থেমে গেল হঠাৎ।

পাঁচু কোমল গলায় বলল, “তুমি কে?”

লোকটা বলল, “হিজিবিজি।”

“তুমিই হিজিবিজি?”

লোকটা ফের বলল, “হিজিবিজি।”

“আমি তোমার কাছে একটু বসব?”

“হাঁ।”

পাঁচু বসল মেঝের উপর, পাশাপাশি। লোকটা ফের শিস দিতে লাগল। পাঁচু দুনিয়া ভুলে মুখ হয়ে গুনতে লাগল, এমন সুন্দর সুর সে কখনও শোনেনি।

চোখে-মুখে জলের ঝাপটা দেওয়ার লোকটার জ্ঞান ফিরল। তবে চোখ চাওয়ার আগেই তিনি কাড়র গলায় 'মাগো', বাবা গো' করে কিছুকণ ছুটফট করলেন। তারপর চোখ চেয়ে লোকজন দেখে ভেউ-ভেউ করে কেঁদে উঠে বললেন, "আমার দেখে কি প্রাণটা এখনও আছে, নাকি বেরিয়ে পড়েছে?"

টকাই খুব মন দিয়ে জটাবাবার দাড়ি-গোফের মধ্যে লুকনো ধূর্ত মুখটা দেখে নিছিল। বলল, "বাবাজির যে প্রাণের বড় মায়ী দেখছি। তা প্রাণ নিয়ে এরকম টানাছাঁচড়া পড়ল কেন? আপনার ওই ঢ্যাঙাপানা স্যাঙাতটাই বা গায়ের হল কোথা?"

জটাবাবা কাতরাতে কাতরাতে বললেন, "ওই কমণ্ডলু থেকে মুখে আগে একটু জল দাও দিকি। গলাটা কাঠ হয়ে আছে।" টকাইয়ের ইশারার নবা গিয়ে কমণ্ডলু নিয়ে এল। ঢকঢক করে খানিক জল খেয়ে জটাবাবা কষ্টেসুটে উঠে বসে চারদিকে খোলা চোখে চেয়ে দেখলেন। তারপর মাথা নেড়ে বললেন, "লোভে পাপ, পাপে

টকাই সার দিয়ে বলে, "বটেই তো। বাঃ, বাবাজির মুখ থেকে বেশ ভাল ভাল কথা বেরোয় তো! তা মিব্যদৃষ্টিটা খুলল কী করে বাবাজি? রন্দা খেয়ে নাকি?"

কাছিল গলাতেও একটা হংকার ছাড়ার চেষ্টা করে বাবাজি বললেন, "রন্দা মেরে পালাবে কোথায়? এমন মারণউচাটন ঝাড়ব যে, লাট খেয়ে এসে এইখানে পড়ে মরবে। মুখে রক্ত উঠবে না? জোর পেয়ে দুম করে ঘুসো বসিয়ে দিয়েছিল বটে, কিন্তু ধর্মের কল বাতাসে নড়ে।"

"জা তো দেখতেই পাচ্ছি। তা কার এমন আশ্পন্দা হল যে, আপনাকে ঘুসো মেরে চলে গেল?"

জটাবাবা ভ্রিমিত চোখে টকাইয়ের দিকে চেয়ে বললেন, "তুমি কে বলো তো। বুঝানা চেনা-চেনা ঠেকছে।"

নবা গদগদ গলায় বলে, "আহা, একে চিনতে পারছেন না বাবাজি? এ যে টকাই ওস্তাদ। এই তো সেদিন দু'জনে আপনাকে নখো তুকে গেলুম। এর মধ্যেই ভুলে

জটাবাবা একটা দীর্ঘশ্বাস ছেড়ে বললেন, “ওরে, কতজনাকে আর মনে রাখব? যজ্ঞমান কি আমার একটা-দুটো? সারা পৃথিবীতে লাখো-লাখো ছড়িয়ে আছে যে। তা তুই কি চোর-ডাকাত নাকি?”

“আমি চোর-ডাকাত হলে কি আপনার কিছু সুবিধে হয় বাবাজি?”

জটাবাবা একটা দীর্ঘশ্বাস ফেলে মাথা নেড়ে বললেন, “তা জানি না বাপু। মারধর খেয়ে মাথাটা বড্ড ঝিমঝিম করছে। কিছুই তেমন মনে পড়ছে না।”

টকাই মিষ্টি করে জিজ্ঞেস করে, “আপনি সাধু-সন্নিস মানুষ, সাধনভজন নিয়ে থাকেন, আপনাকে তো মারধর করার কথা নয়। বলি গুপ্তধনটনের খবর আছে নাকি আপনার কাছে?”

জটাবাবা মাথা নেড়ে বললেন, “না রে বাপু, গুপ্তধন নয়।”

“তবে কী?”

“কিছু মনে পড়ছে না রে বাপু। মাথাটা বড্ড গুলিয়ে গেছে।”

“ওই বড় বাসুটার মধ্যে যে কেটার জীবটাকে পুরে রেখেছিলেন, তার কী ব্যবস্থা করেছেন বলুন তো বাবাজি! মেরেটেরে ফেলেছেন নাকি? তা হলে বলতে হয় আপনি সাধুবশে অতি পাবণ লোক।”

জটাবাবা জুলজুলে চোখে টকাইয়ের দিকে চেয়ে বললেন, “ওসব আমি কিছু জানি না বাপু, মদনা জানে।”

“মদনা, সে আবার কে?”

জটাবাবা এবার নিজেই কমগলু তুলে খানিক জল খেয়ে বললেন, “মদনা যে কে তাও কি ছাই জানি।”

“মদনা আপনার চেলা নাকি?”

জটাবাবা মাথা নেড়ে বলেন, “না। বিষ্ণুপুরের বটতলায় আস্তানা গেড়েছিলুম। সেইখানেই এসে জুটল। খুব চালাক-চতুর লোক। মেলা ভেলকিও জানে দেখলাম। বলল, তাকে নাকি পুলিশ ঝুটমুট হয়রান করছে, একটু গা-ঢাকা দিয়ে থাকতে চায়। তা আমি সাধু-ফকির মানুষ, আমার আর কাকে ভয়? তাই নিলুম সঙ্গে ছিটিয়ে। তারপর ঘুরতে ঘুরতে এই ময়নাগড়ের জঙ্গলে। এর বেশি কিছু আমি জানি না বাপু।”

“কিন্তু বাবাজি, জানলে ভাল করতেন। ওই বাসুটার মধ্যে যাকে পুরে রেখেছিলেন, সে কিন্তু কোনও জন্তু-জানোয়ার নয়। দেখতে বিটকেনি হলেও, সে তুচ্ছতাম্বিলা করার লোকও নয়। তাকে দিয়ে কী করানোর মতলব ছিল আপনার বলুন তো?”

“সেসব মদনা জানে। আমাকে জিজ্ঞেস করে লাভ নেই।”

“তাকে পেলেন কোথায়? সেটাও কি মদনা জানে? আর মদনাই যদি সব জানে,

তা হলে আপনি বাবাজি কি চোখ উলটে ছিলেন? আমি নিজের চোখে রোজ রাত্তিরে ওই বেড়ার কাঁক দিয়ে দেখেছি, আপনারা দু'টি পাখও মিলে মানুষটার উপর কী অভ্যাসটাই না করেন। খেড়ে কাশুন তো বাবাজি, আপনারা আসলে কারা, আর মতলবটাই বা কী?"

নবা আর দুর্গাপদ এতক্ষণ কথা কয়নি। নবা এবার একটু গলাখাঁকারি দিয়ে বলল, "ওস্তাদ, আপনি শিল্পী মানুষ, জীবনে কখনও মোটাদাগের কাজ করেননি। জটাবাবাকে পাঁচ মিনিটের জন্য আমার আর দুর্গাপদের হাতে ছেড়ে দিয়ে আপনি একটু বাইরে গিয়ে দাঁড়ান। আমরা জিভ টেনে কথা বের করে আনছি।"

জটাবাবা জুলজুল করে নবা আর দুর্গাপদকে জরিপ করে নিলেন। তিনি রোগাভোগা লোক, আর এ দু'জন পেছার জোরান। কমণ্ডলু থেকে আর-একটু জল গলায় ঢেলে জটাবাবা বললেন, "ভিট রে পাপিঠ, আমি কিন্তু মারণউচাটন জানি।"

নবা বলল, "সে আমরাও জানি। আপনার মারণউচাটনের চেয়ে আমাদেরটার আরও ভাল কাজ হয়, দেখবেন? ওস্তাদ, যান, একটু ফাঁকায় গিয়ে দাঁড়ান। ইদিকে কান দেবেন না। পাঁচ মিনিট পর দেখবেন বাবাজির মুখ থেকে হড়হড় করে কথা বেরোচ্ছে।"

একটা হাই ডুলে আড়মোড়া ভেঙে টকাই বলল, "যা ভাল বুঝিস কর। তবে প্রাণে মারিস না বাপু। আর দেখিস, যেন মেলা চেঁচামেচি না করে। আর্ভনাদ জিনিসটা আমি সহিতে পারি না।"

"তাই হবে ওস্তাদ।"

জটাবাবা ঘাসঘাস করে মাথা চুলকোতে চুলকোতে বললেন, "ভাল কথাই তো বললুর বাপু। তবু বিশ্বাস হচ্ছে না কেন বলো তো! কিছু ডুল বলেছি বলেও তো মনে হচ্ছে না। এ সময় মদনাটাই বা গেল কোথায়? এদিকে যে আমার বেজায় বিপদ। এই জনাই তাকে পইপই করে বলেছিলুম, 'ওরে, এই বিটকেল ফুটবলের মতো জীবটাকে ছেড়ে দে।' তা বলে কিনা, ওটা নাকি অন্য কোন গ্রহ-নক্ষত্রের জীব। বেচলে মেলা টাকা পাওয়া যাবে।"

টকাই বলল, "এই তো কথা বেরোচ্ছে দেখছি। তা বিটকেল জীবটাকে পেলেন কোথায়?"

দু'খানা হাত উলটে হতাশার ভঙ্গি করে জটাবাবা বললেন, "আমি কোথায় পাব? অন্ত সুলুকসন্ধান কি জানি! তবে শুনেছি, ময়নামর্গের রাজবাড়ির ভিতরে লুকিয়ে ছিল। মদনা তাকে উদ্ধার করে আনে।"

“আপনাকে মারধর করল কে?”

মাথা নেড়ে জটাবাবা বললেন, “জানি না। ক’দিন যাবৎই কারা যেন ঘুরঘুর করছে আশপাশে। তাদের দেখাও যায় না, শোনাও যায় না, কিন্তু কেমন যেন টের পাওয়া যায়। খানিকটা অশরীরীর মতো। তা মদনকে কথাটা বলতেই সে বলল, ‘আমিও টের পেয়েছি, একটু সাবধান থাকুন।’ তা সাবধান আর কী থাকবে বাবা, অশরীরীর হাত থেকে কি আর কারও রেহাই আছে? নিশ্চিতি রাতে শুনতে পেতাম, কারা যেন আশপাশে ঘুরছে, গাছ ঝাঁকচ্ছে। প্রায়ই দেখতুম, সকালের দিকে হরিগছানারা এসে ঘরে ঢুকে ওই কাঠের বাস্কাটার কাছে বসে আছে। মেলা রংবেরঙের প্রজাপতি এসে বসে থাকত বাস্কাটার গায়ে। বীদরের পাল এসে নানারকম বুনো ফল বাস্কাটার কাছে রেখে চলে যেত। এসব অশৈলী কাণ্ড দেখে বড় ভয় পেতুম।”

“তা হলে আপনি আর আপনার স্যাঙাত, দুই পাখণ্ড মিলে ওই কেঁটার জীবের উপর অত্যাচার করতেন কেন?”

“বলছি বাবা, বলছি। সেই পাপের প্রায়শ্চিত্তিরও আমাকে করতে হবে। মদনা বলেছিল, হিজিবিজি নাকি এমন সুন্দর শিস দিতে পারে, যা শুনে স্বর্গের দেবতারাও নেমে আসতে পারে। সেই শিস শুনলে নাকি মানুষের পূর্বজন্মের স্মৃতি ফিরে আসতে চায়। মদন নাকি একবার আড়াল থেকে সেই শিস শুনে প্রায় মূর্ছা গিয়েছিল। কিন্তু দুঃখের কথা হল, হিজিবিজিকে ধরে আনার পর শও চেঁচাতেও তাকে শিস দেওয়াতে পারিনি আমরা। কত আদর করে বাবা-বাছা বলেও পারিনি। শেষে আমাদের যেন মাথায় রক্ত উঠে গিয়েছিল। তাই খাপা রাগে অত্যাচার করে ফেলেছি। এখন নিজের উপর বড় ঘেমা হচ্ছে বাবারা।”

“বাবাজির কি অনুতাপও হচ্ছে নাকি?”

“হচ্ছে, হচ্ছে। অনুতাপ তুবানল, দন্ধে-দন্ধে মারে। মারধর করো, সেইবে। কিন্তু অনুতাপ বড় সাংঘাতিক জিনিস। ভিতরটা আংরা করে দেয়।”

“ওর নাম কি হিজিবিজি?”

“তা জানি না। মাঝে-মাঝে শুধু বলত, হিজিবিজি, হিজিবিজি।”

“তারপর কী হল বলুন।”

“বলছি, বাবা, বলছি। আজ সকালবেলায় মদন যেন কোথায় বেরোল। একা বসে সাধনভঙ্গনের চেষ্টা করছিলাম। কিন্তু আজ বড় গা হুমকি করছিল। কোথা থেকে একটা বোটকা গন্ধ আসছিল। বাইরে মাঝে-মাঝে কেমন যেন অস্বস্ত হাওয়ার শব্দ হচ্ছে। শুকনো পাতার উপর পা ফেলে কারা যেন হাঁটছে। বনে-জঙ্গলে, পাহাড়ে-পর্বতে কত দিন আর কত রাত কাটিয়েছি, কিন্তু আজকের মতো এরকম অস্বস্তি



কখনও হয়নি। মনে হচ্ছিল, আজ একটা কিছু ঘটবে। আমাকে পাবওই ভাবো কিংবা যাই ভাবো বাপু, সাধু হওয়ার জন্যই কিন্তু সংসার ছেড়েছিলুম। শেষ অবধি সাধু হতে পারিনি, ভেক ধরে ঘুরে বেড়াই। তবু লোকটা আমি তেমন খারাপ ছিলুম না হে। একটু মনুষ্য যেন এখনও আছে। তাই আজ সন্ধ্যাবেলায় ভাবলুম, হিজিবিজিকে এরকমভাবে আটকে রেখে বড় পাশ হচ্ছে। কিন্তু ছেড়ে দিলে যদি বাঘে খায় কি বুনো কুকুরে ধরে, সেই ভয়ে ছাড়তেও দনোমনো হচ্ছিল। তারপর ভাবলুম, ওই বন্দিনী খেকে তো আগে মুক্ত করি, ছাড়ার কথা পরে ভাবা যাবে। মনটা স্থির করে ব্যস্তের ডালা খুলে দিয়ে বললুম, 'বাবা হিজিবিজি, দোকঘাট নিয়ে না, তোমার প্রতি বড় অভ্যাচার-অবিচার করেছি, আজ ক্ষমা করে দাও।''

“তারপর?”

“হিজিবিজি কী বুঝল, কে জানে! তবে হামাগুড়ি দিয়ে বেরিয়ে এল। তারপর চারদিকে একবার দেখে নিয়ে গুটগুট করে বেরিয়ে গেল।”

“সত্যি বলছেন তো?”

“সত্যি বলছি বাবা। মারো, কাটো যা খুশি করো, মিথ্যে বলব না। হিজিবিজি চলে যাওয়ার পর মাথাটা একটু খিঁচু হল। ভাল করলাম না মন্দ করলাম কে জানে। মদন হয়তো এসে আমাকে খুনই করবে। তবু যা ভাল বুঝেছি, করেছি।”

“তারপর কী হল?”

জটা বাবা শুকনো ঠোঁট জিত দিয়ে চেটে মিয়ানো গলায় বললে, “খুব দুশ্চিন্তাও হচ্ছিল। এই জঙ্গলে মাঝে-মাঝে বাঘ ঘুরে বেড়ায়, বুনো কুকুরও আছে। তাদের পাল্লায় পড়লে হিজিবিজি চোখের পলকে শেষ হয়ে যাবে। এইসব ভেবে সাধনভঙ্গনে মন বসাতে পারছিলাম না। হঠাৎ শুনি, বাইরে থেকে একটা অদ্ভুত সুন্দর সিসের শব্দ হচ্ছে। সে এমনই সুন্দর, প্রাণ যেন আনচান করে ওঠে। মনে হয় যেন, স্বর্গের দেবতাদেরই বোধহয় আগমন ঘটেছে। কী বলব বাবারা, আমার চারদিকে বাতাসটাও যেন নেচে উঠেছিল সেই সুরে। পাগলের মতো ঘুরে ছেড়ে বেরিয়ে পড়লাম। কিন্তু দরজায় থমকে দাঁড়াতে হল, যা দৃশ্য দেখলাম, জন্মেও ভুলব না।”

“কী দেখলেন বাবাজি?”

জটা বাবার চোখ দুটো যেন হঠাৎ স্বপ্নাতুর হয়ে গেল। উর্ধ্বদৃষ্টিতে খানিক চেয়ে থাকলেন। চোখ দিয়ে টসটস করে জল পড়ছে। স্থমিত কণ্ঠে বললেন, “সারা জন্মের তপস্যাতেও ও জিনিস দেখিনি। দেখলাম, হিজিবিজি দুলে দুলে হাঁটছে। আর তার পিছনে চলেছে রাজ্যের জন্তু-জানোয়ার দুটো হরিণ, একটা বাঘ, কয়েকটা খরগোশ,

আরও কী কী যেন! পোষমানা জীবজন্তুর মতো হিজিবিজির সঙ্গে চলেছে, একটু পরে তারা অন্ধকারে মিলিয়ে গেল।”

“তারপর কী হল বাবাজি?”

“ওই কাণ্ড দেখে নিজের উপর বড় ধেমা হল বাবা। সাধনভঙ্গন করি, কিন্তু কই, বুনো জন্তুরা তো কখনও পোষ মানেনি আমার। তবে কি ওই হিজিবিজি আসলে তেত্রিশ কোটি দেবদেবীর কেউ? যদি তাই হয়ে থাকে, তবে তো আমার বড় অধর্ম হয়েছে। আত্মগ্লানি আর অনুশোচনায় বসে বসে তাই চোখের জল ফেলছিলাম। এমন সময় একটা মাঝবয়সি লোক কোথা থেকে এসে উদয় হল। পাকানো চেহারা, চোখ যেন ধকধক করে জ্বলছে। ঘরে ঢুকেই হাঁক মেরে বলল, ‘কই, কোথায় লুকিয়ে রেখেছিস আমার হিজিবিজিকে?’ আমি খতমত খেয়ে বললুম, ‘সে নেই। চলে গিয়েছে।’ লোকটা এ কথায় ভারী অবাক হয়ে বলল, ‘সর্বনাশ! কোথায় গেছে?’ মাথা নেড়ে বললুম, ‘জানি না।’ তারপর লোকটা হঠাৎ তেড়ে এসে আমার উপর চড়াও হল। কী মার! কী মার! প্রথম কয়েকটা ঘুসো খেয়েও জ্ঞান ছিল। তারপর কিছু মনে নেই।”

“লোকটা কে?”

“তা কী করে বলব বাবা। হেঁটো ধুতি, গায়ে একটা জামা আর চাদরের মতো কিছু ছিল। গৌফ আছে। বাবুগোছের লোক নয়, গতরে খেটে খাওয়া লোক। রাগের চোটে বেরকম ফুঁসছিল, তাতে আমাকে যে খুন করেনি সেটাই ভাগ্যি।”

“এবার যে আপনাকে গা তুলতে হবে বাবাজি। চলুন।”

“কোথায় যেতে হবে বাপু?”

“তা জানি না। তবে হিজিবিজিকে খুঁজে বের না করলেই নয়। আপনার কথা শুনে যা বুঝেছি, তাতে মনে হয়, আপনার স্যাঙাত মদনা খুব ভাল লোক নয়। হিজিবিজি যদি ফের তার খন্ডরে পড়ে, তা হলে তার কপালে দুঃখ আছে।”

জটা বাবা মাথা নেড়ে বললেন, “তা বটে। শুনেছি হিজিবিজিকে বিক্রি করলে, সে নাকি মোটা টাকা পাবে। কয়েক লাখ।”

“বাবাজি, অভয় দেন তো একটা কথা কই।”

“বলো বাপু।”

“আপনাদের দু’জনের কাছেই বন্দুক-পিস্তল আছে। কেন বলুন তো? বন্দুক-পিস্তলও কি সাধনভঙ্গনে লাগে?”

জটা বাবার মুখখানা হঠাৎ যেন ফ্যাকাসে মেরে গেল। আমতা-আমতা করে বললেন, “সে আমার জিনিস নয় বাপু। মদনার জিনিস।”

“আপনি বন্দুক চালাতে পারেন?”

“মদনাই একটু-আধটু শিখিয়েছে। তবে বাপু সত্যি কথাই বলি, ওসব আমি পছন্দ করি না।”

“আপনি কি বলতে চান, আপনি খুব ভাল মানুষ। যত দেখে ওই মদনার? থাকবে, আপনাকে আর ছালাতন করতে চাই না। উঠুন। নবা, কনকল-টবল সরিয়ে বন্দুক-টুকু বা পাস বের কর তো। খানার জমা করতে হবে।”

সাত

শ্যামাচরণকে কোথাও খুঁজে দেখতে ব্যক্তি রাখল না শিবেন। নিবু-নিবু টার্চের আলোয় সাধামতো আগাছা জর্জরিত বাগানের বোপ-জঙ্গলেও খুঁজল। খুঁজতে খুঁজতে পরিশ্রমে গা গরম হয়ে ঘামতে লাগল সে। ভক্তহরিকে শিবেন বড়ই ভয় পায়। ভক্তহরির গায়ের জোর বেশি, বুদ্ধির জোর বেশি, মনের জোর বেশি। কোনওদিকেই সে ভক্তহরির সঙ্গে এঁটে উঠতে পারেনি। শুধু লেখাপড়ায় ভক্তহরি তার চেয়ে একটু শিখিয়ে। আর ভক্তহরি সেই জনাই শিবেনকে এত হিংসে করে। নইলে খুঁজে খুঁজে এই অজ পাড়াগাঁয়ে শিবেনের খোঁজে এসে হাজির হত না। তবে ভক্তহরি যখন এসেছে, তখন শিবেনকে বিপাকে ফেলবেই। ভয়ে শিবেনের বুক ধুকধুক করছে। ভক্তহরির অবাধ্য হওয়ার সাধাই নেই তার। ভক্তহরির আদেশ না মানলে কোনদিক দিয়ে কোন বিপদ আসবে, তা কেউ জানে না।

শিঙল দিয়ে কীভাবে চাপ সৃষ্টি করতে হয়, তা শিবেন জানে না। শুধু জানে, মানুষ বন্দুক-শিঙলকে ভয় পায়। আশা করা যায়, শ্যামাচরণও পাবে। যদি পায়, তা হলে শ্যামাচরণের কাছ থেকে পানিঘরের হুমি জেনে নেওয়া তেমন কঠিন হবে না। আর পানিঘরের হুমি না দিতে পারলে ভক্তহরি খুব রোগে যাবে। আর ভক্তহরি যত রোগে যাবে, ততই বাড়বে শিবেনের বিপদ।

কিন্তু ঘণ্টাখানেক হনো হয়ে ঘোরাঘুরির পর শিবেন ক্লান্ত হয়ে গিঁদুক গাছটার তলায় শিশিরে ভেজা ঘাসের উপর একটু জিরিয়ে নিচ্ছিল। গভীর রাতে আকাশে একটু ভুরুভুড়ে জোংলা ফুটেছে। তাতে বাগানে একটা ভারী আন্দোল-আঁধারির সৃষ্টি হয়েছে। কিন্তু মনটা বড় উচাটন। বাগানের সৌন্দর্য দেখার সময় নেই শিবেনের। উঠতেই ব্যক্তি, হঠাৎ বাঁ-দিকের লোহার ফটকে একটা শব্দ পেয়ে শিবেন টান হল। শ্যামাদা এল নাকি?

না, শ্যামাদা নয়। চ্যাঙামতো একটা মোক টুক দিয়ে ঢুকে হনহন করে বাগান

পেরিয়ে রাজবাড়ির দিকে আসছে। শিবেন একটু অবাক হল। এ বাড়িতে সন্ধ্যাবেলা একবার চোরের আগমন হয়েছে। তারপর ভজহরি হানা দিয়েছে। এখন আবার এই ঢাঙা লোকটাও কি তার খিসিসের সন্ধানে এসে জুটল? শিবেনের খিসিসের খবর এমন রটে গেল কী করে, সেটাই সে ভেবে পাচ্ছে না। অবশ্য ফুল ফুটলে তার গন্ধ ছড়াবেই, তাকে তো আর আটকানো যায় না। শিবেন এও জানে যে, এই খিসিস প্রকাশিত হওয়ার পর বিজ্ঞানে নতুন দিগন্ত খুলে যাবে। আপাতত এটাকে রক্ষা করা ক্রমশ কঠিন হয়ে দাঁড়াচ্ছে।

শিবেন বা বগলে শক্ত করে খিসিসের ফাইলটা চেপে ধরে ডান হাতে পিস্তল বাগিয়ে গা-ঢাকা দিয়ে গাছগাছালির ছায়ায় লোকটার পিছু নিল। বাড়ির পিছনের ভাঙা জানলাটার কাছে গিয়ে থামল লোকটা। তারপর কুককুক করে তিনবার একটা সাংকেতিক শিস দিল। জানলার পাশটা সরিয়ে কে যেন ভিতর থেকে খুঁকে কী একটা বলল।

কী কথাবার্তা হয় তা জানার জন্য একটু এগিয়ে গেল শিবেন।

বাগানে ঝোপঝাড়ের অভাব নেই। গা-ঢাকা দেওয়ার খুব সুবিধে। তাই শিবেনের কোনও অসুবিধেই হল না। দু'জনের বেশ কাছাকাছিই এগিয়ে যেতে পারল সে। তার খিসিস সম্পর্কে এরা কতটা কী জানতে পেরেছে সেটা জানা শিবেনের একান্তই দরকার।

ঢাঙা লোকটা চাপা গলায় বলছিল, “সন্ধান পেয়েছ?”

“আরে না, তবে পানিঘরেই গিয়ে ঢুকছে মনে হয়। না হলে মজাপুকুরে ডুবে মরেছে। খুব মুশকিল হয়ে গেল। পালাল কী করে? জুটাই তো পাহারায় ছিল।”

“তা ছিল, তার কাছে তার মেশিনগান অবধি ছিল। কিন্তু হানাদার সাংঘাতিক ধূর্ত। আচমকা ঢুকেই মেরে বসে। জুটাই হাতখানা পর্যন্ত তোলার সময় পায়নি। পানিঘরের সন্ধান পেলে?”

“না, সারা বাড়ি ঘুরে কোথাও পথ পেলাম না। এর মধ্যে ওই হাবা খিসিসীম শিবেনমাস্টারটাও এসে হাজির হয়েছিল। তাম্বি দিয়ে একটা খেলনা পিস্তল ধরিয়ে দিয়ে তাড়িয়েছি।”

“শিবেনমাস্টার! সে আবার এসে জুটল কেন?”

“কী যেন ছাইভঙ্গ খিসিসের কথা বলছিল। আমাদের ভজহরি বলে ধরে নিয়ে খুব তোয়াজ করছিল। মাথামুড় কিছুই বুঝলাম না। তাকে ওর কথার পাঁচটেই ওকে ফেলেছি। ঘুরে ঘুরে এখন শ্যামাচরণকে খুঁজে হুমকি হচ্ছে।”

ওনে শিবেনের ভারী রাগ হল। তা হলে এই পিস্তলটা আসল পিস্তল নয়! আর

এই লোকটাও নয় ভয়হরি। আর তার এত কট্টের খিসিসটা হল ছাইভস্ম। রাগ হলে শিবেনের আর কাণ্ডজ্ঞান থাকে না। আর কাণ্ডজ্ঞান হারালে শিবেন যা-তা সব কাণ্ড করে ফেলে। আজও করল। বাগানের এখানে সেখানে ফেলা ভয়ভূপের ইটপাটকেল পড়ে আছে। তারই একটা কুড়িয়ে নিয়ে শিবেন ধাঁই করে জানলার লোকটাকে লক্ষ্য করে সজোরে ছুড়ে মারল। 'আঁক' করে একটা আর্ন্তনাদের শব্দ শোনা গেল। তারপর একটু তফাতে থেকেও শিবেন লোকটার পড়ে যাওয়ার শব্দ পেল।

ঢাঙা লোকটা বিদ্যুতের গতিতে ফিরে দাঁড়িয়ে হঠাৎ চোঁ-চোঁ দৌড়তে শুরু করল। কিন্তু শিবেনের রাগ হলে সে আর মানুব থাকে না। খিসিস আর পিস্তল দুটোই ফেলে দিয়ে সে আর-একখানা আধলা কুড়িয়ে নিয়ে লোকটার পিছু ধাওয়া করল। ফটকের কাছাকাছি শিবেনের দ্বিতীয় টিলটা অবশ্য জায়গামতো লাগল না। তবে লোকটা পালাতে পারল না। হঠাৎ জনা দুই শব্দসমর্থ লোক কোথা থেকে এসে জাপটে ধরে পেড়ে কেবল লোকটাকে।

বাইরের এসব গণ্ডগোল পানিঘরে পৌঁছল না। সেখানে তখন এক আশ্চর্য শিসের শব্দে বাতাসে অপার্থিব কাঁপন বয়ে যাচ্ছে।

পাঁচু বিভোর হয়ে শুনেছে। দু'চোখে বইছে জলের ধারা। অনেকক্ষণ শিস দেওয়ার পর হিজিবিজি ধামল।

পাঁচু হাত বাড়িয়ে হিজিবিজিকে একটু ঝুল। তারপর বলল, “তুমি বড় ভাল লোক। তুমি বড় ভাল লোক।”

-- সমাপ্ত --

The Online Library of Bangla Books

**BANGLA BOOK**.ORG